


# EPISTOLARVM

ORATIONVMQ.

LIBER,


Hieronimi Nigri Veneti , Canonici  
Patauini , & I. C. Omnium  
æloquentiff.



OPATAVINO

*Apud Simonem Galignanum de Krera*

M D LXXIX.



# AMPLISSIMO GRAVISSIMOQ.

Senatori, ac patrono & D. suo Obseruandiss.  
Petro Foscaro,

M. Mant. Benauidius, Patauinus, Iurifcon. Comes  
& eques Vt. Aulae, & supra Ordinarius  
Iur. Pont. Int.



teronimus Niger Venetus, Cano-  
nicus Patauinus, & Iurifconsul-  
tus omnium æloquentissimus,  
librum Epistolarum familiarium  
Multiplicesq; Orationes, & Apo-  
logiam quidem ad Principes

Christianos concilii Bononien. Olim in morte reli-  
quit, quarum omnium Mœrere à Sacerdote, Iaco-  
bo Morelio Salboren. eiusdem Alumno, liberaliter  
cohonestatus fui, cum sciret maxime, Inter nos tam  
magnum Amicitie fœdus fuisse, nosq; tanta beneuo-  
lentia coniunctos, ut nulli tunc Amiciores chario-  
resq; reperiri potuerint, ea de re nisi hosce Ingenii  
sui factus Vberrimos sanè, in lucem emitterem, in  
gratitudinis uicio profectò accusandus essem, ratus  
insuper, si quæ inter nos aguntur, Mortui, sciunt, sal-  
tim aliorum morientium relatione, quod ipsi quoq;  
officium huiusmodi, non ingratum erit, & apud om-  
nes laudabile postea, presertim cum Ciceronianæ e-  
locutionis nō modo imitator sed (ut uideri potest)  
etiam æmulator egregius, fuerit, & cum adhuc co-

gitarē cui dicādi forent, te unum delegi Amplis-  
sime Vir, Clarum genere, in quo principes, Cardina-  
les, tot tantiq; Senatores fuerunt, præcipue, Marcus  
Genitor tuus, non tam Venetæ urbis, quam orbis  
etiam fulgentissimum Sydus, & Splendor, adeo ut  
longe difficilius sit exitum quam principium inue-  
nire, Te inquam ingenio prudentem, Gravitate in-  
comparabili, fide, officioq; diligentem, & morum,  
Sanctitateq; vitæ ad Reip. gubernationem natum,  
Demum quia tui cura cum apud aliquos essent epi-  
stolæ, si non omnes earum pars saltim Alumno suo  
supradictō, cuius Tu nunc Patronus Amantissī-  
mus existis, euestigio promptissime restitutæ fue-  
runt, Quas igitur, tibi reuerenter dicamus, deuoue-  
mus & consecramus, præfatiq; Hieronimi Nigri  
Nomen, Immortalitati donatum pariter, ut ipsum a  
DetraCTORUM moribus defendas & tuearis, quod si  
feceris, non minori laude dignus eris, absq; dubio  
tu, quam alius quisquam, qui hoc officio aliquando  
functus sit, & non modo ob id tantum, verum etiam  
quod eos non blattis & pulueri, relinqui, & Obliuio-  
ni, mandari, permiseris. Vale Senator inter gra-  
ues, grauisime, & inter Illustres, Illustrissime teq;  
incolumen, seruet Deus Optimus Maximus.



Vi suo iure omnia sibi de me, ac studiis meis polliceri possunt, & fortasse plus pollicentur, quam præstare me posse sentiam; nuper mecum egerunt, ut Apologiam Concilii Bononiensis conscriberem; Opus sanè arduum, ac tua dignum iurisperitia & eloquentia, Quãq̃ autē iure potuissē illud Mantuani Vatis carmen obiicere.

Non tali auxilio nec defensoribus istis. Tempus eget. Quando silent leges inter arma, aut si illæ semper loquuntur, obstrepente Clastico non exaudiuntur, Tamen authoritati Clarissimorum uirorum qui id a me efflagitarunt, cedendum fore existimaui, præsertim quum meus ordo meaq; in Romanam sedem pietas & prisca fides postulent nullo ut loco desim, in eis omnibus quæ ad illius dignitatem uel tuẽdam uel amplificandam pertinent. Pauca igitur hæc in eã sententiã conscripsi, non acuto illo quidem & subtili iurisperitorum nostræ ætatis more, sed lato & Oratorio dicendi Caractere, Quemadmodum Veteres illi Iurisperiti causas agere solebant. Pressam illam & Spinofam disceptandi rationem uestris Gymnasis relinquendam duxi in quibus tu iure optimo imperium exerces, ita tamen ut hanc quoq; calamistris inustam non negligas. Quidquid autē id est quod ab auditore olim tuo profectū est, priusquã in aliorū manus exeat; Censuræ imprimis debetur tuæ, Quamobrem pato abs te ut hoc ueluti Mancipium apud te domi habeas, Corripias, & si dignum uidebitur, perpetuis damnes ergastulis, Non enim iacturæ, sed lucris loco apponam, si labores mei te æquisimo iudice interibunt. Vale.

MARCO MANTVÆ IVRECONS.  
H. N. S.

**I**N hoc meo Patavino Otio, quo Vexante Ciuitatem pestilentia, intra domesticos parietes fruor, nullum mihi solatium iucundius est litterulis nostris, & his quidem politioribus, quumq; recognoscerem nuper Commentarios meos rerū

memorabilem, in quibus honorificam, ut debeo, de te mentionem facio, desydero in ea parte Catalogum scriptorum tuorum, tam editorum; quam non editorum. Peto igitur abs te, ut eum ad me Mittas, quod spero te facturum, non Ambitionis studio, à quo longe abes, sed ut mihi morem geras, Vale, & hoc tempore Cōsuetudinē hominum quoad potes, deuota. Quemadmodum & ipse facio, ne Mala uicini pecoris contagia ledant. Vale.

Hieronymus Niger, Bernardino Sabino Cardinali. S.D.

**S**uspensos diu nos, atque ancipites tenuit nuncius delatus tibi a Pont. Max. amplissime dignitatis, gratulari ne, an potius dolere deberemus, te nihil tale cogitantem in Cardinalium ordinem fuisse cooptatum, gratulatoris quidem causæ multe fore uidebantur, eximias uirtutes tuas a tanto uiro tali honore dignus fuisse habitus, fore te isto in loco, in quo multis mortalibus, atq; uniuersæ Reip. non mediocri adiumento esse possis, Exemplo isto multorum animos accendendos fore ad pietatem atq; uirtutem, quum animaduertam locum istum; qui plerumq; opibus & nobilitati patere consueuerat, nunc doctrinæ, & probitati fuisse patefactum. Mœroris autem causæ nonnullæ sunt, quarum aliquæ ad nos attinent, aliquæ uero tuæ ipsius causa proueniunt. Non possumus non dolere nos tuī necessarios, tuā consuetudine esse destitutos, ex qua fructū capiebamus uberrimum & ad componendos animos maxime salutarem. Te uero iucundissimæ tranquillitati, & cœlestium rerum contemplationi deditum, nam tantis iactationibus, & turbinibus fuisse expositum uehementer dolemus. Videris. n. & esse conditiore qua iam diu quassata flutuebat, & uentis nauicula, quæ quum uix tandem portum inuenerit, paulo seniori sacro cœlo, egressa portu, rursus in procellas & tempestates incidat prioribus læuiore. Ac mihi quidem ab Iulii secundi pontificatu, quo primum tempore ista in urbe uersari cœpi, usq; ad hæc tempora præteritarum rerum memoriam, & præsentium statum animo repetenti illud uidetur uerissimū, nulla esse deteriore fortunam quam eorum, qui in corrupta Republica principem locum tenent. Nam, ut à priore in ta-

tiore non descendam, multo infelicius agitur cum rectore pe-  
 riclitantis nauiculæ, quàm cum nautis. Illum enim, si quid  
 durius accideret, cæteri execrauerat, atq; odere, in secundis au-  
 tē rebus, non illi, sed uentis & mari gratis referūt. Memini Ha-  
 drianum sextum Pont. max. qui dum in Cantabris ageret, ni-  
 hil eiusmodi cogitans Pontifex max. factus est, supremo ui-  
 tæ die, quū a familiaribus interrogaretur, nam quid eis man-  
 dare uellet, respondisse, Hoc elogiū sepulcro meo inscribi  
 uolo. Hic nihil infelicius duxit in uita, quàm quod impera-  
 ret. Quæ uerba recorder me ī eius, Cœnotaphio inscripta le-  
 gisse, qua elatus est die. Sed ne ab homine externo, & rerum  
 gerendarum imperito exempla petemus, Gaspar Contare-  
 nus uir omnium sapiētū iudicio sapiētissimus, quē ego (ut scis)  
 Cardinalem ex in sperato factum, sequutus sum, quum forti  
 animo ad rempub. accessisset, multo difficilior negotiū in  
 ea gerenda inuenit, quā fuerat opinatus,prehenditq; nec  
 diligentia suā insidiis, neq; innocentia suā calumniis carere  
 potuisset. Interdūq; moxq; ad priuatā respexit uitā, quā autē  
 in patria, & in ciuitate optimi constituta duxerat, ubi charus  
 ciuibz suis, fortunis & honoribus abūdās, in litterato otio  
 uiuebat iucundissime, sed a Paulo tertio Pont. Max. tam  
 honorifice euocatus, detractare Imperiū non potuit, eiusq;  
 mandato una cum Collegii ei Curia præfectis, aggressus  
 causam reformandæ Reip. quasi Isthmum foderet, aut Penelo-  
 pes telam retexeret, sua spe est deceptus. Adeo nāq; depraua-  
 ti sunt hominum mores, adeo inualuit, & inhæsit osibus suis  
 ut adhibita medicamenta irritare potius morbum, quàm le-  
 uare uideantur. Verum in tanto conflictu spei metusq; posi-  
 ti, nullum firmitus habemus præsidium, quàm perpetuas ad  
 Deum preces, Diuinum est enim opus, non humanum, quod  
 suscepisti, neq; antea cessaturā puto hanc uehementē procel-  
 lam, quàm placuerit ei, qui imperat uentis & mari. Quod  
 tempus quum incognitum sit nobis, assiduus precibus imple-  
 rāda est diuina bonitas, qui nostram sublimet imbecillita-  
 tē. Quamobrem scito nos qui in hoc Italia Angulo ipsius Dei  
 benignitate pacatisimo delitescimus, si non alia ratione iu-  
 uare possumus cōmunē causā, hoc certe non deesse, ut ince-  
 sātē oremus pro eorū salute, qui ad Clauū sedēt fluquātis.

nanigii,præcipue nero salutem&felicitatem Pontificis Max. deposcimus, in cuius uirtute & sapientia post immortalem Deum, tãquam in sacra Anchora plurimum spei repositum uidemus. Vale.

VVolfango Furtmairo, H.N.

**I** Gnosce mihi mi VVolfange, si diutius absum, quã opina bar. Volo tamen te&tuos omneis uti Domo mea æque familiariter, ac tua. Spero me istuc rediturum infra Triduum, Interea familiares mei quæcunq; poterunt beneuolentiæ & amoris officia uobis libentissime præstabunt. De rebus Germanicis. Hoc audio Cæsarem iã esse in Germania, & Ratisponã proficisci ubi non ante quintum decimũ Kalen. Aprilis ad erit, Colloquiũ interea fiet de rebus religionis ex præscripto Cæsaris. Vidi Articulos discutiendos, protestantes ab Augu sten si confessione non recedunt, & in eadem pertinacia, persistunt, qua fuerunt hætenus; Concilium Tridentinum testudineo gradu procedit expectans fortasse successum Ratisponensi conuentus, & exitum pacis aut belli inter summos Principes, qui potius ad arma quam ad pacem, & ad sedandas discordias uidentur respicere. Vale.

Victori Puteolano Venetias .

**N** On sefellisti opinionem meam, Puteolane Vir doctis si me qui inhibitorias literas è tribunali tuo surreptas iustissimis de causis reuocasti. Utinã ita facerët cæteri qui metropolitanas occupât sedes, non enim tot lites ex litibus se rerentur. Tanto cum pauperum incommodo, qui per uarios anfractus, super quouis articulo longè à proposita causa distracti litigare, coguntur. Est quidem (ut scis) legibus amica simplicitas, atq; ille plerunq; perspicue & Eleganter scripte sunt sed peruersa hominum ingenia ambitioni & avaritiæ dedita eas cõfundūt atq; implicāt, ut ueluti oracula ciuitatũ soli ipsi iuris periti consulantur. ingentesq; opes ex aliena satura cõquirāt. Itaq; æqui & sapientis est iudicis reiectis calūniis ueritatẽ amplecti atq; in primis meminisse, leges non  
ad



ad controuersias excitandas sed tollendas a sapientiss. uiris conditas fuisse. Quod quum abs te diligenter obseruari uideam tibi gratulor inmortaleisq; ago gratias huiusce boni & pauperis sacerdotis uerbis, quem sanctiss. tuo iudicio magna molestia liberaſti. Quanquam enim aduersarius ille suus ad alium Iudicem (ut audio) prouocauit, Puto tamen se illius prouocationem iure optimo refutaſſe ac receſciſſe mihiq; Integrum fuit priusq; tertius iudex in hiberet de Principe cauſa cognoscere quod Equidem feci per libenter iuſtitia in primis studio deinde ut principi meo obtemperarem, cuius antiquum est institutum sacerdotes bene moratos quibuscunq; poteſt beneficiis ornari, ac proſequi, quod ad nos attinet uelim tibi, perſuadeas, me omnibus in rebus, quæ ad tuam dignitatē pertinebunt studioſiſſimum ſemper futurum, quod cum uetus neceſſitudo inter nos, tum tuarū multarū maximarūq; uirtutes poſtulant. Vale.

Gaspari Card. Contareno, Bellun: Antiſtiti deſ.

**G**rauitèr me pupugit particula litterarum tuarum, quæ de mea in Germaniam proſeſſione mentionem fecit, quæ enim exiſtimes meam operam tibi uſui adiumentorūq; futuram id ego penitus ad ſcribo amori in me tuo, quo pariter metiris obſeruantiam erga te meam, quæ te opinio nunquam faller, ſi cætera deficient; Quod autem non dubites poſſe me hoc tempore hanc tibi operam præſtare, id me uehementer angit, Nam ſi uoluntati ſtudioq; in te meo cætera reſponderent, non equidem penderem animi, & quemadmodum ſolam auctoritatem tuam ſequutus in hoſce montes me abdiidi, in quibus Biennio iam deliteſco, ita prouinciam hanc laborum periculorumq; pleniffimam te ſuaſore, te duce ſubire leue mihi ac incundum putarem. Sed (ut tu te noſti) ex eorum numero ſum, qui in patria poteſtate ſunt, Necdum compertum habeo, an Pater, qui uix æquo animo fert me ab ſe bidui itinere abeſſe, longius me abſore ſit paſſurus. Quæſo pro tua pietate ac prudentia pone tibi ante oculos ſenem quatuor & octoginta annos natum, familiamq; omnem meam in tutela ac præſidio meo recubentem, Nam frater qui mihi unicuſ eſt reli-

# E P I S T.

Ætus, rursus est propediem in Cyprum nauigaturus. Nec te præterit, quarto ab hinc anno, me eadem motum pietate urbem Romanam, quæ mihi iam longo usu, atque habitatione patria facta erat, & Consuetudinem tuam, quæ mihi iucundius erat nihil, deseruisse, ut extremum patris spiritum pene extinctum recrearem, Nunc ego eum omni spe destituam atque orbatum deseram? & canitiem eius cum mœrore ad inferos detrudam? At plus debemus deo ac religioni quam parentibus, Ecquis ego sum, qui ruinas Christianæ Religionis fulcire, & Atlantis in more cælum meis humeris sustinere queam? longe errant mea quidem sententia, qui in tanta rerum perturbatione ac miseria aliunde sibi quam à Dei altissimi digito opem pollicentur. quæ si tranquillis rebus semper est necessaria, quanto magis afflictis & perditis, Scribo hæc ad te ut infirmus & imbecillius, nondum plane sciens, quid deliberem aut quid agam, sed si ad tuos Bellunenſeis diuerteris, aut alibi colloquemur, multa, quæ recte litteris committi nequeunt, explicabimus. Vale.

Ioanni Mariæ de Monte Card. H. N.

ET si necesse, non erat, ut hominem tibi familiare commendarem, tamen mirificus amor meus in Prosperum Sanctacrucium ciuem Romanum facit, ut eum tibi esse familiarissimum cupiam. Quod paruo admodum negotio me assequuturum spero. Id enim cum tua Singularis humanitas, tum huius Viri eximia Virtus postulant. Is hodierno die in hoc Celeberrimo orbis terre Gymnasio ea donatus est Laurea, qua donari solent qui in Ciuili ac pontificio iure adiscendo plurimum laborarunt. Fuitque is honos omnium iudicio uirtuti, & non pecunie tributus propositum huius est redire in patriam ad ea obeunda munera, quæ iurisperiti ista in Vrbe obire consueverunt. Nam (ut audio) Pontificis Max. liberalitate, in collegium aduocatorum consistorialium est adscitus. Quem sanè locum Tarquinius Pater, & Pompilius patrueſis summa cum dignitate & gratia tenuerant. Agnosces iuuenem pium, modestum, non modo in iuris scientia doctum sed etiam in humanioribus literis perpolitum. Quare hunc hominem totum tibi tra-

do (ut aiunt) de manu. Quicquid enim opis & beneficii in hūc contuleris, in me ipsum collatum arbitror. Vale patrone obseruandissime.

Federico Baduario Pat. Ven. H. N. S. D.

**Q**Uum audissem te incredibile studio ciuitatis Tribunū factum esse, teneri non potui, quin & tibi & reip. quā primum gratularer. quod enim competitorum tuos illustri nobilitate, eximia uirtutē uiros, ætate uero te grandiores, multitudine suffragiorum & gratia superaueris; fuit hoc profecto nō modo tuis diuinis atq; immortalibus meritis debitum, sed ipsi etiam primæ honestum & gloriosum quæ nouam & inusitatam in iuvene uirtutem; nouo, & inusitato genere honoris prosequendam fore iudicauit. Laudandus est quidem ac in Cælum ferendus uetustus iste patris mos, atq; institutum uestre reip. imprimis honorandæ & colendæ senectutis, usq; adeo, ut ætate etiam nostre hominem centennarium, non alio magis quam senectæ nomine commendatum ad amplissimum honorem prouexerit. Verum eam magistratuum rationem semper habendam censuit, ut si eiusmodi pars reip. gerenda sit, quæ cordatum hominem, patientem laboris, ærem in dicendo & uehementem postulet, ab excellenti uirtute progressum ætatis minime expectandum putet; quum nunquam præcox, & immaturus honos esse uideatur, qui præstantissimæ uirtuti deferatur. Ea quippe reip. pars tibi commissæ est, in qua plurimum negotii sit sustinendum, Nam & leges in præsidio, & tutela tribunitiæ potestatis sunt positæ, & uestra autoritate exercentur iudicia de fortunis, & uita hominum quī império uestro parent. Demum uniuersa resp. in custodia magistratus uestri quiescit. Quæ res quanquam arduæ sunt, & interdum præclaros homines de possessione gloriæ deiecerunt, non efficient tamen, ut contrahas aut demittas animum suo pte ingenio fortem & prudentem; atq; ita excultum doctrina, ut uel in peruersa & stupida natura moderationem & acumen præstare possit. Ego aut sic perspicio, sic iudico, te in isto obeundo munere ita esse animatū, ut non cum aliis sed tecum ipse iam sis certaturus; quum istum tibi magistratum proposueris quasi theatrum exer

## E P I S T.

cendæ uirtutis, quæ in luce istius urbis nobilissimæ atq; in auribus cunctarum gentium, & nationum sit posita. Et quoniam meo mihi iure id uideor posse facere, quando in Sacerdotum ordinem sum coopatus; hortor te, ac (si pateris) moneo, ut à Deo Opt. Max. benegerendi magistratus initium auspiceris, siue cuius ope, ac numine omnis nostra est inanis industria. De meo autem erga te studio non est ut in præsentia quicquā scribam; quum mens in te animus, si non officio ullo, saltem opinione egregiæ meæ uoluntatis, tibi (ut opinor) semper fuerit exploratissimus. Vale.

H. Niger, P. Alcyonio. S.

**Q**uo die suimus unâ, statuimus, ut postridie domi te expectarem, sed quum hæc ipse pollicebar, non recte me moria tenebam uetus illud prouerbiū, Nescis quid uesper uchat. Nam simulac domum reuersus sum, ecce mihi redduntur literæ, quibus moneor à contubernalibus meis, ut quàmprimum patauium aduolem mea causâ: Coactus sum itaq; discedere te in salutato, ac propemodum decepto, sed, qui tuus est in me amor, metieris omnia meis commodis, tantumq; existimabis tibi utilitatis prouenisse, quantum mihi hæc res bene, ac feliciter cedit; Quamquàm profecto quid ipse spei concipiam, haud satis scio: Aduersarius enim meus aduocata agrestium manu in possessione se continet, pauci ex nostris iussu principis eò profecti fuerant, ut enim de possessione deiicerent, extruderentq; , sed re infecta redierunt: Princeps noster negat uelle se amplius rem ferro, armisq; decernere, quæ legibus & sanctionibus decerni possit. Quamobrem id causæ ad eos referemus, qui huiusmodi controuersias cognoscunt: Marino Caballo summæ spei lumini cõtubernali nostro per gratiam fuit audire ex me, quo studio, qua diligentia, te eo die contuleris ad Corneliorum Domum, ut eum conueneris, ac salutaris: Is meas literas Principi legendas dedit, in quibus de homine illo barbarissimo fiebat mentio. Explicauit etiam huic causam indignationis nostræ, & ingratissimi hominis insolentiam propallauit: Sanè mi Petre, (ut & hoc tibi beneficium acceptum referam) ita me tuis uerbis, tuâq; au

horitate ad resistendum his barbarorum conatibus excitasti ut quicquid deinceps oratione, literis, omniq; studio efficere potero ad horum impetus reprimendos, ingenue ac liberaliter sim facturus, nec unquam desinam dissuadere iis, quorum in hac re plurimum ualeat autoritas, ne ex ultima barbaria conquirant homines, quos amplexentur, atque ornent, quum habeant in media italia uiros, qui multo præstantiore doctrina, & maiore modestia præditi sunt, quàm barbari. Vale & me ad Kal. octobreis expecta.

★ . . . . . H. N.

**E**T si multa me ab hoc litigandi onere deterrebant, meæ tenues fortunæ, labor, & litium comes sollicitudo, suadebantq; multa, atq; in primis meorum ratio studiorum ut ad otium me, quoquo pacto possem, traducere, Tamen ea mihi occasio, eaq; necessitas oblata est, in qua si mihi ipse defuissem sublata in posterum omni fruendi otii spe, ea dignus calamitate uisus essem, quam ipse per negligentiam, & socordiam alui sem. Videmur enim in ea nos tempora incidisse, quibus per turbatis rebus omnibus tam priuatis, quàm, publicis, nullum omnino locum apud primarios uiros bonæ artes obtineant, Quarum studio qui tenentur, si ne magnis quidem laboribus, diuturnaq; seruitute rationibus suis consulere posse uideatur. Cuius ego communis exitii, sui non modo spectator ac testis, uerum etiam particeps, Nam quum omnem fermè ætatem in hac urbe, atq; in summorum antistitum contubernio consumpserim, ad extremum malo meo fato (ne quid grauius dicam) coactus sum ad lites descendere, atq; innumerabiles fori iudiciorumq; molestias haurire. In quo tamen illud me unum mirifice consolatur, quæ te non tam meæ causæ, quam fortunæ cognitor, ac iudicem sortitus sum uirum ea probitate, Doctrina prudentia præditum, ut si mihi ipsi facultas deligendi iudicis data esset, unum te delegissem, qui non solum de fortunis meis ac dignitate, sed de mea etiam salute, ac uita cognosceres. Quamobrem tuæ humanitatis est dare operam, ut maturius quam fieri potest, huic meæ de te opinioni, expectationiq; respondeas. Quod si, ut spero, perficies meum erit omni studio

committi, ut intelligas, te apud hominem gratisimum, tuæque beneficentia non indignum, beneficium posuisse.

Iacobo Sadoletto H.N.

**M**agna molestia liberatus sum Pauli nepotis tui litteris, quas ad me sexto idus martias dedit, Nam post reditum tuum à Masiliensi conuentu, nihil certi de te ad hunc diē cognoueram. Vide satisne æquum est profectò humanitas tua non pati nos tanto in desyderio litterarum tuarum uersari, qui si te ut grauiora impediunt. Habes. nepotem, qui nos tuis uerbis ueluti dormientes excitet, quanquam enim omni in cœtu, & quotidianis sermonibus nostris Viget semper tui commemoratio absentis, tamen nescio quo pacto fit, ut cum à te nobis redduntur litteræ, ingenti noluptate replet animos nostros iucunda tui recordatio excitamurque; magis ad uirtutē & gloriam quasi uocem hortantis imperatoris ipso in prælio audire uideamur.

Lazaro tuis uerbis diem dixi, id quod mihi Paulus nepos mandaratis diligenter se expurgat, Calamitatisque loco maxime ducit, quod ex litteræ, quas ad te se dedisse affirmat, tibi non fuerint redditæ. Nos uulgarem exultationem non accipimus, urgemus hominem uehementer, ac ueluti desertorem amicitiarum in iudicium uocamus, erunt iam huic omnes oratorii loci pertractandi euoluendi, totaque dicendi ars, quam proficetur in luccum ac forum proferenda, si suam ipse causam uelit defendere, sed quantum coniectura assequi possum, huius spes omnis in tua humanitate, & clementia posita est, Erunt tuæ partes accersere hominem ad te, neque scriptam defensionem accipere, Sic enim fiet, ut (quod facere aliquando cōstituiamus) binos apud te menses ponamus, instar diuturnæ ac beatæ uitæ. Tibi quidem non concedimus, ut huiusce rei tu cupidior sis, quam nos simus. Quare ubi & otium & tempus idoneum nacti fuerimus, conuolabimus. Desyderium urbis Romæ iā deposuimus, immo uero eius mentionem perhorrescit animus noster, eorum memor quæ miserrima uidimus, & perperssi fuimus, Urbem modo incolimus natura amœno, atque ubere sita loco, arte munitissimâ & quæ a profugis condita, iure profugium,

dicitur, pierius ualeremus, qui modo est apud nos, multā tibi salutem dicit, paratq; particulam libri τῶν ἐπιστολῶν, quam ad te mittat.

De heliodori negotio abunde scripsi ad Paulum perstare, sed etiam uehementer cupere, tu rem contra arbitratu tuo, quicquid mandaueris curabo diligenter.

Hieronymus Nigér, Antonio Florebello. S.

**P**ergratum mihi fuit ex Sacrați sermonibus cognosse incolumen te in patriam reuertisse: sed mentio inter nos habitata de te, deq; Sadoletto ipsius auunculo, qui proxime est mortuus, auxit dolorem nostrum, communisq; calamitatis memoria non renouauit. Nam si alienis hominibus, atq; inuidis, talis **V**i interitus non potuit non esse luctuosus, atq; acerbus, præsertim hoc tempore, quo illius sapientia & probitas, afflictis rebus opem aliquam afferre potuisset, Quanto luctuosior, acerbiorq;, esse debuit nobis amicissimis? quibus multæ eximiaeq; illius uirtutes diuturna familiaritate, & quotidiano usu exploratiores erant quàm cæteris. Amissimus breui tempore quattuor insignes pietate, & doctrina Viros eiusdem ordinis, eiusdem in Republica sensus & uoluntatis, eosq; inter se summa necessitudine coniunctissimos, **FREGOSIVM, CONTARENVM, BEMBVM, SDOLETVM,** Quattuor clarissima ætatis nostræ lumina, & (quod ad meam priuatam calamitatem pertinet) omnes beneuolo in me animo, atq; egregia uoluntate, Quam Ego Cladem reipublicæ quoties consydero (id autem fit fere quotidie) toties iram in nos Dei Optimi Maximi perhorresco, cuius gladium iam districum, atq; è uagina eductum in perniciem sæculi nostri uidere Videor, nam (quod ad illos attinet) gratulandum potius est illis, quos mortis opportunitas tot iam imminetibus malis, ruinisq; subtraxit. Nobis uero deploranda est calamitas nostra quod tum præcipue subsederint fundamenta Reipublicæ, quum ea maxime tot machinis Oppugnetur ut nihil aliud iam, quàm uastitas, & ruina superesse uideatur. Quo fit ut æqui ore animo ferenda sit mors non modo amicorum, sed etiam nostra si forte & nos eandem, quam illi uiam consecerunt, in re

diemur, priusquam nos precipitans tempestas absorbeat; Mea  
 moria teneo CONTARENVM nostrum supremo uitz die,  
 quum a familiaribus suaderetur ut eo animo perferret mor-  
 tem, quo Philosophum, & Christianum hominem deceret, ut  
 cum uita pie sancteq; acta mors ipsa consentiret, exilata  
 fronte respondisse, agi secum felicissime, quod tum uita exce-  
 deret, quum plurima & maxima undiq; circumstarent pericula,  
 Nec longe abesse tempus quo superstites homines præclare  
 actum cum mortuis essent arbitraturi. Quamobrem te hortor  
 & amice moneo, ut si quis adhuc animo resedit tibi dolor ex  
 patroni amantissimi interitu, cum penitus abiicias, præstesq;  
 te cum uirum, quem tua singularis eruditio, & tantæ uirtutis  
 imitatio postulant, incumbas autem toto (ut aiunt) pectore,  
 ut quæ SADOLETVS ad usum posteritatis conscripsit, ea  
 primo quoq; tempore proferantur in lucem; Hanc existimo nō  
 postremam fore curam Pauli nepotis, quem si tua diligentia  
 adiueris, non tam SADOLETI gloriæ quàm officio tuo & pu-  
 blice consules utilitati. In quo meam quoq; ipse operam polli-  
 cerer, nisi uos abundè satisfacturos putarem. Cætera autem,  
 quæ pertinent ad mea erga te beneuolentiam declarandam;  
 ita polliceor, & præstabo, ut maiore studio polliceri, & præsta-  
 re non possem, si SADOLETVS ipse uineret meumq; officium  
 exposceret, cui omnia debebam. Vale.

Cardinali Auxitan. H. N.

**E**T si tanta est negotiorum tuorum Moles Amplissime pa-  
 ter, ut magnopere uerear ne, meæ litteræ molestiam po-  
 tius Amplitudini tuæ afferant, quam uoluptatem, tam en, si pō-  
 tificio nuntio Istuc proficiscenti nihil ad te literarum darem,  
 alieni abste animi commutatæq; meæ uoluntatis iudicium  
 fore existimaui, præsertim, quum is mihi amicissimus a me pe-  
 teret, ut ista in prouincia, sua ipsius opera uti nellem meo ar-  
 bitratu. Ego uero nec cuiusquam operam libentius quam tuā  
 mihi expectandam duco, nec si quid mihi de tui Regis munifi-  
 centia unquam pollicitus sum, quicquam, nisi, te Duce, & Au-  
 spice, bene ac feliciter mihi euenturū speraui, cum qui ad te  
 pertinere existimarem uiros tui ordinis Temporum calami-  
 tate



tate oppressos leuare, & quibuscunq; posses officiis prosequi, tum qui non uulgaris tua erga me beneuolentia coram egregio uerborum testimonio sæpe declarata. Id à me suo iure exigere uidebatur, ut in te uno ueluti in sacra Anchora spes omnes mea collocarem. Quare, proficiscentem istuc nuntium, rogavi, satisq; sua ipsius sponte propensum cohortatus sum ut te in primis meis uerbis exoraret, ut reconciliandæ mihi regis beneuolentiæ Author esses, ac isti, liberalissimo principi, in apinimum induceres, non nihil sua interesse hac dignitate homines inopia, circumuentos subleuare, neq; tibi difficile futurum arbitror illi in memoriam reuocare, quo semper studio maiores mei, atq; ego ipse Res gallicas & præstantissimā istam progeniem prosecuti fuerimus, & prosequamur. Cætera, prudentiæ tuæ commemoranda relinquo, meq; totum fidei tuæ, ac diligentia permitto, ac trado, nuntium uero tibi de meliore nota commendo, uirū quod agnoscere poteris, ingenio, doctrina, moribus præstantissimum, ac Gallici nominis, adeo, studiosum, ut in Gallia ipsa natum, atq; altum putares. Felix ualeat amplitudo tua.

Hieronymus Niger Iacobo Sadoletto Carpentoraeten.  
Antistiti.

**S**atis non fuerat me post euerfam Urbem, e naufragio illo emersum ad patrium litus adnataffe, nisi ad spectandos deflagratæ urbis cineres rediissem. Sed is est rerum status, atq; ea totius ferè, italiæ calamitas, ut nullus ferè, sit angulus, in quo non aut hostes sæuiant, aut Tyranni dominantur. Quare haud iniuria gratulandum tibi est, qui in tantis tempestatibus sis propè unus in portu, fructusq; uitæ percipias eos, qui à sapientibus uiris maximi, iucundissimiq; habentur. Quem sanè portum, & exoptauit ipse semper, & tu, quæ tua est benignitas communem mihi esse uoluisti, uerum nescio quo pacto me ad istum, auem, cursumq; diligentem reslantes semper uenti repulerunt. Quum enim recuperata ualitudine ad te proficisci statuissem, cognoui, mare ligusticum hostili classe, cisalpinam omnem galliam hispanorum præsidiis teneri, omnes deniq; adi

## E P I S T.

tus partim ui, partim insidiis adeo interclusos esse, ut ne dedalus quidem, quod in poetarum est fabulis, tuto istuc aduolare potuisset. Itaq; Romam ueni ad Quint. Idus Februa. adductus potius tedio patriæ, quam desyderio urbis illic enim multa erant, quæ me molestia afficerent cum priuata, tum publica. Nam & si nostra illa urbs, loci natura, atq; humana ui munitissima est, omniq; seditione, & ciuili uacat discordia, præterea nihil desyderat quod ad commoditatem uictus, & ad ciuilibus, uitz splendorem pertineat. Sustinet tamen diuturnum, & grauisimum bellum, quod exinanito ærario, uetigalibusq; diuenditis, priuatis ciuium fortunis administratur, nec ordini quidem nostro parcitur nouo more, quod sanè incommodum, fortunarum niearum exilitas, tibi iam pridem cognita ferre non poterat. Quamobrem diuertere huc eo scilicet animo, atq; consilio, ut quum primum per tumultus bellicos liceat ad te proficisci, utar liberalitate tua, nisi tu forte de repetenda urbe cogitas, quod certe consilium nec mihi facile probatur, nec opinor tibi pro tua prudentia probatum iri. Quis est enim tam iniquus rerum, æstimator tam leuis, qui quum quieti & otio florentem urbem & amplissimum locum posthabuerit, Mox euersa urbi, rebusq; perditis otium cum dignitate posthabeat? Nolo tibi ea commemorare, quæ Vulgi animus mouent, amisisse nos hominem frequentia, splendorem, patentem oibus fortune campam, quibus oibus, ut tute sapiēter, ad me scripsisti (fortasse utilius est carere, quam abundare) Illud unum, quod per magni ipse semper æstimasti, ne præteribo, amisisse nos eruditorum uitorum iucundissimam consuetudinem, qua sic caremus, ut uix unum aut alterum ex uetere illa nostra academia superstitem inuenerim loqui omnes enim fere aut naufragio illo perierunt, aut tempestate compulsi sunt in longinquas oras, mentionemq; ipsam urbis reformidant, Superest tamen ex sodalibus nostris Sauoy norum princeps illo eodem uultu, atq; animo, quo semper fuit. Quæ quum forte offendissem in uia hilarem, & non minus curis quam fortunis dispoliatum, continere risum non potui, tanto in luctu, & squalore ciuitatis. Vtinam, inquit, cum philosopho supersesce, Hispanus miles traiecit me pessime, idem tamen accidit &

Reuerendisſimis. Communis hæc eſt ac præuulgata Romano-  
rum ciuium conſolatio, uidere hos primates, non modo ſordi-  
dos, ſed etiam ſordidatos. Et tamen non deſuere qui tantum  
indignitatis, tantum ludibrii magno ambitu, magno auri pō-  
dere coemerint, quos quum populus Rom. uidet ſine grege in-  
cedere, multa fame conſecta uehi, nihil aliud ex priſtina fortu-  
na, quam ridiculam ſuperſtitionem retinere, oblitus omniū  
calamitatum ſuarum ſoluitur in cachinnos maximos. Hæc ha-  
bui quæ ad te conſeſtim ſcriberem. Nam pueri tui mihi denū-  
tiarunt, proxima nocte certum hominem in prouintiam iſtam  
diſceſſurum. Clemens Pont. Max. è morbo tandem conualuit,  
quotidie in ore habes diuinum conſilium tuum de profeſſione  
ad Cæſarem, & de pace publica, quo ſi integris rebus uſus fuiſ-  
ſet, non laboraremus. Cura ut ualeas & Paulo Nepoti, meis uer-  
bis plurimam dic ſalutem. Vale iterum & me (ut facis) ama.

Pro. F. Car. Cornelio ad Ia. Banifiū.

**E**X tuis literis Tridenti datis Sexto Idib. aprilis, quæ mi-  
hi reddite ſunt ſexto Kalen'. maias, incredibile cœpi  
uoluptatem, quod ex his facile tuum erga me animum cogno-  
uerim, & quodammodo introſpexerim, quum tantopere mole-  
ſtum tibi fuiſſe ſcribas, priores tuas literas, quas ad me con-  
gratulationis cauſa dederas, intercidiſſe. quāquam mi Banifi-  
non fuit tibi ea in re magnopere elaborandum, noui enim  
candorem animi tui, & tua erga me beneuolentiam, multo qui-  
dem Illuſtriorē, quam ut ea hiſce uerborum testimoniis e-  
gere uideatur. Lætor tamen lætari te meis honoribus atq; or-  
namentis, quæ tibi ſemper uolo eſſe communia, quamquam  
in eam incidimus tempeſtatem, ut prudentiſſimum cuiq; uiro,  
minus graue ſit iacere in ſentina quam ad clauum ſedere, a-  
deo conſuſa, & perturbata ſunt omnia, præſertim ordo noſter,  
cuius omnis dignitas, & authoritas armorum ui oppreſſa, ſcele-  
ſtiſſimorum latronum facta eſt opportuna iniuriis, uerum nos  
diuina (ut decet) ope freti in officio, perſtabimus, nec  
unquam reipub. chriſtianæ cuius quota portio ſumus, aut  
amicis deerimus, in Banifiū uero qua iandiu fuimus ea ſem-

per futuri sumus uoluntate,naturaq; in te omnia summa necessitudinis officia constabunt,&quando me uehementer sollicitat ualeitudo tua. mitto ad te descriptam rationem medelæ, q̃ multi ex nostris ad podagræ pedū dolores saluberrimā deprehenderunt,ea si profuerit,hanc mercedē abs te exigit medicus,ipsum ut conuenias coramq; ei gratias agas , hoc illi gratius facere poteris nihil.Vale,

Hier. Niger Paulo Sadoletto.S.D.

**E**T si non dubitabam quin anteq̃ hæ tibi literæ redderentur, omnem penitus dolorem ex obitu patris abiicisses. Quum morbi eiusmodi,in tam bene instituto animo diutius hæere non possint.Tamen quia uerebar , ne quid de summo meo erga te amore detractum uideretur, nisi communem mihi eam calamitatem fuisse declarassem; & nonnulla ad te consolandum idonea attulissẽ , putaui non alienum esse nostra necessitudine quæ accepto illo nuncio mihi in mentem uenerunt,ad te perscribere.Atq; in primis admonendum te censeo ne a me expectes uulgatam illam quidem,sed è fontibus philosophorum haustam consolationem. Nihil mali esse in morte , quæ plerunq; ex multis miseriis , atque ex iniquissima conditione uitæ eripiat homines, & ad immortalitatem traducat , nec uideri cur magnopere doleas,patrem exacta iam ætate, honestissime acta uita,relictis liberis eximia spe summæ uirtutis adolescentibus,domi,atq; in patria diem obiisse. Imbecilliq; esse animi,ne dicam amentis,id moleste ferre, quod mutari ne queat.Demum turpe esse uiro disciplinis liberalibus instituto,ad leuandum dolorem,beneficium temporis expectare, qđ ipse consilio,prudentiâq; præripere ualeat. Et sexcenta huiusmodi,quibus plura,& ornatiora apud uos uel parietes isti loqui posse uideantur.Vnum illud meo quidem iudicio amplissimum consolationis caput ne præteribo,quo, si quemadmodū mihi ipse persuadeo,es usus,non dubito quin repente omnem dolorem abieceris.Est autem hoc,non debere te interitum patris ferre immoderatus,quum patris loco, patrũ habeas tali uirtute,& sapientia Virum,tantaq; erga te beneuolentia, ut

in altero principem locum teneat, in altero, ne parēti quidem tuo cedat. Quæ quum quotidiano usu ipse optime intelligas, atq; agnoscas, ob eamq; causam relictis parentibus & patria illum in extremas & longinquas oras sis profectus, cauendū tibi est, ne non modo ignari, atq; inconstantis, sed etiam ingratum hominis notam subeas, si casum hunc grauius ferendo, tam egregiam illius in te uoluntatem parui æstimaris, neque usus fueris domestico exemplo uirtutis & prudentiæ, cuius ille est omnium gentium consensu magister ac princeps. Sed de his satis, & fortasse plura, quàm necesse fuerat. Ex literis patruī tui uoluptatem cœpi maximam, quarum erat in extremo te in optimarum literarum studiis tantos processus habere, quantos uix ille met tui amantissimus optare audeat. Equidem mirifice lætor fuisse abs te mihi præceptum locum monendi tui, atque hortandi ut rectum iter ad gloriam insisteres, neue discederes a patruī uestigiis, quæ te ad immortalitatem ducere possunt. Video enim iam tibi deesse nihil, quo minus familiam tuam singulari patruī uirtute, eximiaq; doctrina illustriorem factam, perpetuo tenore in authoritate & gratia contineas. Nam & ingenium tibi acre, atq; excellens est, uelut peculium à maioribus tuis relictum, cupiditas uero atq; ardor ueræ laudis tantus, ut si alterutrum necesse sit, freno potius egeas, quàm calcaribus. Ad hæc uersatur tibi quotidie ante oculos præclarum exemplar omnium disciplinarum, atq; uirtutum, de cuius uno intuitu, atq; admiratione, ueræ sapientiæ ac beatæ uitæ rationem petere potes. Cohortatur te insuper loci amœnitas, & undiq; pacata ora, in qua sine ullo interpellatore, licet tibi in literis totos dies ponere. Quo sanè beneficio ipsi iampridem carimus qui hanc sedem belli, & hoc receptaculum omnium miseriarum incolimus, proinde nihil à uobis humile, nihil etiam mediocre est, expectandum, sed eiusmodi, quod apud posteros testatum relinquat, quibus ingeniis floruerit ætas nostra, & quantum ad splendorem ueteris gloriæ accessura fuerat, nisi in tantas calamitates incidisset. Videor enim mihi iam diuinare futurum breui, ut armorum ui oppressæ, & consēpultæ literæ paulatim in eas sordes relabantur, in quas olim uastantibus italiā barbaris:

conconsiderant. Idq; conicio cum ex physica quadam ratione quod necesse sit, quæcunq; incrementum, statum, & decrementum recipiunt, ubi ad summum apicem peruenerint, retro uerti, atq; in preceps labi, tum uero ex hisce infinitis Italix calamitatibus, diuturna; hac desperatione rerum naturarum, in quam nostrorum hominum culpa concidimus. Hinc facile existimem fore, ut extinctis iis, qui latinæ linguæ dignitatem tuentur, in eorum locum non suborientibus aliis, id usu ueniat hominibus nostris, quod malis agri cultoribus euenire solet, qui nisi inferendis, propagandisq; arboribus ac uitis dēt operam, cito ad inopiam rediguntur. Sed hæc posteritas ipsa uiderit, nostrum est, quam semel ingressi fuimus uiam perfecti, nec ab hoc cursu ueræ gloriæ, iniuria temporum deflectere. Quod facio ipse, quoad possum, cum mea ipsius sponte, tum patris tui hortatu, cui uel hoc nomine fateor me debere plurimum. Tu uelim quam sapissime ad me scribas, atq; ignoscas, quod superiore anno morbo impeditus literis tuis non responderim, id enim incommodi, (si modo est incommodum) multitudinem literarum sarciam. Vale & me quod facis ama.

Philippo Stanchario.

**C**VM audissem te in proximum annum, tui ordinis antistitem renunciatum fuisse, sanè æque ac debui gauisus sum, non tuo quidem ipsius commodo, atq; honore iam pridem debito, qui si cum onere prouinciæ confetatur profectò, plus tibi molestiæ sit allaturus quàm uoluptatis, sed reip. causa, atque istius ordinis utilitate, quæ mihi semper fuit carissima. Neque enim dubitandum cuiq; est, quin tibi iam ætate confecto, & literarum studiis ac religioni delitissimo, longe conducibilis fuisset domi in priuata uita conuiuiscere, quàm me hanc modo illam prouinciā peragrandō tam graue onus regendi homines moribus, ac natione mirum se diuersissimos subire. Verum tamen Deus ille omnium rerum conditor quæ sapientia mundum creauit, eadem gubernat, ac regit, Et de tanta mortalium turba quæ ad parendum alienis imperiis nata est, non nullos seligit, probitate, ingenioq; præstantes, quorum cura &

providentia Regna, Respublicæ, Ciuitates, & conuentus hominum regantur, Qui si forte cum ad regendum apti sint, prouinciam recusauerint, meo quidem iudicio, non tam Remp. quam Deum opt. max. grauissime ledunt. Proinde censeo te cui semper curæ fuit quibuscunq; modis posses iuuare remp. quodq; accepta a Deo beneficia, ingenii ac sapientiæ tuæ cunctis mortalibus communia semper te uoluisti, libenti ac forti animo istud oneris subiturum, daturumq; operam, ut pœniteat patres conscriptos, serò admodum te ab ipsis ornatum honestūq; fuisse. Quod præclare feceris, si in primis pacem & concordiam tui ordinis conseruaris, si res nouas moliri neminem sinis, si modestiam & urbanitatem, plus q̃ insolentiam, & rusticitatem ualere uolueris. Quæ tibi ut commemorare fecit meus in te amor meq; in istum ordinem summa obseruantia, non q̃ hoc te ignorare existimem quem ego auctorem ac præceptorem mihi semper imitandum colendum proposui. Superest illud unum, ut intelligas me eodem esse erga te animo quo semper fui, amicissimo scilicet, ac beneuolentissimo, quod etsi tibi iam pridem exploratum est opinor, tamen exploratius futurum con fido, quum ad urbem accesseris. Vale.

Hier. Niger, Benedicto Lampridio S. D.

**S**I de tuæ in me uoluntatis constantia dubitarem, conarer pluribus me expurgare, quod post aduentum hic meum nūquam ad te scripserim, culpamq; omnem in quotidianas occupationes meas reticerem, quas augerem uerbis eorum more, qui in colendis amicitiiis adeo religiosi esse uolunt, ut interdū ad ineptias descendant, sed ea semper fuit iam inde a pueris necessitudo inter uos, eaq; in omni cursu nostro totius uitæ similitudo studiorum, ac uoluntatum, ut nunq̃ a nobis illi nexu, illa uincula desyderata fuerint, quibus uulgares amicitie contineri solent. Nunc uero proficiscenti istuc Bernardino Maphæo Ciui Romano eximia spe, optimis moribus adoleſcēti, non potui nihil ad te literarum dare. non quo tidi hunc cōmendarem, quē confido sua ipsius urbanitate, ingenio, studioq; in te suo, biduo tibi familiarem futurum, sed ut aliquem huic

aditum ad tuam cognitionem meis literis patefacerem. Cetera ipse abs te (quæ tua est humanitas) facillime impetrabit. Is quum statuisse ad nobilissimum istud orbis terrarum gymnasium sese conferre exemplo suorum quintium, qui disciplinarum causa athenas (ut scis) nauigabant, petiit à me summo studio, ut te sibi quæ maxime conciliarem, quem speraret in omni recta ratione studiorum maximo sibi adiumento futurum, testatusque est, id se illustriore gratia excepturum, quæ si in eum quoduis genus officii contulissem. Potes ex hac cupiditate fruendi consuetudine tua, coniectura consequi, quem auditorem sis habiturus, quippe qui studio ueræ gloriæ incensus, nostrosque de te uerissimo testimonio incitatus patriam, parentes, & urbanas delicias præ te contempserit. Noli deesse amico in re minime necessaria. Non enim uereor ne tuis officiis omnes spes, & cogitationes nostras facile uincas, quum nemo te ad docendum, aut aptior sit aut paratior. Vale.

Ad Franciscum Gallorum Regem H. N.

**Q**UOD mihi semper optatissimum fuit Franciscæ Rex Maxime, ut meæ mûsæ aliquem mihi aditum ad tuam cognitionem patefacerent, uideo me aliena quadam à proposito meo ratione fuisse consequutum qui quum maluissem tuas, & gentilium tuorum uiuentium laudes celebrare, cogor nunc mortuorum memoriam carminibus prosequi, ea est enim laudandæ matris tuæ mihi oblata occasio, quam quum multi tum oratores Clarissimi, tum poetæ præstantissimi, & libenter sumperint, & ex ea non mediocrem laudem fuerint consequuti ego unus auersati sine scelere non potui, qui si ad eorum gloriâ proxime accedere, ac Nobilissimæ sœminæ præclaras uirtutes æquare uersibus non poteram, tamen pro meo in te studio conari, atque in eorum numerum referri debebam. quum presertim considerem pro tua pietate non posse ea tibi ingrata, & in iucunda uideri, qualiacunque essent, quæ parentis tuæ laudes continerent. Quod si intelligam hæc ipsa quæ ad te mitto, illi stri abs te gratia fuisse excepta, feliciore posthac argumento prætentato uado altissimum tuarum laudum flumen ingredi non



non pertimescam.

Hier. Niger Bernardino Mapheo. S. D.

**E**Go uero, Maphee, te incolumem Patauium peruenisse, omniq; humanitatis officio à Lampridio exceptum fuisse uehementer lætor. Sed tantum abest ut, ullam abs te mihi hoc nomine gratiam referri uelim, ut fatear me tibi debere plurius, quòd conciliandæ inter uos amicitia, quam tua tibi uirtute conciliare potuisses, authorem me esse uolueris; Ex quo quidem officii genere, eiusmodi fructum expecto, qui uoluptatem mihi maximam, tibi uero immortalitatem nominis sit allaturus. Nam quum ad summam ingenii tui uim, summamq; cupiditatem ueræ gloriæ, quam in sapientia positum esse uel indoctissimi homines confitentur. Accefferint tibi loci commoditas, otium, mediocritas fortunarum, præceptoris Clarissimi diligentia, nihil iam de te non excelsum, ac summum polliceri nobis possumus, & debemus. Dices fortasse duram tibi aduersariam esse propositam, magnam scilicet expectationem, quam apud nos iampridem concitasti. Et ego admodum lenem, & infirmam censeo aduersariam, quam possis nullo negotio superare, quum nihil aliud ad uictoriam desit, quam certandi uoluntas, quam certe summam atq; incredibilem in te esse, uel ex eo facile perspicitur potest, quod adolescens patria omnium Nobilissima, parentibusq; honestissimis relictis, te ad celeberrimum istud Gymnasium contuleris, ut doctissimorum uirorum præceptis eruditior factus, Doctrinæ & eloquentiæ palmam in hanc urbem aliquando reportares. Plura in hanc sententiam scriberem, nisi cum te esse cognoscerem, qui si in alterutro peccares, Theopompi magis, quam Ephori similis uiderere. Pater tuus bene habet, atq; hoc melius, quod ex tuis ad me literis te ualere, (quod nondum cognouerat) intellexit. Itaq; tuæ literæ Patrem, cæterosq; tibi necessitudine, ac propinquitate deuinctos magna sollicitudine liberarunt. Tu fac Valeas, meisq; uerbis Bembo, Lazaro, Lampridio, & Pierio dic salutem.

**I**Vcundissima mihi fuerunt, quæ nuper ad me misisti carmina, non quod ea meas laudes continerent, fuit enim illud amoris non iudicii testimonium, sed quod ex eis planè cognouerim rectum te iter ad eam laudem insistere, quam mihi ipse beneuolentia ductus adscribis. Etenim quum tot præclara ætatis nostræ ingenia partim turbulentis bellorum procellis obruta fuerint, partim auaritia principum exaruerunt, Nonnulla etiam (ut sit) naturæ concesserint, iure nobis lætandum uidetur, ubi in eorum locum succedere alia, & quasi propagines magnâ spem frugis afferentes consurgere animaduertimus. Itaq; gratulor non solum tibi, sed & patruo tuo Pompeio, uiro dignitate & uirtute amplissimo. Nam ut ipse domestica habes uirtutis exempla, quæ imiteris, ita & iste domesticum iam habet laudatorem factorum suorum, atq; hæc ipsa laus doctrinæ, & animi magnitudinis ita utriq; uestrum communis est, ut neuter alterius operam studiumue desyderet. Quamobrem sperandum nobis est, ut uestra uirtute, atq; industria depulsa aliquando horum temporum caligine, serenus tandem nobis illucescat dies, & in antiquum decus non Romanæ solum linguæ, sed & imperii dignitas restituitur. Vale.

Hier. Niger Bernardino Maphæo. S.

**I**Vcundissime mihi fuerunt literæ tuæ. x. Kl. Februarii Veronæ datæ, q̃ ex eis cognouerim, quantum spei in Lampridia na consuetudine posueris, quantumq; de te ipso nobis polliceare. Nihil est enim (ut opinor) ad gloriam conducibilius præclaris ingeniis, quàm magna concipere, & excelsum sibi locum proponere, ad quem dum summo contendunt studio, laborem omnem facillime perferunt, eorum more, quibus iter q̃ longissimum est conficiendum, quod se conficere non posse animaduertunt nisi summa celeritate diligentiaq; utantur. Quod autē Lampridius tibi apprime satisfaciat, ualde mihi est gratum, proinde ab istius uiri latere, quoad fieri potest, ne abscedas. Non q̃ cæteri, optimarum literarum professores contemnendi

sint, quos excellens eorum doctrina, & urbanitas tua postulat, ut obserues & colas, sed quæ præceptorum eadem fere habenda sit ratio, quæ medicorum, qui si familiares nobis fuerint, plurimumque; apud nos fidei & auctoritatis sibi comparauerint, plerumque; in tuenda nostra ualitudine, morbisque; depellendis feliciores esse uidebuntur, quæ externi & noui, quæque ne in hoc quidem ipse monendus es, quem lætor iam præripuisse mihi omnes locos te monendi atque hortandi, sed meus in te amor interdum facit, ut quantum ipse diligens in ea re sis, facile obliuiscar. Vale.

Iac. Sad. H. Niger

**Q**uas ad Ioannem Petrum Carassam Theatinum Cardinalem mihi misisti literas, eas quamprimum reddidi seramque; tuam gratulationem apud hunc, quoad potui, appositis uerbis excusauimus. Quia quæ præditus est in dicendo grauitate, & qua in te est beneuolentia facile me hoc excusandi onere leuauit, illudque; addidit mirari se uehementer, cum tot alij Clarissimi Viri ad iuuandam Remp. huc undique; accersiti fuerint, te fuisse præteritum quem imprimis idoneum, atque; opportunum agnosceret. proinde se non commissurum, quin hac de re admoneat eos qui rerum arbitri sunt, & moderatores. Ego uero respondi nullo me loco de fuisse, ut te uocato rationibus Reipublicæ consuleretur, quod te ex meis literis iam pridem nosse intelligo. Sed existimasse non nullos minime ad hanc rem opus esse iuris Pontificii scientia, quæ tota à germanis iam explosa & eiecta sit, ueluti in gratiam Romanorum pontificum composita atque; confecta. At Theatinus non est, inquit, ex illa iuris peritorum fece Callistus non ster, quippe quem inter summos Theologos rectè connumerare possumus, non modo ob uerā solidamque; doctrinam, qua eminet, sed etiam ob integritate uitæ, singularemque; ipsius in ecclesia regenda solertiam. Hæc, & multo plura de te colloquuti fuimus summa cum prædicatione uirtutum tuarum, quæ potes contentus esse, potius quam his honoris insignibus, quæ multi sine uirtute sunt assequuti? Hodie Reginaldus Polus

Britannus Cardinalis & Io. Mathæus Gibertus tuus in legationē suam profecti sunt. Adsit eis diuina bonitas & clementia, quæ maxime indigent, prouinciā enim difficillimā sunt aggressi. Nunciatum nuper est Augustam Ciuitatem germane primariam penitus à Christiana pietate descuiisse, eiectis sacerdotibus, sublati diuorum imaginibus, disiectisq; templis, uides quemadmodum de auctoritate Romani pontificis aliquid semper in dies detrahatur, nec quicquam nobis profit indictio Concilii, quod ualde uerendum est, ne Germani nobis aut uocatis, aut spretis, in sua ipsi regione celebrent, & decreta sua contra nos prosequantur armis. Parte alia Turcharum Tyrannus nostrum ingulum petit, Hic ego nihil adhuc parati uideo præter talaria ad fugam, quæ omnia in causa sunt, ut multo libentius & citius quam institueram ad uos sim Conuolaturus. Vale, & me ad Idus martias expecta.

Iacobo Sadoletto H. N.

**N**onis nouembris, quo tempore difficili morbo laborabam, Binus noster tuas mihi literas reddit tertio Idus Septembris datas, quæ (uere dicam) & corpus adfectum ægritudine, & animum dolore, ac miseria tabescentem non mediocriter subleuarunt in eis enim non uulgare, & abreptum ex triuo consolationis genus continebatur, sed diuinum quiddam, atq; ex arcano ueræ philosophiæ hoc est Christianæ religionis depromptum, quale nullus, unquam ueterum philosophorum, qui sibi uitam hominum uirtutibus instituendam desumpserunt, agnouit. Nam illi magnum ac memorabile facinus edidisse uidebantur, si erumnas hominum dicendo aliquanto leuius reddidissent, tu, tuis effecisti literis, ut non modo æquiore animo feram publicam & priuatam calamitatem, sed ut illa etiam uelut singulari gaudeam beneficio, & id lucro apponam, quod magno detrimento esse censebam. Illud autem quod in extremo literarum tuarum erat, multo mihi gratissimum fuit, quod ipse te mihi authorem prebueris repetendi ea studia, quæ ego desperatione quadam rerum, amissarumq; lucubrationum mearum dolore omittere in animum induxeram, Cuius

quidem consilii te non solum principem, & authorem exhibui  
sti uerum & adiutorem, facta mihi potestate omnium fortuna  
rum tuarum, & totius, quo istic soli propè ex omni genere morta  
lium hisce temporibus abundatis. Agnosco Sadolete humani  
tatem istam, & beniuolum tuum erga me animum, qui hoc mi  
hi est gratior, quo minora mea sunt merita, atq; in te officia.  
Sed quominus utar in presentia liberalitate tua, multa in cau  
sa sunt. Primum mea ex recenti morbo imbecillitas corporis,  
haud satis idonea longis itineribus conficiendis, deinde Tu  
multus hi bellici, qui aditus ad uos omneis ita occuparunt,  
ut ne Dedalus quidem tutò aduolare istuc posset. Sed quam  
primum facultas, & commoditas adeundi te dabitur, idq; tem  
pora exoptulare intelligam crede mihi, nec me patriæ dulce  
do, nec propinquorum, amicorum uè ulla necessitudo contine  
bit, quin ad te ocissime conuolem. Vnam enim dieculam  
quam apud te ponam, omnibus sæculis, cæterisq; omnibus uo  
luptatibus anteponam Gibertus tuus nudius tertius ex eccle  
siastica sua prouincia huc rediit, ueritus fortasse Germanorū  
ex alpibus præcipitantium tempestatem. Cæteri communes a  
mici omnes bene habent, præter. M. Michaelium nostrum, qui  
uxorem duxit, quamquàm in hoc quoq; philosophum egit, in  
dotatam enim accepit, ne ut est Plautinum illud, Dote impe  
rium uenderet. Maronem poetam iterum obiisse scito, obiit  
enim Andreas noster uir Optimus, & doctissimus qui si me au  
disset, fortasse uiueret, & nos hac molestia careremus. Doleo  
amici fortunam perpetuo tenore miserabilem, Alter enim  
Maro (quod scis) Angustos, Mecenates, & aureum nactus est  
sæculum, quod & ornauit, & ab illo uicissim ornatus est, Hic no  
ster in Calligulas, Neronas, Heliogabalos incidit, & deniq; in  
eam ætatem, quæ ea ratione dici potest aurea, quod de una  
auri ui omnis hominum dignitas & autoritas pendeat. Sed  
nos curabimus, ne quid propterea de nostra pristina uolunta  
te ac studio detractum sit, quin hoc erimus fortiores, quo ma  
ior nobis proposita est gloria. Ego certe tuo imprimis exem  
plo, tuisq; literis sic confirmatus animo sum, ut priuatus omni  
bus ferè fortunæ commodis, quæ me uel tua ope consequutum  
fuisse existimabam, longe alia ratione mihi posthac uiuendū

statuam,adnitarq; unius Dei Opt.Max.beneficium tueri, hoc est scientiam prætorum errorum:quam unam si profitebor satis me locuplete esse,satisq; sapere arbitrabor.Tu cura ut ualeas,& crebro ad nos des literas,ne incerti de tua ualitudine agamur.

Iac.Sad. Hier. Niger. S.

**M**agna sollicitudine liberatus sum tuis literis, quæ septimo Idus Iunii abs te datæ, redditæ mihi sunt decimo Kal.Sextilis. Cognoui enim ex eis te ex diuturno morbo, in quem ob superioris hyemis asperitatem incideras, aliquando tandem conualuisse. Nam quod consilium reuersionis tuæ in ista loca non sine iustis causis a te captum fuisse ostendis, rem agis minime necessariam. Id enim non solum mihi, qui omnis animi tui motus iampridem exploratos habeo, sed etiam alienis hominibus, atq; inuidis adeo iam probari cœpit, ut ne mo ferè sit, qui non te Beatisimum esse prædicet, q̃ iis tempe statibus sis propè solus in portu, fructusq; uitæ percipias iucundissimos. Quæ profecto sic instituta a te uitæ ratio non modo uoluptatem tibi & gloriam, sed cæteris quoq; mortalibus & uiuentibus & posteris utilitatem maximam est allatura: Tua enim opera atq; industria in explicandis obscurioribus sacrarum literarum locis, & in tuenda Ecclesia, quam sceleratissimi homines quotidie uexant, & oppugnant, plus profutura est Reip. quàm si Romæ in senatu sententiam diceres. Cuius omnis auctoritas ad unius hominis optimi quidem, & sapientissimi uoluntatem est redacta. Quod certe sanctissimum propositum atq; institutum tuum, ut tute piè, ac sapienter admodum scribis, non tuæ prudentiæ, sed Dei benignitate & clementiæ adscribendum censeo. Animaduerti enim iampridem te sub præcipua illius tutela & præsidio esse positum, cuius ductu & secunda aura qui nauigant, nullos unq̃ scopulos nullas procelas, ne perhorrescunt tuæ impedire aut remorari possunt. Memoria teneo, quo primum tempore te ex Romana clade atque ex illis troris gurgitibus, quibus ego penè absorptus fui, diuino beneficio sarripuisti, fuisse nonnullos, qui discessum illum

ex urbe tuum non probarint, quod, Clementem Pont. Max. cui non ingrata, neq; leuē pręstabas operam in tantis rerum fluctibus & iactationibus deferuisses, at illi ipsi uituperatores tui paulopost relicto eodem Pont. rebus iam profligatis & perditis consilium tuum, quod potissimum damnauerant, sunt sequuti. Quorum ē numero fuit Io: Matthæus Gibertus Veronensis Pontifex, quem postea neq; spes amplissimorum honorū, neq; labor prouincię, quem sustinebat, unq̃ loco mouere potuerunt: In quo ita uixit, atq; ita est mortuus, ut magnum negotium tantę uirtutis æquandę successorī reliquisse uideatur. Itaq; imprudentinm est hominum (ne quid grauius dicam) reprehendere officium, quod cum pietate coniunctum sit, atque aliorum studia & actiones ad suum sensum, uoluntatemq; interpretari. Sapientis autem uiri esse arbitror ob inanes uulgi rumusculos ab honesto non discedere, atq; imprimis quā per sonam initio fabulę sumpsit, eam ad extremum usq; actum sustinere (ne quod multis ætate nostra accidit) spectatoribus ludibrio sit. Solemq; inuisibilem intimos animorum recessus & latebras omneis penetrantem offendat. Sed hæc tu melius. Amicis nostris, qui hic sunt ferē omnibus salutem dixi tuis uerbis, atq; eis quos in epistola priuatim nominas Theupulo, & Michaeli literas etiam tuas legendas dedi, qui salutē tibi reddunt cumulatissime. Sacratuſ tuus qui apud nos est, magnos progressus facit in studiis optimarum disciplinarum, ut de hoc iuueſe summa omnia nobis polliceri aut debemus Lazari nostri assiduus est auditor, qui constituit sequenti anno, diuinos libros. M. Tullii de Oratore, & Arist. Rethoricem pręlegere. Nosti hominis eruditionem, diligentiam, probitatem, q̃q̃ magna mihi est in eum expositulatio & querela, statueramus enim unā uenire ad te, & æstatis particulam tecum agere iucundissime, at nunc homo elegans impediri se inquit, q̃ non tam libris, q̃ liberis sibi danda sit opera, patri ut obtemperet suo. sic enim se aduersus accusatores suos defendit. Sed non despero fore, ut aliquando conueniamus, Interea uiuet apud nos tui nominis memoria sempiterna, paucissimiq; elabūtur dies, quibus sermones nostros tui mentio non exhilaret. Paulum Nepotem, Florellum, Herculem meum saluos esse & ualere cu-

pio, familiares præterea reliquos, qui mihi tua causa sunt charissimi.

Philippo Venerio Sebast. F. H. N. S.

**I**ncertum mihi est, maiore ne dolore quam uoluptate me affecerit, Leonardi patrui tui mors, & parentis in locum demortui fratris cooptatio eodem ferè tempore mihi nunciata; quod enim Clarissimus ille uir mortem obierit, qui cum patriâ, tum familiâ uestrâ honestissimâ non parum ornamenti atq; præsidii afferebat, non solum mihi, qui uos unice amo, atq; obseruo, sed cunctis Ciuitibus, qui Remp. saluam & florentem esse cupiunt, maxime dolendum fuit. Quod autem uniuerſa ciuitas declararit, quam moleste tulerit Leonardi casum, & quâ honorifice de tuo patre sentiret, non potest mihi non esse iucundissimum. Lætor enim mirifice, quum quid pie, liberaliter, ac sapienter à Ciuibus nostris factum audio, quippe qui probè intelligam duobus his potissimum regna, atq; in peria continere, præmio scilicet, ac pœna. Quamquam magistratus iste tribunitius quotidianis laboribus uariisq; occupationibus reuerentissimus oneris potius quam præmii loco uidetur esse censendus, tamen quum in eo summa sit intercedendæ autoritas & dignitas, legesq; omnes & instituta Reip. sub eius tutela & præsidio conquiescant, neq; is deferri nisi ornatissimis uiris soleat, non quantum secum asserat molestiarum, sed quo animo sibi a patria deferatur, unicuiq; est considerandum. Neq; uero dubium mihi est quin Sebastianus pater uir omnium & nostræ & superioris ætatis in foro iudiciisq; exercitatisimus, omnes difficultates & molestias, quæ in eo gerendo magistratu ceteros obruere consueuerunt, facillime sit superaturus, Campumq; sit habiturus amplissimum, in quo sua continentia, grauitas, Eloquentia, summa cum admiratione totius ciuitatis possit excurrere. Quamobrem est quod nos familiares ac necessarii plurimum gratulemur, omniaq; isti & patriæ salicia, fortuna nataq; euentura speremus. Quod autem priuatim ad me attinet, obsecro te (nui Philippe) ut quæ ego dolorem ex alterius fratris obitu, lætitiâ ex iniuncto alteri unere concepi animo,



mo, eam patri meis uerbis cumulate explices, tibiq; persuadeas existimaturum me uestra omnia incommoda pariter atq; ornamenta mihi semper fore communia. Quod tibi tum præcipue compertissimum fuerit, quum te aliquando ad hoc literarum Gymnasium contuleris, in omnibus enim iis, quæ ad rationem studiorum tuorum pertinebunt, siue ea sint, quæ ad humanitatem informant, siue quæ ad scientiam iuris pontificii spectant, meam tibi operam, atq; industriam nunquam scito de futuram Vale.

Hier. Niger Alexandro Falconio S. P. D.

**M**irifice delectatus sum tuis literis, cum q̃ ex sic ornate copioseq; scriptæ sunt, ut non ex scribarum officina, sed ex Rethorum schola prodiisse uideantur, tum q̃ perspicuum tui erga me amoris testimonium prefeferunt tum quid Orationem in Francisci Cornelii Cardinalis funere nuper à me habitam Amplissimis uerbis laudas, atq; in cælum effers, quam ego orationem libenter non modo in nonum annum (ut poeta ille inquit) sed etiam perpetuo suprepissem, qui probe intelligam, si ea cum ueterum scriptorum monumentis conferatur, potius dignam esse, quæ spongiæ succumbat, quam quæ per eruditorum uirorum manus euagetur, nisi Corneliorum meorum uoluntati & studio, quorum imprimis res agebatur, mihi satisfaciendum putassem, Quum enim a multis ea expeteretur oratio q̃ eo die, quo habita est, ob ingentem populi concursum, & prætereuntis pompæ strepitum à paucis fuerit ex audita existimarunt uiri isti nobiles multorum desiderio percommode satisfactum iri, si ea typis excuderetur, atq; inuulgaretur. Qua de re admonendum te duxi, ne fortasse me nunc primū ambitione captum existimes, quod quum id genus multa à me antea scripta nunquam ediderim, modo alienior factus ab hisce studiis, uidear ex re leuissima popularem auram captare uoluisse. Reliquum est, ut pro egregia tua in me uoluntate, quam ex tuis literis, atq; ex tua mihi iam pridem cognita probitate perspicio, immortalis tibi habeā gratias, Omnemq; meam operam, & auctoritatem, quantulacunq; ea est, omnibus

tuis commodis & ornamentis paratum expositamq; pollicear.  
Valc.

Iacobo Sadoletto Carpentora. H. N.

**N**Olim existimes mihi parum gratum fuisse beneficium tuum, quod tamdiu siluerim, fuit enim eiusmodi, ut si magna mea in te merita extarent abunde mihi satisfactum putarem. Quum uero nihil in necessitudine naturam contulerim, præter studium & beniuolentiam, facile intelligo parem me tuis officiis animum afferre non posse. adnitar tamen ea conferuando, eisq; bene utendo, quæ donasti, efficere, ut tuorum erga me meritorum te nunquam poeniteat. Quod si qua uis aut casus beneficium huiusmodi auferet, memoriam tamen illius unâ cum eo interire non patiar. Mandatum tuum de præceptore, curo, quod possum, diligenter Lazarumq; nostrum & Lamprium appellauî huiusce curam cogitationisq; participes, Quis enim non huic rectissimo studio tuo libenter adsit? quum uideat nullum te locum prætermittere istius populi iuuandi, atq; ornandi, adeoq; incensum esse desiderio propagandi bonas artes ut eas etiam, in animis barbarorum hominum inseri cupias. Sed doctorum, quos requiris, maior hic est penuria quam fortasse opinaris duo enim sunt hic hominem genera in optimarum literarum studiis uersantium, alterum eorum, qui eiusmodi literas profitentur, aut idonei sunt ad proficendum, hiq; existimationem doctrinæ diuturnis laboribus consequuti, cum iam obtinent locum, ut non nisi magnis propositis præmiis aliò proficiscerentur, Alterum genus est eorum, qui ut ab his doctoribus erudiantur, rectumq; iter ad nobilissimarum artium laudem adipiscendam insistant, in hæc, oras uenerunt. Horum autem pleriq; non multum processerunt, nec dum satis apti uidentur ad ea semina in animis istius iuentutis iacienda, quæ nondum habent in se ipsis, qui uero iam ad frugem aliquam peruenerunt, eximiamq; sui spem concitarunt qui sanè sunt paucissimi, hi relinquere Italiam; reformidant præciumq; constitutum recusant. neq; enim modicum est, quod deponis, ita enim scribis, si Græcas nouerit probè li

teras, Latinas autem mediocriter, at ego sic statuo qui, te Iudice, mediocritatem attigerint, eos esse viros doctissimos. Verum hæc ipsa mediocritas non ex acerrimo isto tuo iudicio, sed ex communi aliorum sententia, atque ex ipsa rei necessitate metienda est, Proinde dābimus operam ut uirum inueniamus, qui preclari istius amoris & pietatis tuæ in Carpentoracenses ciues sustineat partes quid efficere possimus nondū compertum habeo, certe nec opera, nec studio deerimus. Vale. Nolo tibi in agendis grātiis pluribus obstreperere noui enim quam hæc non libenter legas.

Berardinus Maphæus H.N.S.

**S**Cito me mirifico tuarum litterarum desiderio teneri cum postea quam me huc Verona receperim, nullæ tuarum mihi redditæ fuerint. quamobrem mihi persuadere non possum quid nam tam repente accidere potuerit, quod institutum scribendi munus prætermiseris, duriusque aliquid de tua in me beneuolentia cogere dubitare, nisi perspectam tuam in me uoluntatem fidemque iam planè cognitam haberem: Illud uerò me uel maxima liberat molestia quod ex rumore quodam, uel ex tuis potius ad domesticos missis literis, te hic ad Kl. Aprileis expectamus, an ideo mi Nigèr nihil de eo mihi significasti? ut me, ceterosque tibi necessitudine coniunctos maiore afficeret, uoluptate, quam de improviso aduentu tuo cepissemus. Sed quid hæc ad te hoc præsertim tempore, in quo iam iam sit ad arma concurrendum, hæc etenim omnium sermone percrebuit Thurcam esse in armis; classemque. C.C. triremium egregie ornatam: armatamque habere, qua sit in Italiam transmissurus, indiesque maiores sibi copias comparare quib. in Pannoniam impetum faciat: Christianorumque principum consilia frigere, nec tot tantisque calamitatibus esse edoctos, quibus superioribus annis immanissimis Turcæ eos afflixerunt. uerum adeo late malum hoc serpere patientur, ut cum illi medicinam adhibere uoluerint minime queant. sed de his aliàs pluribus, nunc scito nil à me magis quam te aut tuas expectari literas. Vale & multam Thebaldeo, Colotio.

Curtio, ac Rutilio nostro meis uerbis dic salutem.

Hierónymus Niger Marco Antonio Michaeli. S.D.

**Q**Uod nuper a me efflagitasti, ut de Græca superstitione, quæ proximis diebus in hanc urbem sedem pietatis & Religionis iuectâ fuerat, ad te scriberẽ, uereor ne mihi explicatu difficile sit, & tibi omnino incredibile uideatur, tanta. n. est indignitas rei tam nouum atq; inusitatum genus temeritatis & insanix, ut & præter grauitatem Romani nominis & supra hominum fidem sit, quod hæc ciuitas iam per tot secula sanctissimam Religionem edocta, Nunc turpissimæ superstitioni manum dederit. Greculiq; unus inanissimam fabellam diu pro oraculo habuerit. Iuuenalem Poetam Satyricum legisse te arbitror conquerentem tantum authoritatis & fidei suis temporibus in hac ipsa urbe græcis hominibus tribui ut nullum dictum factum ue laudaretur, quod non grece dictum factumq; esset, sed illis temporibus hæc natio, quasi minus dictaret à ueteribus illis grecie, qui Sapientissimi & habiti sunt & fuerunt, facile potuit imperitam plebem in sui admirationem conuertere. Nam & si amisisset imperii dignitatẽ retinebat tamen ad huc sapientiæ laudem quam nostri plane se assequi non uidebantur posse, nisi Athenas commigrarent, atq; ex grecorum fontibus sapientiam haurirent. Recentiores uero græcos quis non uideat amissis omnibus ornamentis, aut seruire barbaris nationibus, aut inter nos uiuere tamquam fugitiuos. Qua certe calamitate digni sunt propter eorum perfidiam & impietatem. Hinc Nicolaus Quintus Pontifex Maximus uir auorum memoria doctrina & pietate insignis nuntiata Byzantii expugnatione & clade dixisse fertur, haud iniuria Deum Opti. Max. Græcos in seruitutem gentis impiissimæ rede gisse, Quod illi semper ueræ pietatis hoc est, Christianæ Religionis inimicissimi fuissent, quasi diuino iudicio habiti sint indigni Christiano nomine qui peruerse Christum colerent, puritatemq; religionis superstitionibus inquinarent, nos uero imprimis thostili odio persequuntur, ut nolint eadem, quæ nos, de Religione sentire conuictiq; toties sanctissimorum pa-

trum sententiis & publica autoritate ad sanio- rem mentem reuocati redderent ad ineptias suas, maluntq; soli errare quā nobiscum bene sentire. Dicit fortasse quispiam iniquum esse me ex unius Greculi superstitione toti greciæ notā impietatis inurere, sed & poetarum eminentissimus Maro ex Sinonis do- lo Danaum insidias autq; ex unius crimine aliorum omnium fraudes docet esse perdiscendas, sunt enim Greci ferē omnes ut habita corporis, ita & animo ac uoluntate inter se persimi- les, & quemadmodum cætere nationes peculiare quiddam ha- bent, ut Itali. prudentiam, Hispani uersutiam Galli superbiam, Germani impetum & furorem, sic Græci mendacia, & dolos fingere adeo sunt eruditi ut eos natura ad fallendos cæteros mortales finxisse uideatur, sed uereor ne nimis multa permise- rim, antequam de te scribere aggressus sim, meus in te amor, & summa, quæ inter nos est familiaritas fecerunt, ut libere hu- iusmodi uterer euagatione, quam scio tibi, qui omnia mea li- benter legis non iniucundam futuram. Nunc ad rē ut ueniam, credo te iam pridem uel ex meis literis accepisse hoc anno ad cæteros urbis Romæ labores & eruminas pestilentem morbum accessisse, qui tamen hæcenus non admodum grauis uulga- tusq; fuit, ut pote non ex aeris putredine ortus, sed aduentitius & contagione inuectus. Cæterum ut ægro homini noua super- uenientes ægritudo, tametsi leuis non potest non esse molestis- sima, sis miseræ huic & fati superq; afflictæ Ciuitati genus hoc incommodi accedens grauissimum uidebatur. accedebat rei quædam quasi nouitas, quod ab initio Pontificatus Iulii. ij. usq; in præsens hoc morbo laboratum non fuerat, augebāt ter- rorē multa imprimis fuga primorū, qui non tam mætu pestilen- tis morbi, q̃ tedio, urbis carentis principe in suburbia secede- bant, præterea nihil erat spes in magistratibus, quorum soler- tia & cura uis morbi repelleretur. Pauci enim erant, qui de re pub. consultarent, pauciores uero qui maiorum consiliis obtin- perarent, usq; adeo perturbata omnia & confusa uidebantur hunc statum urbis calamitosum ne miserum Imp. (ut par erat) ægre ferebant Romani, cum ob discrimen uitæ, in quo pariter cum inquilinis uersabantur, Tum uero ob iacturam fortunarū suarum, quæ omnes ex aduenarum conuentu & frequenti pena

## E P I S T.

dent, sed dum hi hac sollicitudine laborarent. Ecce Græculus nescio quis homo sordidatus prolissa barba, qua ea natio plurimum delectatur, capillo impexo toto demum corporis habitu horrido & tetro, quasi nuper ab inferis emerisset, qui mores Ciuitatis adit, polliceturq; iis si triginta nummos aureos in singulum mensem sibi posterisq; suis constituent parentq; necessaria operi peragendo, se & q̄primum urbem purgaturū præsenti lue & perfecturum ut nullo unq̄ tempore ea calamitas metuenda sit, non defecerunt Græci homines, qui testarentur eadem hunc miracula in Græcia & Syria edidisse. Inter cæteros Constantinus Paleologus, & Vetusto iure Imperii & fama bonitatis plurimum præstans, qua spe, quibusq; testimoniis adducti Romani Ciues rem Senatui detulerunt, ex Senatusconsulto ampliora etiam q̄ Græcus homo peteret promittuntur, quæ omnia cum transegisset Græcus opportuna operi mandat exquiri. Imp. Taurum nigrum deposcit, ut Virgilianam Sibillā immitaretur, dicentem, duæ nigras pecudes ea prima piacula sunt, subinde fontem nundum antea deprehensum inueniri uult, in suburbio, quibus omnibus celerrime ad inuentis Græculus nocte intempesta ad Radices Marii mōtis profectus, quo in loco & Taurum paratum & fontem inuenerat funem texere aggressus est, texendoq; nunc alta uoce nunc submissa nescio quid Græce immurmurabat sonitum uocis multis, qui spectatum conuenerant audientibus, posthæc coniecta in ceruicē tauri fune, ferunt illum repente mansuefactum ter circa fontem perduxisse, deinde prostratum nulla ui ter dextro pede calcasse, atq; illi demum minime reluctanti cornua abseruisse, quibus peractis Taurum per septem urbis portas, & per septem celebres uias a pastoribus deduci iussit, postea dimitti ut in campos & ad pascua nota regrederetur. Aiunt qui interfuerunt qua ille hora attollens in cælum oculos, nescio quid insurrebat uisa fuisse decidentia sydera & innumerabiles canū luporum atq; id genus animalium imagines pasfim uolitare, sed (ut ego quidem existimo) credulitas hominum & pauor per intempeste noctis umbram huiusmodi simulacra referebat, his in hunc modum confectis magus in urbem reuersus egit cum Romanis magistratibus, ut publico edicto caueretur, ne quis in tri

duum quadrupedem bestiam mactaret, in quo & Græca uersu-  
 tia deprehendi facile potest, quod de industria eos potissimū  
 dies delegisset, quibus ex religione carnibus abstinemus, Vul-  
 go autem uocantur a nobis anni tempora, quibus quater in  
 anno uesti cornibus est irreligiosum & impium, Græcus in hos  
 dies rem distulerat, ut coactus religione populus obedientior  
 sibi esset maioremq; ex eo auctoritatem & fidem suæ ipse fabu-  
 læ conciliaret, sed dum in hac expectatione esset Romana Ciui-  
 tas Antistites summi ordinis percepta re, negotium dederunt  
 Iacobatio Pontifici Lucerino, ut uideret ne quid christiana re-  
 ligio detrimentum pateretur. Is cum animaduertisset ex hu-  
 iusmodi superstitione animos imperitæ multitudinis facile a  
 Religione auerti posse, & plane intelligeret Græcum illud com-  
 mentum non carere dolis. Imo uero nec machinam ad que-  
 stum statim hominem Græcum, siue potius circulatorum ad se  
 uocat, interrogatq; quanam arte quibus uerbis in huiusmodi  
 opere patrandum uteretur, ad hæc ille respondit, nolle se arcana  
 & misteria suæ artis cuiq; propallare, satis esse Romanæ Ciuita-  
 ti, si ipse pestilentiam extinguat, ex iis apertissime cognitum  
 est in ea re nihil aliud contineri, q̃ aut superstitionem, aut  
 dolum, aut utrunq; igitur ex templo magus in carcerem trahi-  
 tur paulo post questione habita puniendus, nisi Romanorum  
 Ciuium factus concussus hominem iudicio captiuitatis libe-  
 rasset, indignum enim uisum est, his, ut quem ipsi antea in fi-  
 dem acceperant deferrent in eo uitæ discrimine, quod ille p̃  
 salute publica subiisset, quamobrem Græcus ægre a propinqua  
 flamma & pene incendio ereptus tumultuanti populo dona-  
 tus est, uerum ne omnino impunis dimitteretur pessimo exem-  
 plo, multatus fuit exilio sempiterno, liberq; eius in quo deli-  
 neamenta illa suæ conscripta erant publice combustus, ut eadē  
 fere contumelia notaretur, qua notatus olim fuit ab Athenien-  
 sibus Protagoras, qui opinionem de diis immortalibus in du-  
 bium reuocauerat. Aiunt hunc urbe pulsum præneste se contu-  
 lisse. Ibiq; fabulam suam proseguere, quod ea Ciuitas pestilentia  
 uehementer laborat, quem exitum ea res habebit ad te perscri-  
 bam. q̃q̃ non dubito quin eundem ubiq; exitum sit habitura.  
 Habes mi Marce seriem Græcæ deceptionis a me si non orna-

re, at certe fideliter expositam, quam dum mecum ipse reuolu-  
 uo animo non tam Græcum hominem quàm Romanos ipsos gra-  
 uiter accusandos censeo, quorum credulitate pene perfectum est,  
 ut uel ab impiis nationibus ad quas forte huius rei fama per-  
 uenerit, ludibrio habeamur. Græcus enim nihil est aggressus  
 alienum a natura & more sui generis, nostri uero ualde aber-  
 rarunt a maiorum institutis, non eorum modo qui Christianam  
 pietatem professi sunt, sed eorum etiam qui anno Christum  
 fuerunt. Etenim quicumque Romanorum gesta conscripserit tam  
 Latini quam Greci Romanos illos ueteres imprimis laudant  
 a religionem quod eum cultum deorum immortalium in quo  
 nati educatique fuissent, ita integra immolataque seruarint, ut nul-  
 lam umquam peregrinam admiserint superstitionem. habet  
 in presentia Lii uerba subiicere, qui libro quarto decadis  
 primæ, cum de pestilentia sermo esset, qua ob siccitatem & a-  
 quarum defectum urbs Roma plurimum laborauerat. a Cor-  
 nelio Cos. T. Quintio Reno Cos. hæc subdit. Nec corpora mo-  
 do affecta tabo, sed animos quoque multiplex Religio & pleraque  
 externa inuasit. Nouos ritus sacrificandi uaticinando inferen-  
 tibus in domos quibus questui sunt, capti superstitione animi,  
 donec publicus iam pudor ad primores ciuitatis peruenit cer-  
 nentes in omnibus uicis sacellisque peregrina atque insolita pia-  
 cula pacis deum exposcendæ, datum inde negotium adili-  
 bus ut animaduerterent nequi nisi Romani dii heu quo alio  
 more quam patrio colerent. Hæc ille quod si huiusmodi institu-  
 ta maiorum tamquam nimis uetera & antiquata parum uide-  
 bantur ad continendos in pietate Romanorum animos ualere  
 saltem debuerunt. Sacrosancta Religionis decreta quibus ob-  
 temperare hi a pueritia edocti sunt, nec obliuisci fas erat Chri-  
 stianos se esse, eamque urbem Patriam habere, in qua passim tot  
 ossa, tot sepulchra eorum cernerentur, qui pro pietate contra  
 superstitionem pugnantes immortalitatem diuinitatemque glo-  
 riosa morte sunt assecuti. Itaque opportune admodum post erro-  
 rem hunc imperitæ multitudinis à collegio Pontificum de-  
 crete fuere supplicationes in quintumdecimum usque diem ut  
 conuersus ad Religionem Populus Romanus a Deo Opt. Max.  
 non a græca superstitione pacem exposcerat, quamquam in



iis quoq; piaculis ut est , in extrema omnia præceps vulgus , nec seruatus modus, nec rei leuitatis habita ratio est. Nam cū morbi huius uis esset longe minor quam fama & pauor, ad postrema tamen remedia uentum fuit, Pueris passim atq; uiris nuda sibi, terga flagellis percutientibus, mulierum turba ingenti cum clamore ululatuq; insequentium diuum effigies, quæ ex omnibus sacrariis de promptæ lugubri pompa circumferebantur per urbē datus est etiam questui locus in tanto mærore ut per eos dies dona certatim imposita nec altaria, nec templa ipsa caperent miracula promulgata q̃ plurima alios pestilentia prope confectos illico renixisse alios quod religionem cōtere p̃sissent correptos contagio subito expirasse Iudeum hominem ferunt cum ab Imagine Virginis Deiparæ auertissent oculos cæcum repente factum fuisse, alium sectæ eiusdem cum auertisset faciem inflexa ceruice stetisse. Quamobrem Iudæa femina territa miraculo Christianæ se religioni addixit, quam postea uidi, ipse coronatam more Romanorum sponsarum inter supplicantium turbam, quasi in triumphum duci peractis supplicationibus nuntiatus est, aduentus Abriani sexti, Pont. Max. quē dum Romana Ciuitas etiā peregrini omnes tam diu expectāt pene tedio & mærore confecti sunt, Nunc uero si non alium ex hiis precibus & uotis fructum, at saltem hunc minime contemnendum percipiemus quid qui antea sine capite, eramus & ut Græci aiunt Acephalis iam iam habebimus caput & religionis Principem religiosissimum, qui ibi famæ credendum, est sua probitate prudentia authoritatem urbem Romam atq; adeo Cristianam Remp. afflictam eriget perditamq; recreabit. Vale.

Hier. Nîger Iacobo Sadoletto Car. S.

**E**Ram in suburbano meo Patauino, cum reddite mihi fuerunt, à te literæ officii atq; amoris in me tui plenissime habeo tibi immortalis gratias, quod incolumen me ad meos reuertisse gratulere , nec incompertum mihi est quam sis in omni uitæ ratione præsertim in amicitia constans ac semper idem. Quod autem in extremo literarum tuarum petis à me ut offensionem illam aduersus hominum petulantisimum a me

f

conceptam tibi concedam ac donem, fateor id quidem mihi præter orationē accidisse, ut te auctore, quem imprimis sequi debeo, causam tam iustam tam necessariam defererem, quid enim tam iustum atq; adeo è Rep. uidebatur esse quam improbitatem maledici hominis infringere? Quid tam necessarium quam me ipsum defendere, nam hæc quidem causa non iam Benibi est, sed mea cum me egregius ille uir testem ueritatis delatorem appellauerit, sed tantum abest ut consilium reprehendam tuum, ut etiam fatear me non nisi abs te monitum potuisse ab ea indignatione uestra residere quam iure optimo mihi uidebar concepisse. Quamquam enim genus istud hominum maledicum & petulans non ita parce ne molliter tractandum uidetur ne certi homines pari spe impunitatis adducti nullum obtrectandi finem faciant, tamen sapientius agere uidentur ii, qui censuram hanc, aliorum iudicio atq; imprimis posteritati relinquunt quod in mea ipse causa libentius fecissem quam in aliena. Nosti cuius uiri defensionem suscepisse doctissimi scilicet atq; amantissimi aduersus hominem maledicentiz crimine in famen, cuius ego arrogantiam reprimere constitueram, etiam edito uolumine, nisi me de ipso prope scribendi cursu tua auctoritas deflexisset. Quamobrem utar consilio tuo, modo me nihil à principio inique aut incōstanter fecisse persuasum habeas idq; potissimum beneficii loco, peto a te maiorem in modum ut si a quo animo ferre statui, quod fortasse ferendi non erat nolis me probare quod probandum non est, cætera omnia tuæ uolūtati arbitrioq; permitto. Vale.

Hier. Niger Bloſio Palladio Pont. Max. ab Ep. S.

**C**Um statuisset Matthæus Pizamanus uenire istuc in contubernium Farnesii Car. iussu Pontificis Max. exceptus, petiit à me pro nostra necessitudine, ut ad cognitionem & gratiam amicorum meorum qui Romæ sunt dignitate ac uirtute florentes aliquem sibi aditum meis literis patefacerem. Quo in albo & cōspicuo quidem loco tu mihi occurristi, dignus qui &, hunc adolescentem summo loco natum politioribusq; lite-

ris eruditum cognosceres, & ab eo coleris, Hunc itaq; iuuenē summa spe eximiamq; uirtute totum tibi trado (ut aiunt) de manu, ac de meliore nota commendo, quod fecissem ipse libentius coram, si per domesticas occupationes mihi patria excedere licuisset. Dedi Pizamano munusculum ad te, Auellanas Vincentinas, quas in Blossiano isto tuo inferi curabis, hæc si per uenerint ad frugem, non ingrata erunt, rosoribus Sauoinis, Secrendi tempus modumq; minime opus est, ut te doceam, qui in agricolatione, cultuq; hortorum iam cum Catone ipso certare posses. Vale. pataui pridie Kl. nouembris.

Hier. Niger Iacobo Sadoletto Car. S.

**C**Ogitabam Romam, cum nunciatum nobis est Pontificē Max. ineunte Ianuario istinc migraturum, quod & si non satis compertum esset propter uaria principum uirorum consilia, dubiosq; rerum euentus, tamen suspensum me atq; ancipitem in hunc usq; diem tenuit is rumor, quem auxit in dies per spectus mihi mos Pontificis Max. emigrandi & uagandi, sanè uisum est mihi satius esse continere me domi, præsertim hoc anni tempore peregrinationibus haud satis opportuno, quam uenire istuc, unde paulopost sit recedendum. Quamquam permolestum mihi est carere tua iucundissima consuetudine, quam semper omnibus opibus atq; honoribus anteponendam duxi, tamen solabor, ipse me ac sustentabo hac spe, quod congressus nostri hac intermissione, postea futuri sint iucundiores dedi has literas ad te Matthéo Pizamano adolescenti summo loco nato, atq; optimarum literarum studiis erudito, qui factus est contubernalis ac studiorum socius Farnesii Car. ita iubente Pontifice Max. is tanto tui uidendi & colendi desiderio est in census, ut hoc nomine in primis fateatur se relicta patria in urbe ista sibi domicilium statuisse. Non dubito, quæ in omnes bonos & literarum studiis deditos humanitate, quin hunc ipsum quibuscunq; poteris officiis complementare. Multos tibi commendauimus, quorum merita, tua beneficentia superasti. Hunc si præcipue amaueris, ornauerisq; id ego, non tam beneuolentiæ in me tuæ quam huiusce adolescentis uirtutibus.

tributum putabo , erit tamen quod tibi gratias habeam , atq;  
omnia tua in Mattheum officia innumerabilibus officiis, quæ  
in me contulisti, libenter accumulabo. Vale.

Hier. Niger Hieronimo Aleandro Archiepis. Brun-  
dusi .S.

**E**T si non dubitabam, quin pro tua singulari humanitate  
Mattheum Pizamanum genere ac uirtute nobilissimum  
omni officio esses persecuturus uolui tamen , ut intelligeres  
te apud hominem non solum optimum sed etiam mihi ami-  
cissimum tua studia , atq; officia positurum. Is cum animad-  
uerteret se nondum per ætatem ad capeßendâ Remp.satis ido-  
neum esse, Romam proficisci statuit, non augendæ rei familia-  
ris cupiditate , sed uißendæ urbis , cognoscendiq; uiros digni-  
tate ac uirtute amplissimos desiderio incensus. Venit autem  
in contubernium Farnesii Cardinalis iussu Pontificis Max. qui  
dominicû ipsius parentē dū uiueret unice dilexit. Hûc itaq; iu-  
uenem optimis moribus eximia eruditione præditum tibi ita  
commendo, ut maiore studio commendare possem neminem.  
Sed de Pizamano satis confido enim fore , ut is biduo tibi fa-  
miliarissimus sit futurus. Ego uero statueram proximam hye-  
nem traducere apud uos in summo otio, ab omni munere &  
seruitio penitus liber. Quis enim non tuo exemplo adiscat quã  
periculosum ac miserum sit , aliene fidei se se committere ?  
Aut quod uspiam est mare tam infidum quam aula ista in qua  
cum quis post infinitos labores portum se tenere arbitratur, su-  
bito reslantibus uentis in altum reiicitur, Sed cum uariis ru-  
moribus allatum nobis esset Pont. Max. urbe etiam disces-  
surum diu suspensos nos tenuit hæc expectatio , nec delibera-  
ndi locus fuit, donec ad anni tempus incommodum peregrina-  
tionibus uentum est , quamobrem decreui ad uentum huc ue-  
strum, si modo id statò tempore fiet, expectare, sin uana spe cõ-  
ciliï (q; absit) eludemur ueniã ad uos nō ad sacerdotia aucupã-  
da, quorum me nulla unquam torßit ambitio, sed ad uißendos a-  
micos, quos mihi superiorum temporum fortuna reliquos fe-  
cit, is est enim iucundissimus & certe unicus uitæ fructus, ha-

bere quicum libere loqui & consilia cōmunicare possis quemadmodum solebamus ipsi facere, inter nos cum sæpe alias tum superiore anno, in tuis illis fortunæ iactationibus & ca si bus quorum ego omnium locupletissimus testis & assiduus tibi comes fui, atq; huiusmodi uitæ fructus diuino beneficio hominibus datus hoc suauior est, ista in urbe quo rarior, propter hominum perfidiam, & inuidiam, quæ pestes humani generis nunc uehementius quā unquā antea Romæ grassantur, ob rerū angustiam, & aulicorum summam desperationem qui non nisi per alterius iacturam & calamitatem ad opes & honores aspirare queunt. Sed aliud nos agamus contentiq; tenui fortuna, & nostra gaudentes innocentia, uana hominum studia, inanesq; cogitationes, atq; in primis uiuamus libere hoc est sine operimento, sine fuco ut tales simus, quales uideri, uolumus. quod tu maxime omnium & fecisti semper & facis. Vale.

Hier. Niger, Iacobo Sadoletto Card. S.

**Q**UAM graui acerboq; uulnere ex subita atq; improuisa Contareni Cardinalis morte perculsus ac penè confectus fuerim, tu te potes optime Sadolete cognoscere, qui quanta illum obseruantia colerem, & quo ille me amore uicissim prosequeretur, compertū habes, ingratus equidem sim, si priuatas mei luctus rationes anteponam publicis, quum uester ordo, & Christiana omnis resp. tantum in eo casu iacturæ fecerit, ut parum addi posse uideatur. Sed tamen nescio quo pacto sit, ut dum reuoluo animo calamitates meas, quibus iādiu sum afflictus, postremum hoc uulnus acerbius fiat in dies, magisq; recrudescat, nec succensendum mihi esse uideatur, si secundo loco mea etiam priuata causa, doleo, atq; angor, præsertim tecum, qui sæpenumero me & consilio, & auctoritate iuisti. Agitur iam tricesimus annus, ex quo primum è scholis optimarum artium ad dura principum uiro- rum seruitia diuer- ti, idq; non ullo meo proposito, aut consilio, sed temporum necessitate compulsus feci. Ardebat enim tunc Bello Italia, & prouincia imprimis nostra, quæ in eum erat adducta discriminē, ut non quo pacto honeste uiueremus, sed quo modo spiritum

duceremus à nobis esset cogitandum. Verum apud eos principes, in quorum familiaritatem forte incideram, iniqua semper fortuna laboravi, dum eorum alii odio haberent bonas artes, alii facultatem bene de me merendi non haberent. Nonnulli uero quum primum de me ornando cogitarent, repente de medio sublati sunt, itaq; per tesus errorum meorum statuerà me mihi reddere, ac in meo tandem nidulo conuiescere, qđ consilium memini me tecum paulo ante qđ ex urbe istuc primum discederes communicasse, quod quum tibi probari animaduertissem, me in patriam receperam, ratus uix unquam fieri posse, ut ex hoc portu, fidaq; statione, rursus me procellis obiiicerem. Sed nescio quo pacto Gaspare Contareno in Collegium Cardinalium diuinitus (ut scis) cooptato, adductus hominibus mei amantissimis, omniq; genere uirtutis ornatis summa humanitate ac beniuolentia, erga me, illum proficiscētem ad urbem sum prosequutus, apud quem septennio fui, omnium consiliorum suorum conscius, omniumq; ferè laborum particeps, quos ille optimus & sapientissimus uir, pro sanctæ Ecclesiæ dignitate sustinuit. Postremo quum ex Germanica legatione, qua ille pie, fideliter, ac sapienter functus fuerat. In Italiam rediissemus. At is Lucæ cum Pontifice Max. colloquio habito, palàm n eam fidem ac diligentiam collaudasset, Haud multo post in Bononiensem legationem missus, repentina oppressus morte, me omni spe deiectum atq; orbatum reliquit. Neq; uero tam molestum mihi est, post tot labores meos eo fructu atq; iis præmiis carere, quæ multi sine uirtute, ac sine ullis laboribus sunt assequuti, quàm iucundum uideretur ceteros homines intelligere meam operam, atq; industriam summis uiris non ingratham fuisse. Nam si in supino otio turpis & uecors ætatem omnem consumpsissem, iure quidem posthabitus, ac neglectus uiderer, modo quum nunquàm ferè toto uitæ meæ curriculo ab honestis laboribus conuicuerim, ac Reipub. fideliem semper nauarim operam, sanè indecorum ac turpe mihi existimo, inertes homines ( ne quid grauius dicam) præripere fructum laborum meorum, me uero præteritum iacere, quasi manifesti cuiuspiam flagitii pœnas luam. sed hac ut homo perturbationibus obnoxius ad te scribo,

nam si reuocare animum ad se se, cumq; sistere uolumus in suo ipsius regno, hoc est in arce rationis tamquam principem ac moderatorem cunctarum actionum cogitationumq; nostrarū, Quis non uideat satis uberem ac gloriosum fructum esse laborum nostrorum, iuuare Remp. & prodesse alteri, quum possumus. Ipsa enim uirtus quum sit optimum bonorum omnium, nullum potest habere premium seipsa maius, testificatio autem uirtutis q̄ in honoribus consistit, neq; uehementer à nobis concupiscenda est, neq; peruiaciter aspernanda, quum p̄sertim uidere liceat pr̄mia huiusmodi sæpenumero sine delectu tribui solere, atq; in ea nos tempora incidisse, quibus ob summam rerum omnium perturbationem, imminenteisq; calamitates ac ruinas, longe beatiores mea quidem sententia uideantur esse ii, qui priuati, aliquo iu gurgustio delitescunt, quam ii, qui ad gubernacula sedent quassatæ ac periclitantis Reip. Valde enim uereor, ne iam subidentibus fundamentis, dignitatis uestre, hoc est pietate & innocentia deficientibus. uestra omnis dignitas & auctoritas uno momento concidant. Quæ sanè ruina longe grauior atq; intolerabilior futura est ipsis gubernatoribus Reip. quam tenuioribus. Vides me iam præripuisse tibi locum mei consolandi, ac monendi, dum ad communes locos philosophiæ confugio, locum autem iuuandi me, atq; ornandi integrum tibi relinquo, qua in re, si forte faculta, aut occasio deerit, uoluntatem tibi nunquam de futura certò scio. Vale.

Ia. Card. Sadoletus Hier. Nigro S.

**L** Itera tua, quas iam antequam Carpentora te discederem, accepi eo tempore mihi redditæ fuerunt, quo cum ex remotioribus galliæ regionibus meam me ad Carpentora te ecclesiam recepissem. Populos à Deo fidei meæ creditos pestilentia multisq; præterea incommodis & difficultatibus uexatos, oppressosq; offenderam ut meas omnis curas & cogitationes pro mea paterna erga ipsos charitate ad eorum tum leuandas calamitates, tum consolandos animos cogerer conferre. Post à Pont. Max. in italiam euocatus, quod iter maximo ua-

letudinis meæ incômodo & rei familiaris detrimento feci, non prius quietem & otium nactus sum, quam in hisce locis pontificis ipsius permissu constitui, eo factum est uti serius quam aut consuetudo mea ferat, aut meus in te amor postulet tuis literis rescribam. Quibus quod Gasparis Contareni mortem defles, facile ex dolore meo tuum metior. Nam mihi quidem nihil eius interitu in omni uita accidit luctuosius, atque acerbius. Is enim occidit uir, quo nec meliorem, nec integriorem, neque omni laude & uirtute præstantiorem nec nostra nec superior tulerat ætas. Quanquàm is quidem qui tam pie, tam caste, tam innocenter, tam sancte uixerit, non occidit, sed morte immortalitatem adeptus est, eoq; præclarius cum illo actum est, qd eo tempore ex hac uita migravit, quo optimo & prudentissimo cuiq; propter maximam Reip. perturbationem, imminentesq; illi grauissimas calamitates ac ruinas omni spe optulandi precisa, mors miserrimæ uitæ propagatione longe potior, optabiliorq; ducenda est. Nobiscum uero, qui cum præcipue dileximus actum certe est aliquanto durius, nam & tu patronum amantissimum amisisti, qui ingenium, fidem & uirtutem tuam spectatam sibi & cognitam maxime probabat, & ego eo sum amico orbatus, quem omni mecum amoris & necessitudinis uinculo coniunctissimum, eximiisq; ac præstantissimis uirtutibus præditum, utrum uehementius admirarer an diligerem non facile dixerim, quam quidem ego iacturam eograuiorem duxi, quo multis mihi antea ereptis hominibus amicissimis iisdemq; Clarissimis, pauciores mihi, qui me uere & ex animo diligant, sociiq; mecum eiusdem sint in Rep. sensus, ac uoluntatis sunt relictî, sed nostrum quidem dolorem illius sic enim uere dicendum est, mortis debet oportunitas, idq; quod à deo iis qui cum fide & pietate uixerint, constitutum & propositum est præmium consolari. Quod uero ad incommodum tuum mihi Niger attinet, damnumq; quod illius obitu fecisti, doleo te præter superiores, quas commemoras, fortunæ in te iniurias, spe ea proxime orbatum, quæ tibi in illius auctoritate summaq; erga te beneuolentia, reliqua erat, diutius iniquiore fortuna utiquàm excellenti uirtute tua, probitate, industria dignum erat. Atq; utinam quantum tibi in

Con-



Contareni auctoritate spei situm fuit, tantundem in mea erga te beneuolentia posses reponere. Illud quidem persuasum habebas uelim, quibuscumque rebus acciderit, opera, suffragatione, auctoritate, quantacumque in nie est, tibi; opus sit, me tibi nullo loco defuturum. Vale.

Hier. Niger Iacobo Car. Sadoletto.

**S**ANè moleste tui præreptam mihi fuisse facultatem te uidē di, priusquam Italia excederes, existimabam enim Pontificem Max. quas ob causas te ex tam longinquis regionibus, tanto tuo cum rei familiaris tum ualitudinis detrimēto euocarat ad sese, ob easdem te retenturum, præsertim in tantis Reip. fluctibus, quos etsi compescere sola Dei clementia potest, proborū tamen & sapientum uirorum communicata consilia, non usque quaque arbitror esse negligenda. Sed quando magis e republica tibi uisum fuit recedere, (non enim puto te priuati tui commodi ullam in ea re habuisse rationem) propositum tuum im probare non audeo. Quin omnia te & recte cogitasse & sapienter fecisse iudico. Tantum oro, ut pro tua modestia æquo animo feras, quid de professione ista tua alii sentiant, à me paucis explicari. Non ignoras usu uenire tibi, quod & cæteris ferè hominibus euenire solet, ut ex omni mortaliū genere alii tibi amici sint, alii inuidi, nonnulli medio modo, se habentes, ut nec ament, nec inuideant, amicorum sanè uaria fuerunt de tuo recessu iudicia, sed horum plerique (quod partim ex eorum sermonibus, qui ad nos uenerunt, partim ex amicorum literis cognoui) libenter te Romæ apud Pont. Max. uidere uoluissent, excusationem inopiæ & angustiar rei familiaris non recipiunt, quum & alii sint eiusdem ordinis antistites, eodem in conuio laborantes, qui tamen à latere Pontificis Max. non discedunt, & qualemcumque possunt operam reip. præstāt addunt etiā te tuis uirtutibus comitatum multo honestius, quam alios complures longa serie ante ambulonum & post ambulonum, stipatos conspici potuisse, nec esse tempora eiusmodi, quæ pompam requirant, neque te ita institutum uel disciplina uel moribus, ut hæc umbras conflecteris, quum solida nitaris gloria. Inuido-

rum autem uoces quæ nam esse possunt nisi mordacitatis & calumniarum plenæ, gaudent enim ii se occasione detrectandi ex amicorum tuorum iudiciis inuenisse, simul addunt te parû illustri gratia excepsisse dignitatem, qua auctus es, quum ipsam præ tuo commodo & quiete contempnas, Cæteri uero, qui nec amant nec oderunt in plurimorum sententia, sunt, & facile assentiuntur iis, quæ uiri boni, & amantis tui sentiunt, & loquuntur. Illud potissimum in ore habent, te in summorum antistitum collegium cooptatum fuisse, non ut procul ab urbe, & à Pont. Max. qui te cooptauit, tãdiu abesses, sed ut eius lateri asfideres, a quo liberaliter es ornatus. Scripsi hæc ad te incitatus amore, & uetere mea in te obseruantia, non quo hæc aut ignota tibi, aut improuisa putarem, sic enim mihi persuadeo te ante quam pedem ex Italia mouisses, omnia quæ de te futura essent amicorum & alienorum iudicia prospexisse. Atq; ego in hunc fermè modum eis omnibus quibuscum de hac re mihi sermo habetur dicere soleo. Esse te ea ætate eo rerum usu, ea sapientia præditum, ut quid tibi & Reip. expediat, optimè intelligas, ea uero probitate, ac pietate, ut Remp. & Christiani nominis dignitatem omnibus semper tuis commodis & honoribus anteponendam censeas, quod ad me attinet solabor ipse me aliqua specula te aliquândo uidendi opportuniore tempore, quod quando futurum sit nescio, utinam id sit salua Rep. quam tenuissimo filo pendere uides. Interca pergratum mihi feceris, si tuas interdum ad nos dederis literas librarii saltem manu scriptas aut Pauli nepotis quem ualere cupio cum familia omni tua. Vale.

Hier. Niger V Volfango Furt. mairo. S.

**P**ergrata mihi fuit salutatio, quam mihi nuper tuis uerbis reddidit Mattheus Hieroneus familiaris tuus fuit enim index egregiæ tuæ in me uoluntatis memoriamq; renouauit cõsuetudinis nostræ qua iucunde admodum fruebamur in Ratisonensi conuentu, dum per occupationes illas nostras liceret, quæ & si parum utilitatis attulerunt Christianæ Reip. fortasse etiam publicis & priuatis rebus nostris plus detrimenti &

calamitatis quam studia illa nostra præmereri uidebantur, quæ cunq; tamen nobis euenerunt, & in posterum euenient accipienda sunt hilar animo, tanquam, dona de manu domini, illudq; existimandum non antea pacem ecclesiæ reddi posse, quàm iusserit ille idem ecclesiæ fundator & rector, quanquam in ea re studia nostra deesse non debent, tametsi tota nocte laborantes nihil cepimus, tunc implebitur rete magnis piscibus quū iussu Dei mittetur in dextrum nauigii latus. Nec mirum est si nihil ad huc cepimus quando per noctem hoc est in ignorantia tenebris laboramus. Ego mi Philippe post obitum Gasparis Contareni Car. uiri undiq; laudatissimi, cuius locum in Episcopatu Belunen. tenebā, recepi me in patriā, paulisper a negotiis quieturus. Modo illic modo hic Parauii, cum amicis ac literatis uiris quoad per temporum perturbatissimorum conditionem licet, iucunde uiuo, cupioq; Germanis tuis, ac omnibus Christum pie colentibus omnia prospere ac feliciter euenire quam scilicet felicitatem, non in opibus, aut potentia, sed in cultu ueræ pietatis, atq; in ardore mutua inter nos dilectionis positam duco. Multo enim uberiores fructus mihi uisa est ecclesia peperisse paupertatis & afflictionis tempore, quam opum & potentia sed eiusmodi esse debet afflictio, quam quis pro Christi gloria perpenatur, non quam sibi quis pariat sua ipsius malitia. Verum hæc tu melius, super est ut intelligas, fixumq; illud in animo habeas me tui esse amantissimum futurumq; semper memorem tuæ erga me beneuolentiæ, noui ingenium tuum, noui doctrinam, & modestiam tuam singularem testis sum non alienæ à communi concordia uoluntatis tuæ quam utinam & cæteri aliquando agnoscant. Vale & Sabino genero tuo multam meis uerbis, te obsecro, dic salutem.

Hier. Niger pro Gaspare Car. Contareno ad Marinum Cardinalem Carraciolum.

**E**T si ea est conditio temporum, atq; is Christianæ Reip. status, ut is honos, quo nuper nos Pont. Maximus uuo prope modum partu honestauit, multo plus oneris ac laboris, quam dignitatis nobis intulisse uideatur, tamen ne tam insigne in

nos studium optimi principis, & tam inauditam multis iam oculis augendi senatus rationem debita laude fraudemus, est quod uicissim gratulemur, agamusq; immortalī Deo immortales gratias, quod in tanta rerum perturbatione, tantisq; periculis signum aliquod spei & salutis extulerit, nihil enim iam non optimum, atq; omnibus numeris absolutissimum de eo Pont. polliceri nobis possumus ac debemus, qui suam omnem curam & cogitationem ad leuandam tot miseriis Christianam Remp. contuleret, quod si lætandum mihi est publicis commodis, cur non & ornamentis amicorum meorum uehementer gaudeam? quo quidem in albo te uel præcipuo loco statuo, qui cum mihi iam pridem summa intercescit familiaritas, uariis in locis atq; temporibus confirmata & aucta præsertim, dum apud Cæsarem tu Romani Pontificis, ego Senatus Veneti legatum ageremus, quo sanè tempore memini summam inter nos uoluntatum ac studiorum fuisse coniunctionem, quam spero pro nostra constantia nos in posterum non modo diligentissime seruatu-  
 ros, uerum etiam mirifice aucturos fas est enim, ut quos, idem ordo coniungit, idem quoq; in Rep. sensus, eadem animorum conspiratio coniungat, puto te memoria tenere periculosissimam illam tempestatem, qua in legatione illa nostra iactati fuimus, dum una in Britanniam traiceremus, quo tempore ab immortalī Deo uotis omnibus expetiui-  
 mus, ut si cui forte usui futuri eramus Reip. saluos nos esse iuberet, sin minus perire nos sineret. Ecce salui facti sumus. Nunc alia in naui, tempestas altera subeunda nobis est, priore illa quidem periculo fior, à qua certe, liberari non possumus absq; illius ope, qui imperat uentis & mari, hunc orare imprimis debemus, ut mentes, nostras dirigat ad ea gerenda, quæ nobis & Christianis populis salutaria sint, qua in re, te mihi præcipuum monitorem adiutoremq; constitui, tua enim in rebus magnis gerendis exercitatio, ac beneuolentia in me tua, mihi omnia summa de te officia; pollicentur, quæ ut de me ipso uicissim tibi pollicea re, cumulatisimeq;, quantum in me fuerit, assequaris, ad me potissimum pertinere intelligo. Vale. Venetiis quinto Kl. aug. M D XXXV.

**Q**uæfisti nuper ex me, cur sic, quod quum tempus finitum sit, ut sacræ testantur literæ, intelligere ægre possumus tempus cœpisse, aut esse desinere, nam semper initio temporis prius quoddam tempus, & sine temporis posterius quoddā tēpus nobis se se offert, huic ego dubitationi sic respōdendū cenfeo, imaginationē nos fallere, quemadmodum etiam fallebat Philosophos Platone & Aristotele antiquiores qui intelligere non poterant spacium ad locum pertinens finitum esse, aut quantitatem corpoream finitam, nam semper ultimo eius fini alia quædam exterior quantitas, qua prior illa finitur, sese offerebat. Quod si expuleris ab animo quod affert imaginatio, & rem sicuti est, intellectu perspexeris facile utrumque intelliges, etenim quantitas hæc corporea finita constare certe non posset, nisi ab alia quadam quantitate infinita contineretur, sed quantitas hæc posterior non est quantitas corporum, sed incorporea quantitas, uis scilicet, & perfectio mentium incorporearum, ac demum primi principii, quam imaginatio nostra effingit esse sui & cognati generis corpoream & diuiduam. Eodem in errore impliciti erant antiquiores philosophi, ut ex Aristotele in libro de motu animalium colligi potest, nam quum omne quod mouetur, quopiam quiescente indigeat, quo nitatur, ac uiderent cælum ex se moueri, quæsi re quidnam esset quiescens illud, quo cælum ipsum niteretur. Nonnulli eorum posuere Athlantem quendam (quod in poetarum est fabulis) cælum humeris fulcientem, alii uero Axem mundi credidere, id esse quiescens quo cælum nitatur, Verum (ut in eo libello tradit Aristoteles) cælum ex se motum principio immobili nititur, non eo quidem modo quo terra immobilis est, sed quemadmodum uox inuisibilis dicitur, quoniam nō eius generis ac naturæ est, ut uideri queat, sic primum principium, quo cælum nititur immobile est, quia abstractum est a corpore, neque eius generis ut moueri queat, quæ imaginatio, ut imperfecta quædam & fallax animæ uis contestum menti offert immobile quoddam sui generis Athlantem scilicet seu axem. Non dissimili ratione corporum quantitas finita est, mul-

tisq; rationibus ab Aristotele corporum infinitudo sublata est, continetur tamen ab alia quantitate non corporei generis, seu naturæ sed incorporeæ perfectionis & uirtutis, quam imaginatio corpoream effingit, hancq; secuti philosophi Aristotele ætatiq; uetiores decepti sunt. Idem de tempore dicendum est. Tempus utiq; finitum est, ut sacræ literæ testantur, ac fortasse ratione comprobari posset, Non tamen finitum hoc tempus constaret, duci ne posset, nisi infinita quadā duratione niteretur, quæ tempus non est, neq; temporis natura continetur, sed superior quædam mensura est, ac alterius, cuiusdam generis, a qua natura hæc temporis est deducta. sicuti ab Archetypo imago ducitur. Hæc uero superior mensura æternitas est, siue æuum, quod infinitum est, nec fluit ut tempus, sed stabile permanens, uniuersum tempus, etiam si infinitum esset, complectitur. Non ergo imaginationi demus manus, ut existimemus ante hoc tempus finitum, tempus aliud huiusce generis & naturæ præcessisse aut post hoc tempus, aliud tempus huius naturæ subsequiturum. Sed mente concipiamus superiorem hanc durationem infinitam, non fluentem, sed stabilem, quæ æternitas appellatur uniuersum tempus complectens, ac in immensum sese præter temporis terminos pandens. Hæc habui (mi Niger) quæ ad dubitationem tuam tollendam pertinere arbitratus sum. q̃ si hæc minus tibi satisfacere uidebuntur, facito me certiolem, rescribam enim fortasse copiosius & planius, nec me ullius unquam laboris pigebit, modo ad ueritatem proxime accedere ualeamus. Vale.

Hier. Niger Iacobo Sadoletto Episc. Carpentoracensi. S.

**N**on dubito quin ex amicorum literis, fama; ipsa longe ac late peruagata cognoris memorabile illud ac uere Romanum Pauli Pontificis Max. factum in augendo noua quadam & inusitata ratione Senatu. Quæ profectò res quantum momenti allatura sit ad salutem dignitatẽq; reip. restituendam nemo te acutius uidet: quem sæpenumero audiui commorantem nihil esse tam opportunum seditionibus, quibus penè funditus concidimus, quàm perditissimo cuiq; malis arti-

bus locum in Senatu honestissimum patere. Addebas etiam te demirari eorum consilia, qui noua quotidie decreta pro reformandis hominum moribus proponebant, quum hanc Reip. partem præcipuam maximeq; corruptam negligerent, inuitantes malos medicos, qui neglecta cura interiorum membrorum a quibus fons & origo uitæ ducitur, in extrema corporum superficie curanda laborant. Quis enim non uideat Antistitem ordinem præcordia esse religionis nostræ? quibus perpurgatis ac pristinae salutis redditis, extremæ Christiani corporis partes nullo negotio conualescent. Id ego arbitror Paulum Pont. Max. multo antea meditatam præsentaneum hoc remedium, ueluti sacram Anchoram ad perturbatissima, hæc tempora referuasse. Quibus ille sublata halita omnium rerum tam sacrarum q̃ prophanarum, quæ iamdiu media in urbe steterat, uiris grauissimis, & doctissimis nõ modo id nõ ambientibus sed ne cogitantibus quidem auxit Senatui, tanta cum admiratione omnium gentium uel infensissimarum latino nomini, 'ut ætas nostra rerum admirandarum feracissima, nihil hoc præclarius admirabilius uetulisse uideatur. Nam q̃ proxime animaduersum fuerit batanum hominem ignotum plane & nil tale cogitantem ex ultima hispania ad Pontificatum Max. euocatum fuisse, fuit profecto ea res & noua, quam feda & inexpectata, nam & amissa Rhodo oscitantibus iis, qui rerum potiebantur, Christiana Respublica grauisissimum accepit uulnus, & ea tum facies urbis uisa est, in qua ne uestigium quidem ullum imperii ac libertatis apparebat. Quod autem Paulus Pont. Max. Tales nunc uiros unius commendatione uirtutis sibi probatos delegerit, quos ornaret, & eorum plerosq; nil tale cogitantes ac in remotissimas agentes locis ad altissimum honoris gradum euexerit, fuit nimirum animi magna concipientis indicium, summiq; amoris in Reip. testimonium nulla obliuione delendum. Quare non dubium mihi est te pro tua pietate, atq; in eos, qui tam egregiæ ornati sunt, beneuolentia, tam felici successu reip. uehementer fere gauisurum. Teq; imprimis Gaspari Contareno ex animo gratulaturum, qui etsi tibi usu & consuetudine fortasse est incognitus tamen uirtutum suarum splendore, non modo tibi notissimus esse debet, uerum etiam charissimus. Possum & ego illud

affirmare, quod ex huius uiri frequenti sermone facile perspexi; paucissimos esse homines, quos hic plus amet plurive aestimet, quam te ipsum, quam equidem inter uos beneuolentiam, sic amabo semper & colam, ut nullum offitii genus, quod ad augendam eam pertineat, sim prætermisurus. Ego enim etsi tuo imprimis hortatu atq; exemplo, relicta urbe Roma in patriam me receperam, honesto in otio tandem quieturus, tamen commotus huius præstantissimi uiri uirtutibus, non potui non huic omnem meam operam, studium atq; industriam polliceri, atq; impendere. Modo is ego sum, qui rectissima ipsius studia, atque consilia ulla ex parte iuuare possum. Atq; illud uelim tibi sit exploratissimum, me nullius alterius dignitate, opibus, liberalitate, ab eo uitæ instituto, quod te auctore sequutus fueram, abduci potuisse, præsertim quum ob recentem memoriam Romanæ uastitatis, cui malo meo fato interfueram, ipsam quoque urbis mentionem perhorrescerem. Sed ea est Contemni humanitas, sapientia, is amor erga me, ut non ab otio ad negotium, sed contra ab negotio ad summum otium idq; honestissimum trāsisse uidear. Quod ad Gregorianum negotiū attinet, de quo mihi pauloante scripsisti, curassem mandatum tuum celerius, nisi ab fuisset hinc eo tempore quo Rainerius familiaris tuus ad nos uenit cum tuis literis, quæ mihi Bononiæ redditæ fuerunt, unde reuertens ac Ferraria iter faciens cōueni Gregorium podagra laborantem, quid illi agendum foret explicauit, ut scilicet mutato nomine pecunia sibi à Paulo nepote tuo donata uti posset. Distulit ille diutius ad me Syngrapham mittere, ualitudine (ut reor) impeditus, quam tandem nunc misit, itaq; rem conficiam tam tua quam illius causa libentissime uirtutem enim hominis adamaui semper, & ea est fortuna, quæ uel in hoste esset miserabilis. Vale.

Hier. Niger Alexandro Falconio. S. D.

**Q**Uod iamdiu nihil ad te literarum dederim, nil aliud in causa fuit quam quod nulla mihi sese obtulerit scribendi materia, nam quemadmodum non scribere, quum necessitas postulat, hominis est ignaui ac negligentis, ita



ita scribere quum non oportet, hominis est abutentis otio, & parum sapientis. Caue autem existimes me uel immemorem tui, uel superbum factum esse, nihil enim a me magis alienum, quã semel susceptam amicitiam deferere, neq; tu is es, quem contemnere quispiam iure possit. Respondissem uero celerius tuis literis quibus me ad scribendum prouocas, nisi in re Iacobi Moreli nostri ualde occupatus fuisset, qui nuper ab uniuerso Gymnasio miro fauore auctus est sacerdotiolo, multis competitoribus præteritis. Quamobrem est quod huic homini tui amantissimo familiari meo gratuleris, non tam ob rem ipsam, quæ modica est, quam ob gratiam, qua pollere apud probos & egregios uiros uisus fuit, quod autem ad nostram pertinet necessitudinem, ea profecto tam altis est innixa radicibus, ut nulla ui, nullo temporis, loci ue interuallo conuelli, labefactari ue possit. Atq; id ego te latere minime puto, sed facile intelligo quæ rimoniam istam tuam non reuocandæ in dubium, sed confirmandæ atq; augendæ necessitudinis nostræ causa, abs te fuisse propositam. Vale.

Hier. Niger Ia. Sadoletto Episcopo Carpentorasten .S.

**N**Oli existimes mihi parum gratum fuisse beneficium tuum quod tandiu siluerim, fuit enim eiusmodi, ut si magna mea in te merita extarent, abunde mihi satisfactum putarem. Quum uero nihil in necessitudinem nostram intulerim præter studium & beneuolentiam facile intelligo parem me officiis tuis animum afferre non posse, adnitar tamen ea conseruando, eisq; bene utendo, efficere ne te umquam tuorum in me meritum pœniteat. Quod si qua uis, aut casus, aliquis beneficium huiusmodi interuertet, memoriam tamen illius non patiar interire. Nolo tibi in agendis gratiis pluribus obstrepere, noui enim quàm hæc non libenter legas. Mandatum tuum de præceptore, curabo (quod potero, diligenter) Lazarumq; & Lampridium appellabo huiuscæ curæ, cogitationisq; participes, quis enim tuo isti honestissimo studio non libenter adsit, quum uideat nullum te locum prætermittere istius populi fidei tux crediti iuuandi, atq; ornandi, sed doctorum quos requiris maior

hic est penuria, quam fortasse opinaris, duo enim sunt hic hominum genera in studiis optimarum literarum uersantium, alterum eorum qui eiusmodi literas profitentur, idoneique sunt ad docendum, inque existimationem doctrinae diuturnis, laboribus consequuti, cum iam obtinent locum, ut non nisi magnis propositis premiis alio proficisci uelint, alterum genus est eorum, qui ut ab iis doctoribus erudiantur in hasce oras uenerunt, horum autem plerique non dum ita processerunt in literis, ut ad instituendos alios satis apti esse uideatur, quod si qui horum iam ad frugem aliquam peruenerunt, qui sane paucissimi sunt, iis relinquere Italiam reformidant, dabamus tamen operam, ut uirum inueniamus, qui istius iuuentutis commodis tuarumque in ista paternae charitati, aliqua ex parte possit satisfacere, atque imprimis probatos homines mores deligenus, quem admodum tu sapienter admones, non solum tuis ad me literis, uerum & aureo illo tuo de liberis recte instituendis libello, quo nihil unquam lege suauius & dulcius, quanquam praeceptorem, quem eo in dialogo formas non audeo tibi polliceri, nec inueniri posse facile existimo, praeter unum ipsum operis auctorem, si praeceptoris partes suscipere ac sustinere uellet. Si quid in ea re efficere potero, certiore te quam primum faciam. Vale Patauii idibus septemb.

Hier. Niger Philippo Venerio Sebastiani F.S.D.

**S**ANÈ moleste tuli te eo potissimum tempore, quo ab urbe aberam, frustra me domi quassuuisse, carui enim ea uoluptas, quam mihi tui cognitio, & mutuus inter nos sermo attulisset sed hanc iacturam, quam fecisse me sentio, facile iam sarcire possumus primo congressu, itaque nullam ego moram interponendam censui, quin statim te de meo reditu certiore facerem, idque per Epistolam, ut tu quoque hinc scribendi argumentum & materiam sumere possis. Non enim te latet, quantum in omni re praesertim in scribendo ualeat exercitatio. Neque ab re summi oratorem stillum esse optimum dicendi artificem sunt opinati. Quare si rectum iter ad uirtutem & gloriam insistere uis, si heres fieri cupis paternae eloquentiae, opus est scribendo & dicere

do assidue te exerceas, atque imprimis cum probis & doctis uiris libenter uerferis, cum iis rationem studiorum tuorum & lucubrationes tuas communices, errata si in quæ forsan scribendo, dicendoue incideris, corrigi ab iis non modo æquo animo patiari, sed etiam gaudeas. Neque hæc à me eò scribuntur, quod aut te naturam indocilem, aut me idoneum ad hæc præstanda existimem. Satis enim te paratum atque incitatum noui ad uirtutem capescendam, cum tua ipsius uoluntate, tum patris quotidiano propè hortatu & monitis, qui quanquam princeps est eloquentiæ & in foro ac iudiciis regnet, tamen superari abs te, sibi honestum & gloriosum esse duceret. Neque ego quicquam de me ipso polliceri audeo præter egregiam meam erga te uoluntatem quæ profectò eiusmodi est, ut de ea dubitare nunquam possis. Multis enim de causis parenti tuo uiro Clarissimo multa debeo, quas in præsentia commemorare, non est mei propositi, neque instituti. Te uero tua etiam causa semper diligam, præsertim, si (quod spero) æmulum te paternæ laudis atque uirtutis agnoscam. Vale.

Hier. Niger Ioannibaptistæ Egnatio.S.

**Q**Uum exploratum mihi esset, quântum in huiusmodi præstandis officiis diligens, accuratusque sis, non dubitavi Iacobum Morellum Patauinum familiarem meum tibi commendare. Is quum ab impuro homine litigatore omnium improbisimo in sacerdotio quopiani uexaretur, ut litium molestias declinaret, causam omnem ad arbitriû Cosmi fabe ex composito reiecit, facta ei potestate ex æquo & bono controuersiam dirimendi. Quanquam autem perspecta mihi est iam pridem fabæ probitas, iuris peritia & prudentia, tamen si istius animus quem à Iacobi rationibus alienum esse non puto, tua ipsius opera auctoritateque confirmaretur, facilius rem ex sententia confici posse existimauit itaque hominem uetere familiaritate mihi coniunctum, ac domi meæ penè natum, tibi ita commendando, ut maiore studio quenquã commendare non possem. Nam si Iacobus alterum à possessione deiicere conaretur, in eo quidem commendando essem parcior, sed quum is in

h 2

possessione retinenda, optimo iure, maximis laboribus & impensis acquisita laboret, uidetur perfectio dignus, cui boni omnes opem, atq; auxilium ferant noui utriusq; ingenium, mores dissimillimos, uelim hoc mihi credas ut testi, illudq; tibi argumento sit maximo, Gasparem Contarenus summi ordinis antistitem, quem nosse sinissem hominem lentissimum, non potuisse diu istius improbitatem damnare, arrogantiāq; perferre demum coactumq; fuisse (quod nullum umquam fecit alteri) insolentissimum hominem ex suo ipsius contubernio expellere scis Tullianam illam imprecationem Dalmatiz Dii malefaciant, sing. n. habiti sunt, sed nostra ætate pleriq; eorum in seruitutem redacti uirtutem & scientiam rei bellicæ, amiserunt, pertinaciam perfidiamq; retinuerūt. Tu uero uale, tibiq; persuade me tuæ in hac re diligentiz, amorisq; in me tui perennem memoriam, diligentissime conseruaturum.

Hier. Niger, Marcello Ceruino Cardinali Sanctæ  
Crucis. S. D.

**S**cripsit ad me nuper Mitropolites Corecyreus multa sese de mea uoluntate studioq; in Remp. tecum fuisse collocutum, ut si quando mea opera atq; industria non inutilis Reip. fore uideretur, intelligeres nullo me loco defuturum. Ex quo quidem sermone inter uos habito adscribit non dubia sese tui erga me amoris indicia perspexisse, quod sane multo mihi fuit gratius, atq; iucundius, q̃ res ipsa, de qua sermo est habitus. Etenim a uiro summa dignitate, summaq; uirtute prædito haberi me eiusmodi, qui præstare quicquam possim, quod expediat Reip. ualde mihi honestum & gloriosum censeo. Itaque nullam ego moram interponendam putauī quin confestim immortaleis tibi agerem gratias, afferremq; breuem rerum mearum explicationem, ut tibi omnis uitæ meæ ratio, atq; institutio foret exploratio. Agitur annus iam trigessimus, ex quo primum ex his Academiæ umbraculis in campum istum & puluerem prodii, quo in spacio atq; curriculo (quæ Dei opt. max. benignitas fuit) ita sum uersatus, ut mea industria nemini unquam ingrata, multis etiam fuerit salutaris, mihi uero plus la-

boris attulerit, quam commodi & ornamenti. Quod ego non casui aut fortunæ (absint enim ab ore Christiani hominis, hæc uerba) sed diuinæ adscripserim uoluntati. Quo factum est, ut æquissimo animo susceperim, quamcunq; mihi conditionem uitæ rerum ipse moderator & arbiter præscripsisset. Neque tam ad eos, qui me honore & opibus antecellerent, oculos animūq; conuerterim, quam ad eos qui deteriore conditione essent, atque ego sim. Interdum etiam calamitatem eorum, qui ex præalto rerū fastigio in maximas corruissent misérias, contemplantus, per beatum me existimauerim, q̃ in eo essem loco atq; ordine, in quo mihi rerum uicissitudo ac perturbatio magnopere formidanda non esset. Quamobrem Gaspere Contareno Cardinale summo uiro uita sancto, cuius in omni rerum publicarum administratione adiutor & minister fui, in meum me nidulum recepi, non illum quidem itacensem saxi affixum asperis, uerum in ora Italiæ positum amœnissima & pacatissima, in qua ita perfruor honesto otio, ut si qua uis, & necessitas, hinc me exturbet, aut utilitas Reip. suadeat aliò commigrare, paratus sim quod mihi reliquum uitæ est, in perpetuis laboribus libenter consumere, totumq; me illius permittere uoluntati, à quo & nostra ipsa uoluntas habet, quod uelit, & intelligēdi uis q̃ intelligat. Habes iam & ante actæ uitæ meæ & propositæ rationem paucis explicatam, tuum est statuere de me id quod è Rep. fore censeas, & (quod fecisti semper) amicorum memoriam, qua nihil est in omni uita charius & suauius, diligentissime conseruare. Vale.

Hier. Niger Andreæ Cornelio Card. S.

**S**Era gratulatio non minus grata tibi esse debet quam matura seges esse soleat, præsertim quum ob ueterem, quæ inter nos est necessitudinem, meamq; in te obseruantiam singularem satis exploratum habeas me honore isto, quo nuper auctus es, megnopere fuisse lætatum. Deum quæso immortalem nobis istud fortunet gaudium, cuius quidem uoti compotes erimus, si pro tua prudentia existimaueris. Ornamenta ista nihil aliud esse quam spaciū & curriculum exercendæ uirtutis,

## E P I S T.

a qua si (quod spero) nunquam deflexeris , maiorum tuorum gloriam facile superabis. Vale.

Hier. Niger Iacobo Sadoletto Car. S. P. D.

**E**X literis Antonii Florebelli , quas proxime accepi, facile perpexi quam prudenter, amanterq; me moneas , ut post habitis commodorum meorum rationibus primo quoq; tempore exeam in provinciam , facturus pergratum non tam Farnesio Cardinali summo uiro, quam Deo Opt. Max. cui nos imprimis nauare operam decet. Equidem si ad eiusmodi uirum scriberem, cui non omnis antea actus uita meae ratio atq; institutio satis cognita, perspectaq; foret , conarer ei planum facere nunquam me officium ac pietatem priuatis meis commodis posthabuisse , atq; utinam non ingrati erga me extitissent ii, apud quos meam ipse operam, atq; industriam posuisssem, sed quid ego hac ad te , cui totum praeteritae uitae meae spacium atq; curriculum aequae, ac mihi est exploratissimum, quiq; fortunam, qua usus sum durissimam & iniquissimam non modo aegre tulisti semper, uerum etiam consilio authoritate & opera quantumq; in te fuit lenire studuisti. Quo quidem studio te nunc incitatum atq; incensum puto id mihi oneris imponendum curauisse, sic enim malo dicere quam muneris. Nam quis non grauisimum appellet onus homini iam exacta ferme aetate laboribus fesso, in pacatissima Italiae ora quiescenti, in externam & longinquam regionem commigrare, in qua non dubitet multa sibi pericula & incommoda fore subeunda . Sed ut spero uincet iter durum pietas, nam (ut Apostoli uerbis utar ) noui satiari & esurire, abundare & penuriam pati , omnia possum illius ope, qui omnia potest, pro cuius dignitate & gloria si moriendum mihi sit, non uitam cum morte, sed potius mortem cum uita commutauero. Quamobrem quum primū a Farnesio literas accepero, proficiscar ad uos cetera omnia , quae ad priuatas rationes meas attinent, uoluntati arbitrioq; tuo permittam. Vale.

**L**ibrum tuum de auctoritate Ecclesie nuper mihi à Paulo Sacrato traditum perlibenter legi; quo quidem libro causam religionis, ita pie diligenterq; defendis, ut nihil amplius desiderari posse uideatur. Atq; ut cætera prætermittam, quæ me in ea lectione magnopere delectarunt, miris modis placuit mihi tua in increpandis hereticorum moribus modestia. Quorum ego impurissimam uitam, dum in Germania essem, cõspiciens, demirabar eorum insaniam, qui doctrinam hominum tam flagitiosorum sequuti fuissent. Tu uero parce admodum ac leuiter hunc locum attigisti, ne incideres in eam procacitatẽ & maledicentiam, quam aduersariis non iniuria obiicis. In quoniam es mihi egregius imitator Iacobi Sadoleti uiri sapientissimi ac modestissimi, qui scibendo dicendoq; aut neminem carpit umquam, aut si quis ei reprehendendus occurrit, ita redarguit, ut offitii & charitatis eius, plena uideatur esse reprehensio. Neq; uero dubium mihi est, quin hoc libello partem hoc tempore maxime necessariam tractaueris, cum aduersus impietatem & petulantiam eorum, qui ecclesiam tandiu uexant, nihil habeamus, quod auctoritate ipsius ecclesie firmitus, & ualidius possimus, opponere. Atq; utinam multi ex nostris contenti hoc ueluti, primo principio singula religionis mysteria in disceptionem & controuersiam non reuocassent. Dum enim ea quæ iã pridẽ sancita & cõstituta sunt plurimis uerbis cõprobare studet, auctoritati Ecclesie plurimũ detraxerunt. Sed hæc tu melius. Pergratum mihi fuit ex sacrato cognosse uos istuc ualere. Verebar enim ne quirinalis iste uidetur offensionem aliquam uobis intulisset, sanè cœlum istud ab hominum frequentia semotum ætate præsertim non satis probo, sed iamiam (ut audio) in Vaticanum commigrabit. Utinam possem & ego apud uos uiuere tribus mensibus, eam enim ueram & in terris per beatam uitam ducerem, sed nescio quo pacto me nihil studio sius q̃ otium appetentem in dies magis magisq; domestica implicant negotia, quibus si aliquando tandem explicabor, constitutum habeo ad uos proficisci, quod quando futurum sit, adhuc mihi est incomptum, faciam tamen antea uos certiores.

## E P I S T.

De sacraſti ſtudiis nihil aliud ad te ſcribo , quam quod ſæpe ſcripti, hoc eſt ſumma ope hunc niti, ut auunculi cognatione & gratia dignus habeatur . Vale & Cardinali noſtro ampliffimo multam, te obſecro, meis uerbis dic ſalutem.

Antonius Florebellus Hier. Nigro. S.

**P**Robari tibi editum a me de auctoritate eccleſiæ librum libenter cognoui ex tuis literis, & ſi enim laudas eum multo uberius, quàm laudandus meo quidem iudicio eſſe uideatur , tamen iucunda mihi & ſuauiſ approbatio hæc accidit tua, quæ quæ ſtudii & amoris erga me tui iudicium ac testimonium eſt, atque ego quidem uehementer cuperem uera eſſe quæ ſcribis, eaquæ; qua oportuit grauitate & rerum copia id a me argumentum tractatum atque explicatum fuiſſe , idquæ; non laudis meæ cupiditate, ſed publicæ utilitatis. Certe enim ut tu ueriſſime iudicas ad refutandam eorum, qui his temporibus prolata ſunt dogmatum impietatem nihil auctoritate eccleſiæ grauius firmiuſquæ; afferri poteſt, ſed ego in eo opere haud præſtare plus potui, quàm quantulum mihi a Deo facultatis impartitū ac tributum eſt, exiſtent fortasſe ( id quod uehementer opto ) alii, qui tanta de re grauius ſcribent & ornatius. Quod uero de prauis aduerſariorum moribus , & flagitioſo uitæ genere non plus attigi, quàm quantum cauſa poſcebat , in quo modeſtiam meam tibi probatam eſſe ſcribis, planè ita faciendum fuit, ut & locum attingerem maxime neceſſarium, & id ſine ulla petulantia facerem, præſertim cum is admodum lubricus ſit locus , ac ſi uehementius egiſſem, maiorem illis licentiam uiciſſim accuſandi mores & praua inſtituta noſtrorum fuerim lagiturus , qui nunc ſi in reſpondendo, ea qua ſolent male dicendi libidine efferrentur, eorum futura eſt inſignior petulantia & procacitas. Sed de libro hætenus. Quæ de Sadoleti Patroni mei ualitudine ex meis ad ſacratum literis cognouiſſe te ſcribis, ea tibi iucunda fuiſſe minime miror. Neque enim quanti tu illum iam pridem facias , ignoro mutuūquæ; amoris eius erga te teſtis ipſe ſum optimus, Qui quum à me ſalutatus eſſet uerbis tuis , & tua ſui memori a uehementer delectatus eſt, & multa mecum de te  
ami-



amicis sine est locutus. Atq; ut illius tui augendi, ornandiq; studium agnoscere possis paucis ante diebus de te cum amplissimo & Clariss. Viro Alexandro Farnesio accurate locutus est, egitq; ut quoniam is de mittendo Auenionem homine idoneo cogitat, qui illa in ecclesia ipsius sit Vicarius, te ad id honestissimum munus; si uideretur, deligeret, quo quidem in sermone tibi eiusmodi dedit testimonium, quod perpetuum ipsius de tua uirtute, probitate, doctrina iudicium postulabat, hoc ut ad te scriberem, mandatum mihi ab eo est, quo uoluntatis tuæ certior abs te fiat, nam si ab ea curatione, suscipienda te minime ab horretere cognouerit, de ea tibi mandanda accuratius etiam acturum esse se ostendit, omnino ut facilius de liberare de hac re possis, munus id multo honestius est, quam quaestuosius, sed uitæ quæ illis in locis degitur quies, regionis amœnitas, eorum quæ ad uictum pertinent copia, imprimisq; hominum hospitalitas, quæ laus eius gentis, ut mihi quidem uidetur, propria est, quouis quæstu homini præsertim à lucri cupiditate & ambitione remoto potiora, optabilioraq; esse debent, sed quid consilii tibi capiendum putes, pro tua prudentia ipse statues. De studiis sacri nostri, eiusq; ad uirtutem, doctrinamq; progressu, quæ scribis, ea nobis iucundissima fuerunt. Sadoletus tibi, reliquisq; qui istic sunt amicis suis. Mattheo Dandulo, Lazaro, Rulloq; optimis doctissimisq; hominibus salutem plurimam ascribit. Vale.

Hier. Niger Ioanni Perficino. S.

**M**Vnuscumque tuum fuisse mihi iucundius si nuncius eo mecum uelci uoluisset, neq; enim est Papinianus conuicia, qui una cœnula penum omnem exhausisset, nemo unquam mihi grauis est hospes, adeo sum uenientibus (ut scis) familiaris, nos hic tecti pellibus, & armati ocreis laneis pugnamus cum frigore penè germanico, qui putas agi nunc cum tuis Bellunen sibus. Nuper Vicarius prætorius ad me uenit, mihiq; omnia illic pacata, & læta nunciauit, credo eo prætor dedit arma ferre, ut iam bellunenses dici non debeant. Post discessum hinc tuum ludus literarius ædituorum nostrorum maxime fri

get, hodie in sacris annuis episcopelli (nostri hunc morem) orationem habuit nescio quis tam ineptam ut nihil unquam fuerit auditam ineptius, & tamen non desunt qui hæc probent ac probari a cæteris uelint, euticen, sacrificulum atestinum, Baptistam Pharmacopolam, atq; imprimis medicum istum perpolitum hominem saluere iubeo, tu ualitudinem cura tum familia uniuersa, ne secerdotis, Pharmacopolæ, aut medici opera indigeas. Vale.

Hier. Niger Antonio Florebello. S.D.

**P**Ergratum mihi fuit ex Sacrați nostri sermonibus cognoscere incolumem te in patriam reuertisse, sed mentio inter nos habita de te, deq; Sadoletto ipsius auunculo qui proxime est mortuus auxit dolorem nostrum, cõmunisq; calamitatis memoriam renouauit. Nam si alienis hominibus, atq; inuidis, talis uiri interitus non potuit non esse luctuosus atq; acerbus, præsertim hoc tempore, quo illius sapientia & probitas afflictis rebus opem aliquam asferre potuisset, quanto luctuosior, acerbiorq; esse debuit nobis amicissimis, quibus multæ eximixq; illius uiri uirtutes diuturna familiaritate, & quotidiano usu exploratior es erant quam cæteris. Amisimus breui tempore quattuor insignes uiros, eiusdem ordinis, eiusdem in rep. sensus & uoluntatis, eosq; inter se summa necessitudine coniunctissimos, Fregosiũ, Contarenum, Bembum, Sadoletum, quattuor Clarissima ætatis nostræ lumina, ueluti columnas quattuor Christianæ pietatis et (quod ad priuatam meam calamitatem pertinet) omnes beueuolo erga me animo atq; egregia uoluntate, quam ego cladem Reip. quoties considero (id autem fit ferè quotidie) toties irā in nos Dei Opt. Max. perhorresco, cuius gladiũ iā distriktũ atq; euaginatũ educit in perniciẽ sæculi nostri talibus nudari præfidiis facile animaduerto. Nam (quod ad illos attinent) gratulandum potius est illis, quos mortis (ut ita dixerim) opportunitas, tot iam imminetibus malis, ruinisq; subtraxerit, nobis uero deploranda est calamitas nostra quod tũ præcipue subsederint fundamenta militantis ecclesiæ, quum ea maxime tot arietibus, tot machinis quatiantur, ut nihil aliud iam quam totius structuræ uastitas & ruina

super sit. Quo fit, ut æquiore animo ferendat sit non solum amicorum mors, uerum, etiam nostra, si quando eandem quam illi uiam sunt ingressi & nos percurrerimus, antequam præcipitās nos tempestas absorbeat. Memoria teneo Contarenum nostrum supremo uitæ die quum a familiaribus suaderetur, ut eo animo perferret mortem qui philosophū & Christianum hominem deceret. Exhilarata fronte respondisse, agi secum felicissime, quod tum uita excederet, quum plurima, & maxima undiq; circumstarent pericula, nec longe abesse tempus, quo posteri præclare actum cum mortuis essent arbitraturi. Quamobrem te hortor & amice moneo, ut si quis adhuc animo reſedit tibi dolor ex patront amantissimi interitu, cum penitus abiicias, præstesq; te cum uirum, quem tua singularis eruditio & disciplina à Sapientiss. Viro tradita postulat, incumbas autem toto (ut aiunt) pectore, (ut quæ Sadoletus ad usum posteritatis elegantissime sapientissimeq; conscripsit, ea ne pereant, sed primo quoq; tempore proferatur in lucem, hanc existimo non postremam fore curam Pauli Nepotis, quem si tua diligentia adiuueris, non tam Sadoleti gloriæ quam ille modo, ut opinor) contemnit, quam officio & publice consules utilitati. In quo meum quoq; ipse operam pollicerer, nisi uos abunde satisfacturos putarem. Cetera autem, quæ pertinebunt ad meū erga te beneuolentiā declarandam, ita polliceor, & præstabo, ut maiore studio polliceri & præstare non possem, si Sadoletus uiueret, meumq; ipse officium exposceret, cui omnia debebam. Vale.

Hier. Niger Ioanniantonio Salcio. S. D.

**Q**uas à te proxime accepi literas ex mihi fuere quam gratissimæ, cum quod ex eis prospexerim uigere apud te nostri memoriam absentis, tum facile cognouerim non parum te in dies proficere in studiis bonarum literarum quo quidem nihil aut præclarius aut mihi gratius efficere potes, uicissim autem minime est quod dubites eādem mihi erga te esse ac semper fore uoluntatem. Quod scribis cupere te in hoc florentissimo orbis terre Gymnasio Iuri Pontificia operam da

re, sed angustiam rei familiaris esse tibi impedimento, & desiderium probo tuum, & doleo eam mihi non esse facultatem, qua tua possim incommoda subleuare. Maior enim mihi est agenda familia, quam mearum tenuitas fortunarum ferre possit, quantulacumq; tamen ex sunt amicis communes uolo esse. Nec tibi unquam mea uel autoritas, uel opera est de futura, modo in eodem uirtutis & pietatis uestigio perstes. Interea dabis operam ne iacturam facias temporis, quæ ut est omnium grauissima ita est irreparabilis, eloquentiæ studiis, perpetuo incumbas, ipsumq; dicendi magistrum. M. Tulum nunquam de manibus deponas, nam siue Philosophiam, siue legum disciplinam tibi proposueris perdiscendam, fidelis & per iucundam comes erit eloquentia sine qua insuauis & arida est omnis doctrina, imprimis autem cura, ut quotidiana rerum descriptione exerceas ingenium sic. n. fies ad dicendum paratior & promptior, malos latinitatis auctores tamquam pestem de uita, ea enim lue infecta adolecentum ingenta, uix possunt nuntorem latini sermonis excipere. Sed totam studiorum rationem cum ex ipso Cicerone & Fabio Quintiliano grauissimis auctoribus tum uero ex aureo dialogo Sadoleti de liberis recte instituendis petere potes, quem libellum uelim omnino perlegas, & familiarem habeas. Vale.

Hier. Niger Tyberio Deciano Iureconf. S.D.

**N**on possum non summopere probare inusitatum apud nos Turcharum more iudiciorum anfractus auersandi, controuersiasq; omneis paucissimis uerbis e medio tollendi, quis est enim mortalium tam deprauato ingenio, tam expertus humanitatis cui non stomachum moueant tot libelli, tot exceptiones, tot interdum parua de re ingentia uolumina, ut uerissimum sit maximam de nihilo historiam, immo uero fabulam nasci, quis non demiretur astu tabularum litem ex lite quasi uitem propagari, atq; una uexillum extincta altera ueluti hydræ procreari attollentem iras & cerula colla tumentem, quod monstri genus non Hercules, nec ipse Iuppiter Herculis genitor perdomare posset, prætereo clamores, iurgia, cædes, pa

rimoniorum, ciuitatum & regnorum euerfiones, quæ ex hoc fonte omnium peftilentiffimo quotidie manant, quæ profecto peftis& fi iam totum ferè terrarum orbem miferime depopulatur, in nulla tamen prouincia fæuius graffatur, quam in noſtra. Nam ut de Turcis taceam, quorum mores & inſtituta non aliter quam ex aliorum testimonio mihi præcepta et cognita ſunt, uidi ego Germaniæ populos quos noſtri barbaros appellant, miro ſilentio& perpaucis uerbis de maximis controuerſiis iudicare, eorum curiæ litigantium uociferationes non ſentiunt, neq; Voluſiani annales ad ſcribarum ſaginam diſiunctis literis, & ſpaciis quam latiſſimis conſcribuntur. Vnum admiror in Italia Coſmum Medicen Florentiæ principem, quem (ſi uera eſt fama ſerunt lege cauiffe, ne ultra Semestre ciuiliſ cauſa indefinita pendeat, non eſſet, mea quidem ſententia indecorum aut turpe Regibus & gubernatoribus ciuitatum petere exemplum ab eo, qui licet patria libertatis occupator uulgo cenſeatur, ita tamen iuſtitiam& pietatem colit ut Florentiis ciuib; libertas non erepta, ſed reddita, non ſublata, ſed conſeruata eſſe uideatur. Contra memini me uidiffe locum Peruſiæ inter duos priuatos domuū parietes, ex quo Eneus olim anſer prominebat, de quo cedium illarum domini annos triginta litigauerant, quum eorum quiſq; ſignum illud ad ſe pertinere diceret, conſequutæ inde fuerant multorum hominum cædes, exilia, publicationes bonorum, nec dum finiri liſ poterat, donec Paulus Secundus Pont. Max. ut erat uir pacis & otii ſiſſimus, quum in eam urbem ueniſſet, in fauſtum ex eo loco anſerem deturbari iuſſit, controuerſiamq; diremit. Sic auem ſeruatricem capitolii, & cuſtodem Romanæ libertatis utilitigatorum pertinacia infamem reddidit, quorſum ego hæc ad te uir præſtantiffime, qui hæc omnia non ſolum noſti, ſed etiam ſingulis horis non ſine ſtomaco (ut arbitror) experiris. Quippe ut intelligas me quoq; in eadem eſſe nauis, & iisdem iactari fluctib; Bernardo Naugerio prætoris optimo ac doctiſſimo, teq; ille aſſidente uiro (ut audio) probitate, ingenio, & doctrina ſingulari. Quanquam enim meus ordo, meaq; ab incunte ætate uite ratio & inſtitutio me à litibus & ab omni forenſi ſtrepitu longe alienum atq; abhorrentem reddunt, cogor tamen

hominum malitia id genus molestias perturbationesq; subire, & (quod inuitus facio) eos accusare, qui fortasse capti falsa specie humanitatis & Clementiæ id mihi negotii exhibuerunt eos inquam quos uulgo syndicos appellant, magistratum quidem ad publicam utilitatem a maioribus nostris institutum, sed non nunquam ad perniciem priuatorum conuersum. Fuit enim ille priscis temporibus a Sapientissimis Viris Venetæ Reip. moderatoribus ad sedandas lites non ad exsuscitandas creatus, ad subleuandos tenuiores locupletum potentia oppressos, non ad eos ad rapinam concitandos institutus. Verum idem fermè nobis accidisse uidetur quod Romanis qui tribunatum ad conciliandos plebis animos adinuentum postea pestiferum Reip. persenserunt. Sic triumuiro illi nostri prouocationum iudices, qui singulo quoq; lustro Venetam omnem ditionem peruagantur, dum nullo delectu prouocationes recipiunt ac misericordes uideri uolunt, extinctas & penè consepultas interdum controuersias excitant, hominumq; fortunas litibus inuoluunt sempiternis. Id mihi contigisse animaduertes, acta perlegens, uidebisq; consopitam iam sex annorum curriculo controuersiam fuisse renouatam. Quæ quum uestro demum iudicio sit commissa, non iam oro te ut quicquam contra ius fasq; in meam gratiam facias, nam neq; rogatus id faceres, neq; meus pudor id pateretur, ut peterem, sed tantum moneo, ut aduersariorum calumnias notes, mutuo accepta testimonia hominum proditorum mihiq; inimicissimum ac inter se dissidentium reiicias demum sic tuo fungaris officio, ut omni ex parte iudicii tui speciosissima facies æquitatis appareat. Vale.

Hier. Niger Aloysio Arseo. S.D.

**E**X Agathopisto medico cognosse te arbitror nullo me loco causæ tuæ defuisse, dum de præceptore huiusce iuuentutis deligendo ex testamento Regiensis ageretur. Sed res (ut nideo in calendas) græcas reiecta est, quod hæreditas illa ad eum censum nondum peruenerit, qui sufficiat impensæ, neq; id nisi multorum annorum curriculo confici possit, sanè eorū

lenitatem demiror, qui rem proposuerint immaturam, & tot turbas excitarint intempestiuo admodum tempore. Hunc tamen ipse fructum ex hac re es consequutus, quod beneuolum multorum in te animum egregiamq; uoluntatem sis expertus. In quo amicorum tuorum ac imprimis Egnatii grauisimū de te testimonium plurimum ponderis habiturum fore uidebatur, istius enim uiri iudicium eiusmodi est, ut non illi acquiescere turpe atq; impium esse uideatur. Tu interea fac ualeas, tibiq; persuasum habeas familiaritatem inter nos honestis huiusmodi ortam initiis perpetuam futuram. Meq; hoc nomine Agathopisto & Euphileno debere plurimum, quod conciliandæ inter nos amiciciæ auctores fuerint. Pergratum autē mihi feceris, si Egnatio salutē dixeris meis uerbis, quem ego hominem semper mirifice colui, & suspexi ueluti patriæ atq; ætatis nostræ præcipuum decus. Vale iterum & me ama.

Hier. Niger Antonio Patauino Monacho Montis  
Oliueti S. D.

**T**antum abest, ut cuiquam dolendum sit te in adolescentia tua sanctissimæ religionis iugum subiisse, ut etiam lætandum sit omnibus, qui te diligunt, agendæq; sint immortales gratiæ spiritui sancto, quod tibi in tenebris erranti lumen extulerit, atq; in hoc lubrico humanæ uitæ calle, uix pedem figenti dextram porrexerit adiutricem. Cogita quæso quid reliqueris, quid inueneris, hic laqueos, crumnas, pro cellas reliquisti; istic ueram libertatem, quietem, portum nactus es. Non enim ueram libertatem appello euagandi licentiam, sed honestum otium, & recte uiuendi facultatem, quæ in modèrata solitudine dubio procul paratior est, quam in uulgi frequentia, & strepitu. Legimus in Euangelio Christum Orantem non discipulos omnes, sed per paucos secum assumpsisse, & in montem conscendisse, sæpe etiam declinasse à turba, ut ostenderet proprios nos Deo fieri, quum ab hominum cætu ad solitudinem corpus atq; animum se uocamus. Nec te moueat quod dulcissimos parentes, familiamq; omnem posthabueris, memor euāgelici illius oraculi non esse Christo dignū,

## E P I S T.

qui parentes plus amat, quam Christum; alio quoq; loco scriptum accepimus nolite uobis uocare patrem super terram, unus est enim pater uester, qui in cælis est. Pater noster Deus est, qui nos creauit ex nihilo, creatos conseruat extinctos peccati labe sacro baptismo regenerat, renatos sempiterni regni sui coheredes facit, si cum iis beneficiis, ea conferas, quæ a terrenis parentibus accepisti, ne quidem digna illa sunt, quæ beneficia nuncupentur. Quanquam est, quod illis plurimum debeas, quod in te gignendo ad ministri Dei fuerint, quod te aluerint optimis exemplis atq; institutis, neq; illo dixerim fore abs te derelictos, quibus multo plus in cœnobio, quam domi pdesse possis. Nam & prælianti populo Israelitico, plus Moïsi & Aaronis preces, quam militaria arma profuere. Dices fortasse cur tu quoq; uiam non arripis, quam tantopere extollis? Certe si istuc uocari me a Deo Opt. Max. perentirem, non possem, neq; deberem diuinæ resistere uoluntati, sed me alio uocatum sentio, nullumq; est uitæ genus, in quo non pie, sancteq; uiuere ualeamus. Nonne & militibus armatæ militiæ præcepta salutaria Christus dedit, quæ utiq; non dedisset, nisi & illi Beatæ uitæ compotes extitissent. Illi tamen censendi sunt omnium Beatissimi, quos Deus peculiari quodam munere, ad perfectam uitam euolauit. Sed illud imprimis accurate custodiendum est, ut in ea uocatione, qua uocati fuimus, perpetuo maneamus. Nam & Iudas ad Apostolatam uocatus est uia Christi uoce, quem tamen Iudeis prodidit crucifigendum. Nemo( inquit Christus, manum admouens aratro& aspiciens retro aptus est regno Dei; post aratrum respiciunt, qui ad ea, quæ reliquerunt, animum reflectunt, ante aratrum prospiciunt, qui non confectum iter, sed conficiendum considerant. Grandis adhuc tibi restat uia, priusquam peruenias ad montem Dei oreb, quæ tamen non grauis, neq; molesta tibi futura est, si cum Dauide frequenter dixeris. Vias tuas Deus demonstra mihi, & semitas tuas edoce me. Quamobrem, te hortor ac moneo, ut recti istius propositi sis tenacissimus, tempusq; omne, quod tibi diuinæ laudes reliquum facient, in studiis literarum libenter impendas, quo-quum adoleueris, diuinæ possis incumbere lectioni, quam qui uere adamant, amare uitia non possint. Vale.

Hier.



Hier. Niger Ant. Patauino Monacho Montis oliueti.S.D.

**P**osteaquam renunciatum mihi est cenobitam te esse factū, sanè æque ac debui gauisus sum, cum alias ob causas, tum uero quod existimarem te adolescentem sacundo ingenio præditum, isto in ocio non possurum diem unum sine linea prætere, atq; id facturum te mei etiam exemplo apud quem biennio didicisti quam calamitosum censerem tempus omnium præciosissimum nobis e manibus elabi non sentientibus. Verum quum post discessum hinc tuum, nihil ad me literum deris, etiam altera mea lacescitur epistola quam ad te de religionis constantia præscripseram, ex pi sub uereri, ne aut in tā felici, uitæ statu esses, ut nos pernihil duceres, aut in tam misera conditione fores, ut nullum tibi respirandi spacium daretur. Quod si in alterutro uersandum tibi esset malem equidem te (quod opinior) in statu esse felicissimo, fieri. n. minime posset, quin nostri memoriam reteneres. Quidem & eos facere credimus quorum animi cælesti generalia perfruuntur, quum. n. illi perfectius nos diligant quam in mortali uita dilexerint, iure optimo arbitramur, eos orare pro nobis, cupereq; ut, & nos beatæ illius uitæ participes simus. Quamobrem, si uis nos de te bene sentire ac propositum tuum plene laudare, opus est, ut tuæ istius uitæ testimonium aliquod perferas, imiterisq; ueteres illos monachos, Egypti & Thebaidis incolas, qui quanq̃ in solitudine degerent non desitebant tamen quoidie legendo scribendoq; se ipsos, & amicos in remotissimis agentes locis consolari, ac iuuare is est enim iucundissimus monasticæ uitæ fructus. Quo dempto, nihil est ferè quod non in eo fastidium pariat, scio te nondum per ætatem ad eam peruenisse frugem, ut magna concipere, & moliri possis, at si in adolescentia non elaboraueris, exercuerisq; ingenium tuum, frustra maturiore euo mensem expectabis. Reliquum est, ut te certiorē faciam, constitutum nobis esse quum primum erit commodum, uenire istuc, diemq; integrum mutuis colloctionibus non dicam absumere, sed lucrari. Tu interea Vale & nos ama.

Hier. Niger Iacobo Sadoletto Episcopo Carpentoracen. S.

**Q**Uum post urbis Romæ calamitosum excidium, nudæ rerumq; omnium egenus in patriam confugissem, nihil duxi antiquius, quam ut ad te scriberem, non quo tibi hac iam pridem (ut reor) notissima significarem, sed quo tecum communes deplorarem miseras, iudiciumq; exquirerem, quid nam ipse futurum censeas, quam præterita mala, atq; præsentia, multo ante quam fierent, prævidisti. Memini enim te cum sæpe alias, tum uero sub tuum ex urbe discessum multa mihi de impendenti urbis excidio, de Italiæ uastitate, atq; imminenti totius fere Christiani orbis ruina, diuinitus prædixisse, explicatis causis propter quas hæc fieri necesse foret. Simul etiam me amice monuisse, ut cederem tempori, neq; tēpestatis iam ingruētis uim diutius expectarem. Quibus ego non ita si continuo paruisssem, auditor tantum Romanæ Cladis, non spectator & particeps extitisssem, sed obstiterūt fata (hoc est Dei uoluntas, qui me in eadem naui esse uoluit, in qua essent hi, qui naufragii auctores fuerunt. In quo & si laetaturam feci maximam, non tam fortunarum mearum, quæ infra mediocritatem erant, quam uigiliarum omnium, quas in communibus nostris studiis posueram, tamen immortalis habeo gratias Immortali Deo, qui me ex tanta cede tantisq; gurgitibus cruoris emersum ad patrium littus adnatare permisit. Itaq; est quod grauiter doleam, est etiam quo læter plurimum, lætarerq; magis, si hoc uulnus aliquando illis esset salutare, quibus est inflictum, neq; ille Leonum more uerberati fierent ferociores. Iam nemo est ferè, qui non palam dicat nos erratorum nostrorum pœnas luere, quæ res auget dolorem, quum nullus misericordiz, locus nobis relictus esse uideatur. Queni putas actum de nobis triumphum non modo ab hostibus, qui singulo quoq; uerbo sese uindices ad ministrosq; diuinæ iustitiæ fuisse prædicabāt, sed etiam à cuncta Italia, ab omnibus Transalpinis & Trasmarinis nationibus, quæ nos euerfa urbe profugos, bonis omnibus dispoliatos ac fame penè confectos non modo nulla humanitate exceperunt sed etiam ludi

brio, probrisq; affecerunt, quasi ea dignos fortuna, in quam miserrime concideramus. Quæ si molestissima fuerunt his, qui tantorum malorum causa extiterant, quanto molestiora putares fuisse nobis Innocentibus, nisi forte in ea re nocentes fuimus, quod Romæ hoc est in sentina omnium rerum atrocium & pudendarum deprehensi fuerimus. A quo quidem crimine tu sapienter admodum ac feliciter abfuiſti, nam quum uideres consilia tua non satis probari rerum gubernatoribus, Paulo ante quam omnia tumultu bellico miscerentur, sic ab urbe recessisti, ut tecum modestia, probitas, religio recessisse uideretur. Atq; ego certe tantis in malis uoluptatem cœpi maximam, non modo quod publica illa calamitas te non corripuisset, sed etiam quod audirem passim omnes de tuo iudicio, deq; optimis tuis in Remp. sensibus præclare colloquentes. Tibi uero quid poterat euenire felicius, quam non uidisse illius urbis interitum, in qua tot annos, tanta cum laude floruiſti. Cum tuis autem Carpentoratensibus actum certe est felicissime, quod te fessum laboribus tanquam tutissimo in portu exceperunt, cuius monitis & exemplis ad religionem moresq; optimos inuitabuntur. Utinam liceret & mihi istius otii particeps esse, quo tu beatissime fruieris, at iter est hoc tēpore impeditisimum terra mariq; redintegrato iam bello, & occupata passim tot clasibus, toq; exercitibus Italia. Quamobrem manebo in patria, donec serenior nobis uultum fortuna ostendat. Interea pergratum feceris, si dolorem nostrum tuis ad me literis & salubri aliquo consilio minues. Vale.

Hier. Niger Car. Crescentio Legato Pontificio. S. D.

**A**ntequam in prouinciam exires, respondi Santacrucii literis quibus me certiorē fecerat constitutū tibi esse mea opera uti uelle, egiq; tibi ingentes gratias meis ad te literis, quod tu ea dignitate, sapientia & auctoritate uir haberes. me eiusmodi, qui præstare quicquam possum, quod Reip. non inutile sit futurum. Quanquam enim Caspare Côtareno Car. uita functo, cui in omni ferè publicarum rerum administratione fideli operam impenderam, in hunc meum

dum recepiſſem, non illum quidem itacenſem ſaxis afflixum aſperis, ſed in ora Italiæ poſitum florentiſſima, tamen in omniuitæ meæ ratione & curriculo illud meum ſemper fuit propoſitum atq; inſtitutum, ut me totum ſummi Dei permitterem uoluntati, nullumq; laborem aut periculum reformidarem, quod cum publica utilitate coniunctum fore uideretur. Neq; uero ſum neſcius quam exiguum ſit illud, quod de me polliceri ſibi quiſquam poſſit, uerentamen imitabor Dyogenem philoſophū qui quum tumultuantem patriam uideret, ſuum & ipſe dolio lum uerſare cœpit, ratus ſibi turpe eſſe, quum cæteri ciues, hac atq; illac circuncuſarent, ſe unum ex omnibus conqueſcere tuum eſt igitur ſtatuerere de me tanquam de tuo ære. Et Roberto Magio, qui has tibi literas reddet, explicare, quid me factum cenſeas, nam) quod ad me attinet) ſi cætera mihi deſutura ſunt, certe fides, & mea in te obſeruantia non deerunt, nec dubito quin abs te ea uirtutis, ingenii & doctri-næ ſim petitus exempla, quæ me promptiorem, & peritiorem, q̃ mea ſponſe ſim, facile ſint redditura. Vale.

Hier. Niger Petro Citadellæ. S. D.

**A**ccepto reconciliationis tuæ nuncio, pro uetere mea in te beneuolentia, uoluptatem capî maximam, quæ enim dolebam deceptum fraude antiqui ſerpentis in tot miſerias incidiſſe, aliquando tandem diuina ope ſubleuatum ac penè ab inferis reuocatum fuiſſe, magnopere ſum lætatus, neq; uero hoc factum miraculo adſcribendum putaui, non ignarus quanta ſit Dei Opt. Max. uis & poteſtas, cuius proprium eſt id efficere, quod humana mens ne cogitare quidem poteſt. Quid enim negotiū fuit illi qui fundamenta montium commouet, qui cælum incredibili celeritate conuertit, unam animulam, quam ipſe creauit ex nihilo, & mobilitate obnoxiam fecit, ad ſe retraxiſſe, eamq; iisdem clementiæ ſuæ oculis reſpexiſſe, quibus Petrum Apoſtolum abnegantem reſpexit? Sed prædicanda à nobis ac perpetuis laudibus efferenda eſt ipſius Dei prouidentia, & benignitas erga nos, q̃ hoc potiffimum tempore, id factum ſit, quo multi à pietate auerſi homines in tuâ illa pertina

eiā plurimum exultabant, te Athletam fortissimum, atq; in-  
 elytum Christi martyrem in puris uocibus. Appellantes, q̄iam  
 senio confectus non bonorum publicatione, neq; diuturni car-  
 ceris pedore, à Proposito posses abduci. En tibi in habitaculo  
 Carceris cœleste lumen affulsit, ceciderunt cathenz de mani-  
 bus tuis, quibus te Princeps tenebrarum uinctum. & constrictū  
 tenebat, ignorantia scilicet, & durities cordis, potes iam Petre  
 cum Petro dicere, nunc scio uere, q̄ misit Deus Angelum suum,  
 qui eripuit me de faucibus orci, & ab omni impiorum homi-  
 num expectatione. Sed cum eodem Petro amare tibi flendum  
 est, neq; te pudeat ore simul & corde, publice Palinodiam cane-  
 re, sic enim honorificum, & gloriosum ages de te ipso trium-  
 phum, quum Christianus redibis in patriam, a qua Christi ho-  
 stis eiectus fueras, nec dubito fore, ut & cæteri ciues ius, si qui  
 sunt in eadem damnatione positi tuo exemplo, tuisq; monitis  
 respiscant. Vale.

Hier. Niger Francisco Capilistio Equiti. S.D.

**V**ereor, ne tibi hæc legenti id usu ueniat, quod plerunq;  
 hominibus graui quopiam uulnere fauciis euenire solet  
 qui medentis manum reformidant, neq; tam ipsius medicæ ar-  
 ris finem, q̄ principium perhorrescunt, sit enim nescio quo pa-  
 cto ut oppressis ægritudine animis, nihil interdum uideatur  
 iucundius, q̄ in mœrore ipso, cui nullum putant adhiberi posse  
 remedium, permanere. Sed non ea propter nostra hæc, quæ mu-  
 sis ad nos ueluti postliminio reuersis cecinimus, repudiare, ac  
 respuere debes, quæ non tam consolandi tui gratia, quam de  
 plorandi tecum communem calamitatem conscripsimus. Non  
 enim stoicorum sententiam ualde probo, qui humanos ani-  
 mos ab omni penitus exuunt humanitate, nihilq; a Marmoreo  
 signo differre sapientem uerum censent. Ego in acerbissimis  
 casibus dolendum homini esse non negauerim, sed dolori mo-  
 dum aliquem ponendum duxerim. Quod & Poetarum eminē-  
 tissimus Maro eo carmine luculēter explicauit, quum de Enea  
 suo cecinit. Mens immota manet lachrymæ uoluuntur inanes.  
 Neq; nobis Christianis hominibus interdictum est flere, & cū

gaudentibus gaudere, nec ipse auctor ac princeps nostræ religionis Christus lachrymas in amici Iazari morte continuit, fortasse cogitans ad quas ille miseras resurgens foret rediturus. Quicquid igitur hoc est munusculi, quod ad te, uel consolandi tui uel tecum lachrymandi causa mitto, lubens accipe, ac per lege: ex quo si quid consolationis percipies, habebis immortalī Deo gratias, qui pater est totius consolationis, si minus, meum saltem studium, & beneuolentiam erga te meam, quæ tua est humanitas, non improbabis. Vale.

Hier. Niger Aloysio Cornelio Card. S.D.

**P**Aranti mihi dare ad te literas mœoris plenas ob patris tui Viri Clarissimi interitum pericundus Cardinalatus tui superuenit nuntius, qui me iacentem erexit, afflictumq; recreauit, non enim nescis pro uetere inter nos necessitudine plurimisq; officiis, quibus ego ab incunte ætate Cornelii familiaris sum dauinctus existimare me omnia tua commoda pariter & incommoda mihi esse communia. Quanquam autem pater eiusmodi esset morbo confectus, ut nihil ferè aliud ex eoq; lingua occidisse uideatur. Tamen non leuem iacturam fuisse censeo patriæ, propinquis, amicisq; omnibus uirum tali ingenio, tanta autoritate, ac beneficentia præditum interiisse. Cui si ualetudo affuisset, nemo est qui ambigat, illum maiorum suorum gloriam non modo æquaturum, sed etiam superaturum fuisset. Verum quando nihil iam nobis præter expectationem contigit, Atque ille miserrimam uirum cum immortalitate commutauit, æquo animo ferendum est, quicquid euenit, habendaq; sunt immortalī Deo immortales gratiæ, quæ amplissimus ille uir concordēs filios, uirtute, fortunis, honoribusq; insignes reliquerit, qui maiorum imagines per se claras, præclare factis illustiores reddent. Velim enim existimes dignitatem istam amplissimam, qua nuper auctus es, nihil aliud esse q̃ curriculum exercendæ uirtutis, duoq; in primis tanq̃ bona fidei tuæ commissa tibi esse curanda, alterum ut pietatem colas, quæ ordini tuo consentanea est uirtus, alterum ut in amicos, probosq; homines beneficus existas, hoc enim ueluti alarum remigio uehe-

ris in cœlum, sed fortasse nimis inepte facio, qui te ad uirtutē cohorter, natura, studioq; propensissimum. Da quæso hoc amorī, atq; obseruantiz in te meæ, ut quam tibi operam nunc præsens præstare nequeo, eam qua possum ratione præstem; donec opportuniore tempore (quod uehementer opto) id faciam coram: atq; honori tuo, ut debeo, diligenter inseruiam. Vale.



Hier. Niger Paulo Rhamnufio. S.D.

**M**itto ad te Pauli Iouii ad Pont. Max. Epistolam ridiculam & planè louianam, quæ in fronte grauitatem præferens, paulo post in scurrilitatem & assentationem labitur, hanc ubi per otium legeris, ad me remitte. Quæ istic proximis Comitibus acta sunt: nulla cum admiratione accepi, probo enim noui ætus comitiorum, & quid ualeat ambitus. At in ea re patris tui uiri ornatisimi singularem prudentiam, & summam animi moderationem optimus quisq; uir summo opere probauit, quem enim locum ipse nunq̃ studiosius appetiuit, & quo maxime omnium bonorum iudicio dignus est habitus, eum non tenere, leue ad modum est detrimentum, fortasse etiam lucrum. Tu (quod facis) eloquentiæ studiis incumbere, maiorem enim ex his gloriam, q̃ ex istiusmodi muneribus familiæ tuæ comparabis. Lazarus Bonamicus Elegiam in obitu Nicolai Genæ Marci antonii Philosophi filii nuper conscripsit, eam quamprimum in manus meas peruenerit, ad te mittam. Anguillarius nescio quis Poeta Plebeius, exeunte februario mense proximo fabulam daturus est populo Patauino, tota (ut audio) ethrusca est, Apparatus sit maximus in ædibus Aloyfii Cornelii, si libuerit quaternas horas perdere, huc accedito. Vale, parentiq; tuo, & Rapitio, meis uerbis dic multam salutem.

Hier. Niger Paulo Rhamnufio. S.D.

**P**erlegi nuncupatoriam Epistolam in nouam librorum Auerrois editionem quæ quanq̃ fortasse lógiore est q̃ res ipsa postularet, adeo tamen doctrinæ, & elegantiz plena est, ut legenti minime fastidium pareat. Eius quidem authori (qui-

cunq; ille fuerit) iuncta plurimum debet, & qui eam legent præclare eum descriptoribus, tum græcis, tum Arabibus iudicasse intelligent, cupiebam sanè dum Venetiis essem te alloqui, sed per ualeitudinem tuam, measq; occupationes non licuit. Erit mihi quam gralissimum, si ex te cognouero, an rectè habeas, quemadmodum spero, & opto, quo die Patauium adnauigabam, obuium habui Paulum Sadoletum Episcopum Carpentoracte, Jacobi Cardinalis nepotem nuper ex Gallia Narbonensi à Pont. Max. in locum Romuli Amafei honorificentissimis literis accersitum, qui quum me Patauii non inuenisset, audissetq; eo die aduenturum magna usus est in me conueniendo humanitate ac diligentia. Itaq; in medio itinere conuenimus summa cum utriusq; nostrum uoluptate. Agitur enim iam annus decimus quintus ex quo alter alterum non uidit, is mecū egit pluribus, ut sibi pollicerer me Romam aditurū, cuius quidem rei nulla me hætenus, uel spes, uel cogitatio tenet, suadet enim ætas mea iam ad occasum uergens, ac temporum atque urbis Romæ conditio uela mihi potius contrahenda quam rursus uentis, & tempestatibus committenda. Sed quum Dei altissimi nutu regantur omnia, qui potest quum uelit, & quocumque uelit animos nostros, & uoluntates inspicere, non audeo de me quicquam certi statuere, illius me potestati arbitrioq; permittam, interea, me libris, & literulis nostris ipuoluam, quibus quod reliquum temporis mihi dabitur libèter impendā. Iulii non Pontificis Maximi iudicium in hoc homine deligendo, atque honestando non possum non summo opere probare. Solet enim quotiescunq; in sermonem incido de Leone decimo Pont. Max. illud frequenter usurpare, ex oibus rebus quas ille Pontificatu suo gessit amplissimas nullam maiore laude, ac prædicatione dignam extitisse, q̃ q̃ Petrum Bembum, & Iacobum Sadoletum duo illa eloquentia lumina sibi à secretis adsciuerit; fuere enim (quod scis) uiri eiusmodi, qui uel obscurissimi cuiusq; principatus tenebras uirtutum suarum splendore depellere potuissent. Vale & Raptio nostro, ac parenti tuo uiris optimis, atq; ornatisimis dic salutem.

Hier.



Hier.Niger Antonio Thebaldeo.S.

**C**Ognoui ex tuis literis, quas proxime accepi, te probare discessum meum ab eis, qui mecum antea ab officio discesserant, lætorq; mirifice, tali patrono, ac iudice, qualis ipse es, causam meam cognosci, atq; defendi, Quod autem scribis mirari te consilium meum, qd relictis philosophiæ umbraculis in clamosum forum transfugerim, meumq; omne studium ad scientiam legum conuerterim, id a me non inconsulto, neque perperam factum uelim intelligas. Ego, antoni, philosophiam nunq a me post habendam censui, nec censeo. Sed Pontificii iuris scientiam eiusmodi esse opinor, quæ cum homines nostri ordinis maxime deceat, tum philosophiæ, & eloquentiæ adminiculo potius sit q̃ impedimento. Nullum est enim disciplinæ genus alienum a philosophia, præsertim id, quod ad leges & instituta maiorum pertinet, Quoniam turpe esse arbitror unicuique homini, nedum philosopho ignorare quibus legibus sit uiuendum neq; uelim existimes id genus studii ac disciplinæ, usq; adeo nie totum occupaturum, ut suam partem cæteris non impertiam. Est enim iuris sciētia, parui negotii res, & quæ paucis contineatur, modo cum frugalitate, prudentiaq; tractetur, atq; imprimis non ad questum, sed ad communem hominum utilitatem, ad quam initio instituta est, dirigatur. Nam eorum qui primi leges condiderunt, non id propositum fuit, ut lites ex litibus lererentur, sed ut paci & quieti publicæ consuleretur. At postquam in animos iurisconsultorum paulatim irrepsit auaritia posthabita legum puritate & planitie, omnia questiunculis inuolui & implicari cœpta sunt. Hinc uariæ atq; interdum contrariæ inuicem fluxere legum interpretationes, hinc immensa scriptorum uolumina, in omni re uel apertissima tenebras ossundentium, ut ignara plebs eos ueluti oracula consuleret ac ueneraretur. Szuiit autem hæc lues non modo in legum disciplinam, sed in ipsam etiam philosophiam, quæ (quod scis) iamdiu pulluta barbarie nihil ferè pristina nia iestatis agnoscebat. Etenim memini me audire philosophos Aristotele sine Aristotele Profitentes, ac nonnullorum commēta prælegentes, qui omnia suis ineptiis referferunt. At nostra

L

estate beneficio græcarum literarum, quæ longo interuallo restitutæ sunt pristinam in sedem restitui cœpit philosophia. Atque illi ipsi ueterum philosophorum contemptorum, qui antea in scholis uerbum nullum nisi incultum & barbarum agnoscebant, modo Aristotelem sua lingua scribentem, græcosq; inter pretes lectitare non perhorrescunt. Vt sperandum sit pace Italianæ constituta breui suum ornatum ac nitorem recuperaturam philosophiam. Quod & nos ut legum disciplinæ ac studiis huiusmodi usu ueniat, adniti possumus ac debemus, quod primus omnium post ueteres iurisperitos legum conditores, scilicet assequutus est Andreas Alciatus iuris peritorum nostræ ætatis Eloquentissimus, ac Eloquentium Iuris peritisimus scripsi, ad te fortasse pluribus quam necesse fuerat de ratione studiorum meorum partim ut mirari iam desinas consilium meum, partim uero ut si forte in uituperatores meos incideris, paratam habeas propositi mei defensionem, quæ hoc erit paratior, quo magis constabit me ad hæc studia non desperatione quadam eloquentiæ, quam assequi nequiuierim, sed certo iudicio deuenisse, nec illud mihi iure obiici posse aulem me esse factum, qui Citharedus fieri non potuerim. Vale.

Hier. Niger Alexandro Campegio Card. S. D.

**E**fflagitatam ab amicis orationem, quam proximo superiore anno in Lazari Bonamici funere habueram, ad te mitto Campegie Clariss. cui enim potius dicandus fuerat meus hic labor, qualiscunque fuerit, quam tibi? qui a Lazaro tam liberaliter institutus illius tum probitatis, tum doctrinæ locupletissimum affert testimonium. Ille quoque uicissim, dum uideret, tibi imprimis post immortalem Deum, & familiæ tuæ se rebat acceptum, quicquid ad hominum usum in re literaria contulisset, quod sanè quantum fuerit, uel ultimi terrarum finis. & Patuini huiusce Gymnasii lachrymæ testatæ sunt, cuius ille humeris, certatim subeuntibus discipulis honorificentissime est elatus. In quo ego non satis possum quorundam maleuolorum hominum impudentiam demirari, qui Lazaro ustio uerunt, nullum enim reliquisse posteris ingenii & eruditionis suæ

monumentum, quasi uero non præclarum, atque eximium sit monumentum, quia quaginta annos latinam, græcamq; eloquentiam cum priuatim, tum publice summa cum omnium gentiū admiratione docuisse. q; si in ea re Lazarum carpunt, Carpent etiam necesse est Socratem, Pitagoram, Thaletem, & innumerales ferme alios omnium iudicio sapientissimos habitos, qui arcana sapientie sue mandare literis neglexerunt, solebat sæpe mecum Lazarus queri nostrorum temporum calamitatē, quum uideret complures homines magis occupatos in suis cōscribendis nugis, q̃ in ueterum libris euoluendis, a quibus omnis doctrina & eloquentia defluxit. Usque adeo ineptam esse duxit omnem scriptionem, quæ non esset necessaria, aut quæ manifestum posteris utilitatem non afferret. Sed in hanc pestē humani generis, atq; in hoc insanabile scriptitandi cacoethæ erit fortasse alius inuehendi locus. Tu nunc oratione hanc accipe habitauit quidem a me officii potius q̃ dicendi studio, quod iam pridem intermisi a concione uero uniuersa, qua nulla unq̃ fuit in hac ciuitate frequentior, sic exceptam, ut fuerit ferè nemo, quin iudicaret me minus Lazaro tribuisse, quam illi tribuendum fore uideretur. Vale.

Hier. Niger Iacobo Rufino. S. D.

**P**Aulus Rhamnusius iuuenis sanè & probus, & eruditus, quo te familiariter uti uehemēter gaudeo, misit ad me paruum poema tuum de infelicissimi Bartholomei Helie obitu, ex cuius quidem carminis lectione (ut agam tecum libere, sicuti meus est mos) admirationem cœpi maximam. Cuius enim hominis musas iam pridem exaruisse, & forensi strepitu procul fugatas existimabam, eas nunc reuiuiscere, ac in tuo sinu molli ter placidiq; recumbere animaduerto; Adeo Virgiliana grauitate rem ipsam miserabilem ponis ante oculos, & affectus illos tragicos miris modis commoues, ut nihil præterea possit excogitari pietius. Quamobrem pro uetere nostra necessitudine, nihil mihi fuit potius, quam ut tibi quamprimum gratularer, spero enim fore, ut si quando in causis perduellionis aut capitatis easdem faces orationis admouear, facile possis iudicium a-

nimos uel ad misericordiam inflectere, uel ad iracundiam cōcitare. Siquidem (ut scis) iidem sunt loci poetis & oratoribus communes, atque uno eo differunt, q̄ poetæ grandioribus uerbis, crebrioribus translationibus, pressioribus utuntur sententiis, quam oratores, eritq; hæc tibi prouincia leuior, quum facilius sit contracta diffundere, q̄ diffusa contrahere, ac demittere sese, q̄ attollere, idcirco multos legimus oratores Clarissimos non eximiam in poesi laudem fuisse consequutos, ac summum Philosophum Platonem, quum homericam Maiestatem assequi non potuisset, ad conscribendos dialogos se transtulisset. Itaq; te hortor ac si pateris rogo, ut in hanc rem omni studio incumbas, nomenq; tuum commendes immortalitati. Mihi certe nihil hoc facere potes gratius, aut iucundius, qui sub mea disciplina olim dum Romæ essemus, te exercueris. Vt deborq; maximum laboris mei fructum capere, si in hoc scribendi genere cum ipsa antiquitate certabis. Vale.

Hier. Niger Paulo Ramnufio. S.D.

**I**onitam Rhetorem præceptorem tuum summa probitate & excellēti doctrina uirum diem obiisse plurimum doleo, sed hunc abs te laudatum fuisse in funere, uehementer gaudeo. Munus enim obiisse grato discipulo dignum, & ut arbitror illius meritis non impar. Puto extare apud te quicquid ille monumentis literarum mandauit, quod si ita castigatum est, ut editione dignum uideatur, tuum erit, curare ut quamprimum prodeat in lucem, pergratum mihi feceris, si laudationem istā tuam ad me miseris, quod, ut tuo commodo facias, peto abs te maiorem in modum, uix a morte Fracastorii respiraueramus, quum aliud nobis illatum est nulus, Proh Deum immortalem, Quibus est orbata luminibus res literaria. Nam de Egnatio nasutissimo homine non est, q̄ ipsi nos ualde excruciemus, erat enim adeo intentus curando corpori, ut cetera omnia negligere, uidereturq; iamdiu, e uita excessisse. Dolendum tamen est ex illius obitu, quemadmodum in Bucephali equi morte doluit Alexander Rex, urbe etiam condita in illius monumentū. Tu si quid habes noui ex Fracastorii carminibus, uelim ad me

mittas, nescio an inchoatam Iosephi historiam perfecerit, materiam summo Vate dignam, quæ præter asperitatem hebraicorum nominum, tota est pulcherrima, nec unquam possum eam, quæ a sacris scriptoribus barbari scriptam sine lachrymis legere. Quos putem concitasse affectus Quam admirationem commouisse Fracastorium, sua illa Virgiliana grauitate, qua nihil ætas nostra uidit illustrius. Vale & Paulo Manutio meis uerbis dic salntem.

Hier. Niger Ioanni antonio Salcio. S. D.

**P**eriuicundæ mihi fuerunt literæ tuæ, quibus pro acceptis à me beneficiis agis mihi gratias, non quod in gloriola ista situm esse putem fructum omnem offitii & beneficentiæ, sed quod candorem animi tui probarim, perspexerimque; ex epistolæ tuæ lectione maiorem te in dies scribendi copiam comparare. Nulla enim re mihi uberius in offitio respondebis, quæ si uirtutem colueris, atque in literarum studiis ita enitueris, ut mea necessitudine, & maioribus offitiis dignus uideare. Quamquam autem multi a me adiuti opibus, & muneribus honestati, parum sese mihi gratos præstiterunt, ii tamen nunquam perficient, ut meorum me offitiorum poeniteat. Habemus liberalissimum retributorem omnium beneficiorum Deum Opt. Max. In quem unum nostra omnia studia atque officia referenda sunt. Qui uero iuorum gratitudine, in quos collata sunt beneficia, spem suam collocant, hii iam mercedem suam fluxam quidem & labilem acceperunt, æternam autem, atque infinitam illam, quam Deus benemerentibus præstat, nunquam accipient. Ego sanè ad bene de te merendum nulla fui ratione alia impulsus, quæ beneficentiæ studio, ut mea ope subleuatus uirtutem & bonas literas commodius amplecti posses, id si (quemadmodum opto & spero) effeceris, satis amplum, atque uberem offitiorum meorum fructum uidebor consequutus. Sin secus fiet, (quod mihi ipse nunquam persuadeo.) Omnis honos, qui nunc tibi delatus est, uertetur in dedecus, ego fructum ueræ laudis non amittam. Vale.

Hier. Niger Bernardino Tomitano. S. D.

**E**T si non dubitabam amare me abs te plurimum multis de causis præsertim quod intelligeres te quoq; à me uehementer diligere, tamen nullum clarius tui in me amoris iudicium sese ostendere potuit, eo quod extare uisum est tuis in literis hesterno die mihi redditis, quibus primum gratularis impositum mihi fuisse ab optimo, atq; ornatisimo uiro Vicetinorum Pontifice onus illius locum personamq; sustinendi, sic enim malo dicere, quam munus, Deinde me ad illud forti, alacriq; animo subeundum grauisimam amantissimamq; uerbis cohortaris. Quod ad gratulationis officium pertinet, sanè mihi multo plus tribuis, quam ipse uel agnoscam uel sentiam, ac uereor ne dolendum sit potius quod ex hoc portu fidaq; statio ne, quam mihi certo iudicio delegeram, rursus uaseum in pelagus extrudat, tot undiq; circumfremantibus uentis, fluctibusq; iactandus. Nosti in quam perditam profligataq; inciderimus tempora, nec ignoras qua in ciuitate gerendus mihi sit magistratus, in quo si amicis qualis tu es, qui cuncta meliorem in partem interpretari solent, nullo negotio satisfacere possumus, at alienis, & inuidis, quorum per magna est copia, satisfacere omnino est difficillimum. Quid quod ex hoc honestissimo otio, in quo præclara studia repetens, fructum aliquem uigiliarum mearum proferre aliquando possem, turbulentis me actio nibus iterum dedam hac ætate iam in occasum uergente, in qua nihil magis, quam tranquillitas animi, & requies corporis expetenda esse uidebatur, nec defuturos arbitror malignos interpretes, qui me uel quæstus cupiditate, uel ambitione adductum suscepisse id oneris dicent, quasi uero iam pridem hæc omnia Romæ agens in theatro illo gloriæ, & ambitionis campo, litterato otio non posthabuerim, nec me unquam commouit, quod reuersus in patriam audierim multos, qui neq; industria, neq; dignitate, aut gratia me præteribant, ad honores amplissimos fuisse peruectos, quin eorum conditionem sum miseratus, qui incogendis opibus, quibus nunquam fruuntur, se ipsos excruciant. Sed aduersus hæc omnia incommoda atq; pericula, & contra istam maledicorum hominum rabiem per-

stabit studium meum iuvandæ Reip. si quid conferre ad publicam utilitatem poterit meus labor, cui spero diuinum numen minime defuturum sine quo omnis nostra est inanis cogitatio. Nam si priuatis nostris commodis interdum aspirat diuina bonitas, quanto magis fauebit causæ publicæ, quam si forte deseret subirata sceleribus nostris ipsi culpandi erimus, non illa. Quod in postrema literarum tuarum particula amantissime me sapienterq; mones, ut in obeundo hoc magistratu uotis, expectationiq; amicorum respondere adnitar, agnosco ueterem tuam in me beneuolentiam neq; is sum, qui monitorem egere me credam, præsertim, beneuolo & prudente, quo in albo te præcipuum statuo. Quamobrem dabo operam, quâ tum meæ mihi suppetent uires ut expectationem hominum, si quam modo concitaris, existimum stimulum exercendæ uirtutis, & curriculum ueræ laudis, quam non in opinione uulgi, sed in Dei omnipotentis iudicio sitam putem. Et quando tu in me hortando ac monendo, tam gratum amici officium præstitisti, id quoq; uelim præstes, ut tuis precibus apud Deum ipsum me adiuues, quas non dubito a tam pia mente perfectas plurimum ponderis habituras. Vale.

Hier. Niger L. Granio Signinorum Epô. S.

**Q**uas ad me proxime dedisti literas, eæ mihi quamprimum sunt redditæ, quanquam autem serius fortasse quam tua dignitas postulasset respondeo, tamen quæ tua est humanitas, mihi ignoscas uelim, sui enim occupatissimus, dum ea conficere uellem, quorum causa huc ueneram, nec erat quicquam tua cognitione dignum, quod scriberem, modo confectæ re, quæ ad rationem studiorum meorum pertinebat, propediem me in uiam daturus sum, patauiq; commoraturus, donec aut alii de me quicquam, aut ego de me ipso decernam, quod uti nam sit utile non tam ad fortunarum augendam copiam, quam nullum me iam desiderim tenet, quàm ad uitæ incolumitatem seruandam, atq; ad animi felicitatem comparandam, cuius studio imprimis teneri nos Christiani homines debemus. Etenim si memoria repetimus tot fortunæ ludibria, quot

# E P I S T.

ab ineunte ætate cum alibi uidimus,tum in urbe.Roma, quæ tibi natura,mihi uero amore , & uoluntate est patria fatebimur eos tota aberrare uia,qui in humanis rebus atq; in principum uirorum fauore & gratia suam spem sitam habent atq; ego meo doctus periculo& damno ex præteritis erroribus facile intelligo,quanto honestius ac felicius mecum actum fuisset, si ab eo curriculo uere laudis , quod tum adolescens institeram ad contubernia ingratisimorum hominum non deflexissem.Magnas tamen atq; ingentis habeo gratias Romano illi cælo,& urbi omnium disciplinarum eloquentiæq; parenti, cuius me dignitas nun solum ob ueteris maiestatis memoriã, uerum etiam propter Clarissimorum hominum tunc uiuentium uirtutes ueneranda inuitauit ad sese,& annos ferè uiginti detinuit non inuitum . Erant enim eiusmodi tempora quibus in illa colluuiatione gentium quasi stellæ interlucebant complures comitate,doctrina,liberalitate insignes uiri, quos cum omnes perbelle ipse agnoueris,minime opus est ut recenscam. Sed eorum pleriq; aut fato functi sunt,aut percussi urbanis calamitatibus in patriam se se receperunt.Quo fit,'ut quod urbe caream,minus graue mihi molestumue sit,otium autem, quo perfruor,multo iucundius uideatur . Neq; uero meorum ipse commodorum tanta afficior uoluptate,ut si cui unquam uidebor parte aliqua reipublicæ inferuire posse, ullum ego laborẽ sim deuitaturus,modo cum dignitate id fieri possit, quod eorum iudicio,qui sedent ad gubernacula reip.penitus relinquo. Te uero,grati,etiam atq; etiam rogo,ut necessitudinis nostræ sis memor,quam optimis ortam seminibus,fructus, quoq; ferre optimos decet.Nullus autem iucundior est amicitie fructus, quam beneuolentia ipsa,& amicorum absentium perpetua memoria,præsentiumq; consuetudo,nam prodesse alteri cum possunus,id facere debemus,etiam si minus amici simus, Vale.

Reuerendissimo & Illustrissimo D.Carolo Carraphæ Cardinali,Philippus Donatus Episcopus Agien.S.

**E**diturus libellum Hieronymi Donati Patris mei de principatu Romanæ sedis, recte mihi uisus sum facere , si eum tuo



tuo imprimis nomine insignitum publicarem, cui enim magis quam tibi debebatur is liber? quē; Author ipse Oliuerio Caraphæ Car. propinquo tuo, Viro amplissimo destinarat, illiusq; censuræ commiserat, & in quo Romani Pontificis autoritas, (cuius tu lateri asistis,) egregiè defenditur. Quanquàm enim aduersus recentiores græcos hæc à Patre est scripta defensio, nihilominus aduersus cæteras nationes, quæ postea in eundem errorem, seu potius in eandem impietatem lapsæ sunt, plurimum nobis affert adiumenti, cum constet ueteres Græcos, doctrina, & sanctitate Vitæ conspicuos, hunc honorem præ cæteris Romano Pontifici concessisse. Nec dubium mihi est ex hoc uno fonte tot in his, quæ ad Religionem pertinent, manasse controuersias nam cum primùm homines rebus nouis studentes; à Capite desciuere, cœpit sibi quisq; nouas Leges statuere, ueteres abrogare, atq; adeò perturbata, & confusa sunt omnia, ut magnum negotium Paulo quarto Pont. Max. patro tuo relictum sit labescentē Remp. in pristinam formam restituere, quod tamen illum assidue cogitare, & conari credimus, & ad hæc miserrima tempora quasi Sagittam in Pharetra à Deo Opt. Max. fuisse reseruatum. Quodd ad libellum attinet, pergratum mihi feceris, si nactus opportunum tempus, cum quoq; Sāctissimo Pontifici legendum tua manu dederis, cui si liber probabitur, non dubito, quin is cum magna authoris laude prodire in lucem possit. Vale.

### De Immortalitate Animæ.

**E**fficax quippè ratio ad persuadendum Animorum immortalitatem hinc sumi potest cum à prima Mente, quæ Deus est per Simpli cem Emanationem ( ut Philosophis placuit ) uel per creationem (ut Christiana ueritas tradit) cœleste quoddam etiam diuinum Animal processerit ex supra mūdanis substantiis & cœlestibus globis conflatum, quod Phyci quintam appellarunt Essentiam, neq; secundū Formam, neq; secundū Materiam internitioni obnoxiam. Parte uero altera ex eadem suprema Mente alterum processerit Animal, quod tam secundum Materiam quàm secundum Formam corruptio :

M

ni est obnoxium. Mundus scilicet iste in ferior & sub lunaris ex Elementis, Brutis animantibus, plantis omniq; mixtorum genere corruptibilium cōstans, quæ dubio procul. tam ex Formæ quam materiæ ratione corrumpi uidemus. Cumq; homo ipse Orizom sit superiorum & inferiorum omnium, ac nexus, & uinculum cœlestium terrestriumq; rerum, necesse est, ut utriusquæ naturæ sit particeps, In his enim quæ secundum essentiam ordinata sunt, ab extremo ad extremum, sine medio non proceditur, medium autem semper extremorum naturæ est particeps, quod enim fuscum est, partim album est partim nigrum. Necesse igitur fuit, ut ab eadem Diuina Mente Animal unum prodierit quod parte altera æternum esset secundum Formā, altera uero secundum Materiam corruptioni esset obnoxium huiusmodi Animal aliud esse nō potest quā homo, quando in confessio est atq; apud omnes gentes indubitatum, cætera animantia quæ sub cœlo sunt, omni ex parte corruptibilia esse, nam si quis uelit brutorum animantium quorundā formas esse incorruptibiles, Absurdum nimis assereret, si quidem eas ex Materiæ sinu elici non dubium est, quod si cui earum æternitatem quis tribuat, quum intelligendi ui careant, cur non id potius humanis Animis tribuat, quas intelligendi uim habere, nemo est qui non fateatur. Hunc. Poeta ille summus Mosem, imitatus cum caterorum animalium ratione carentium creacionē ab opifice Mundi Deo descripsisset, præclare addidit.

, Sanctius his Animal Mentisq; capatius altæ  
 , Deerat adhuc, & quod dominari in cætera posset,  
 Quod autem Homo Orizō sit & nexus cœlestium terrestriumq; rerum, Philosophi omnes, consentiunt, & apertissimis constat rationibus. Ipse namq; sūmo ut Aristoteli placuit, quodammodo est omnia, per sensum enim est omne sensile, per intellectū omne intelligibile, ipseq; humanus Aīus postrema supramundanarum formarum inter cœlestes intelligentias, & materiales formas uelati in interstitio positus, utrarumq; formarum participat naturam, nam cum inferioribus formis in eo communicat, quod informat corpus generabile quidem ac corruptibile. Cum superioribus autem & supramundanis formis in eo

Communicat, quod eternus est, proinde & inferiora intelligit; & ad superiora reflectitur, eaq; quandiu corpori est alligatus ex ipsis inferioribus intelligit atq; cognoscit, cum autem corporis uinculis solutus fuerit ac liber, suapte ui superiora cognoscet, atq; intelliget, non alia ratione quam ultra Mundanæ substantiæ cœlestium motrices orbium intelligant & cognoscant. Hinc uates ille Regius David cecinit de homine, minuísti cum Paulominus ab Angelis propterea quod humanus Animus quāquam corpus in format corruptibile, ipse tamen diuina bonitate est æternus, & si cœleste corpus quod ab Angelo mouetur incorruptibile est, atq; ea ratione humano orbe præstantius, habet et humanum corpus supra cætera animata corpora, præstantiā singularem, ut potestates uiresq; omnes in cæteris tam inanimis quam animatis rebus dispersas, in se uno colligat, cōtineatq; & præter id intelligendi uim habeat cum cœlestibus formis communem, ut non immerito paruus mundus homo nuncupetur. Hanc autem supremam in rebus inferioribus, dignitatem atq; excellentiam tunc demum homo uere obtinet, cum creatorem agnoscit suum, a quo tot ornamenta gratuito accepit. Cui nisi hæc omnia ferat accepta, & nisi in eo contemplando, & fruendo omnem felicitatem suam arbitretur, tali honore indignum se reddit. quin etiam dignum ut cum Principe superbix sathana in tartarum detrudatur sempiternis suppliciis affligendus.

Hieronimus Niger . . . . S.

**C**larissime & doctissime uir legi poema istius adolescentis quod ad me misisti & si quid possum præsertim nunc tot supplicibus libelis ac diplomatibus inuolutus, de eo studiorum genere iam pridem mihi desueto iudicare, auctoris in dolem ualde probo, mirorq; in tanta rerum ac temporum perturbatione, qua iamdiu miserima hæc prouincia præmitur, non hinc ad Garamantas & Indos fugatas fuisse Musas compertum habeo, quemadmodum scribis, Tuā operam non de esse his studiis, nec moderationem defuisse in controuersis publicis uerisimūq; arbitror esse Menelai oraculum apud Eu-

M 3

ripideam, quod citas, sed, paucissimos uideo qui Christianæ Ecclesiæ propè cadenti manum apponant, multos qui ruinæ incumbant diuersa ratione, alii palam alii percurriculos, Orandum est Deus, ut aliquando nos oculo misericordiæ suæ respiciat: Cras ad te ueniā si per occupationes licebit, ne insalutati abeamus uelim tamen tibi persuadeas me tui absentis memoriam ubicumq; fuero diligentissime seruaturum. Vale.

Ad Principes Christianos Concilii Bononiensis Apologia,  
Hier. Nigro auctore.

**S**I quis uestrum, Principes, forte miratur, nos qui decreto Pontificis Maximi, uestroq; omnium consensu Tridentum conueneramus, pro pace Ecclesiæ restituenda, corruptisq; moribus reformandis concilium celebraturi, subito nunc Bononiam commigrasse, is profecto mirari desinet, ubi sincero animo rem perpenderit, æquūq; iudicē, sese nri consilii atq; instituti cōstituerit; Non enim dubium nobis est extitisse nonnullos partim ignorantie rerum ductos, partim odio in nos ac libidine aliena inuadendi incitatos, qui hosce rumores sparserint, in uulgus, nunquam Pontifici maximo, nunquam nobis hoc fuisse propositum, ut uerum ac liberum concilium haberetur, sed contentos hoc nomine at fama uelle nos in Tiranide nostra persistere, idcirco uix dum inchoato concilio sedem commutasse, iterūq; ac tertio mutaturos, ut suborta aliquando inter uos discordia, nulla nostra manifesta culpa comitia soluantur. Consedissemus autem nos in ea Vrbe in qua nemini liceat nisi in gratiam Romani Pontificis uel syllabam pronuntiare, atq; hoc loco nihil aliud nos decreuisse, quod ad publicam causam pertineat, sed uanis consultationibus tempus terere, spem ponentes in commutatione rerum, quæ eodem uestigio diutius consistere non possunt. Quoniam consilio Paulus Tertius Pontifex Maximus Concilium indixerit, neq; nostrum est præscrutari, neque exploratum habere possumus, Dei Optimi Maximi sit hoc iudiciū, qui solus intimos Animorum recessus, ac latebra inuisibilis perustrat, illud certe affirmare possumus uoluntatis eius atq; Animi in hanc rem incensi nullam significationem nullum iudi-

cium non apparuisse. Cui, si auersari concilium uoluisset, neque ingenium neq; occasio fuerat defutura. Constat sanè (ne altius exordiamur) Anno ab hinc septimo Ratisponensis, comitiis fuisse conuentum cōtrouersias in Religione exhorta non alia q̃ concilii auctoritate dirimi posse, Locumq; idoneum habitū Tridentum urbem Germaniæ, Italiæq; finitimam, qua re nuntiata Pontifici maximo confestim ille est assensus rebus uestris, ut potuit per indutias compositis concilium inducit nos ad certum diem adesse mandauit, omniq; studio incubuit, ut ea conlicerentur quæ at tollendas discordias ordinandam remp. pertinerent, De nostra autem uoluntate ac studio quis ambigat? quando nihil est quod nostrum quispiam ardentius unquam exoptarit, quam dignitatem nostram collapsam ac pessundatam concilii auctoritate restitui. Longe enim errant qui opinantur plurimum de nostra auctoritate detrahi posse concilii censura, cum ipsa morum reformatio multo plus ornamenti & commodi quam detrimenti & iacturæ nostro ordini allatura esse uideatur, itaq; missi sunt a Romano Pontifice Legati eximia uirtute uiri, qui concilio præsent, sequentes conuenimus, nullis laboribus, nullis impensis pepercimus quominus in angusto loco & non satis salubri publicam causam ageremus, sed cursus actionum nostrarum multis de causis est retardatus, primum fecellit nos diuturna expectatio aduersariorum quorum neminem uidimus unquam, in quo illi, peruiatiam si mul inconstantiam suam patefecerunt. Eam enim laruam, qua Romanos Pontifices perferre facies consueuerant, ipsi refugere ac pertimescere uisi sunt, & quam sacram anchoram unicā spem in tam sœua tempestate superesse nobis, toties prædicare eam ipsi repudiarunt atq; abiecerunt, nunc locum minime tutum esse quem nondum uiderant & quem primi ipsi nominauerant, hunc omnibus passim christianis hominibus licere de causa religionis cognoscere palàm dictitantes: postea uero quā animaduertimus frustra nos eorum aduentum præstolari, aggressos communem causam ficta quotundam pietas nos remorari cepit, suadentium nobis non esse alienum a concordia mitius decernere in aduersarios iudicia nostra suspendere, ad euentum Germanici Belli cuius finem ac uictoriam, nonnulli

magis appetebant concilium ; Cumq; primum caput esset, Religionis causam cognoscere, cuius gratia in primis cōueniret; Non defuere qui deprauatos mores prius corrigendos fore dicerent aliud uolentes animo, quàm id, quod initio propositum fuerat, interea nuntiato aduentu Duces VVirtebergatium aut ualida atque infensa Germanorum manu inuasit nos trepidatio & pauor haud ignaros gentem illam immanem & effera sitire sanguinem nostrum, nihilosecius Tridenti esse multos, qui idem appeterent. Statuerat sibi quisq; nostrum fuga consulere, eo tamen Animo, ut si tempestas illa sese composuisset, ad institutum opus reuerteremur. Quid enim aliud faceremus nudati omnibus præsidiiis, circumuenti insidiis, crudelissimo hoste penè oppressi? Sed nobis iam fugæ accintis illata est uis, à quibus propulsari debuisset. Nemo fuit nauta, qui nos secundo Athesi fugere uolentes ratibus exciperet, Nemo stabularius, qui uel magna mercede iumenta nobis locare uellet, quod nisi diuino beneficio furor ille barbaricus resedisset, proh Deum immortalem quæ cedes nostrum omnium, qui cruoris nostri gurgites emanassent? Consecuta est demum tua Cæsar uictoria non sine ope Romani Pontificis. Nam si ex illius copiis parum auxilii fuisse quis dixerit, nemo tamen christianus negauerit uota precesq; publicè indictas plurimum ualuisse, receptæ in potestatem quamplurimæ urbes, dediti principes aduersariorum & (quod maxime fuit optandum) sine cæde & sanguine id factum. Sperabamus uictoriam illam tam optatam tam incruentam, pacem publicam & omnium controuersiarum finem parituram, decreta supplicationes, ingenti omnes lætitia perfusi fuimus. At longè aliter procescit res, q̃ opinabamur. Etenim duriora in dies nobis nuntiari cæpta, præscribebantur leges tradebatur noua formula tractandarum rerum, minz quotidie nobis incutiebantur ab iis qui apud uictores, auctoritate & gratia plurimum posse uidebantur. Quis non uidebat eripi iam concilio libertatem ab iis qui eam tueri ac protegere debuissent? Quis ignorabat eos qui rebus dubiis tam, acerbi fuerant in nos rebus secundis longe acerbiores futuros, accedebant incommoda loci non ignota iis qui in ea urbe sunt commorati. Quibus omnibus propositis atq; inter

nos maturo consilio agitat<sup>is</sup> uisū est nobis, esse rep: mutare sedes, itaq; locum angustum cum angusto, suspectum cum libero non idoneum cum opportuno commutauimus. At in ditionem Romani Pōtificis commigrauimus, quid tum quoties in urbe Roma præsidentibus Romanis Pontificibus comm<sup>u</sup>nitia sunt habita frequentissimo patrum concursu, ex ultimis terrarum solis, promulgatæ leges saluberrimæ nemine infidum locum, aut longinquitatem itinerum causanti. At Bononiam recusarunt aduersarii nempe & Tridentum recusarunt quem ipsi locum antea delegarant. Quæ regio in terris fida illis & accessibilis uideatur nisi eiusmodi sit, in qua nos constrictos & cathenatos ad eorum pedes iacentes ac prostratos uideant? Non nouoneq; inaudito exemplo Principes locum mutauimus euoluantur Annales ueterorum comitiorum, quoties uel leuissimis de causis translatæ sunt conciliorum sedes, modo dolus malus absit, quid ad pub. causam momenti affert loci commutatio? cur Bononiani locum non esse tutum ac liberum iactant aduersarii, cuius loci, nondum periculum fecerunt? Accedant intersint cætib<sup>us</sup> nostris, libere sententiam dicant, si afferri sibi uim sentient, reclamant, incauent hominum fidem libere abeant, quando illis accedendi, & reccendi potestas fide publica est data, & uestra auctoritate confirmata nos si Tridento absessimus, iure id fecimus, cuius quidem iuris cognitores ipsi & iudices esse debemus, & concilii sententia huc uenimus, cuius in primis est non modo mutare sedes, uerum & se ipsum soluere si ex usu ac necessitate rerum id fore iudicarit. Nam qui facultatem recedendi quo libeat cōcilio adimuitam sane libertatem eius funditus euertunt, iura omnia Diuina & humana perturbant, deniq; se ipsos concilio constituunt superiores ac iudices, at iniquiunt Tridenti Concilium est iudicium, consensu omnium principum comprobatum, pari ergo auctoritate fuerat transferendum. Putant ne hi Concilium esse subselia illa, ædem illam sacram parietes illos quibus conclusi eramus, quis nesciat Concilium esse patres ipsos auctoritate Romani pontificis, qui Christi locum gerit in terris in spiritu sancto legitime congregatos? Hi ubicunq; fuerint ea ratione dispositi concilium faciunt, uos auctoritate uestra tridentinum Conci-

lium comprobastis, mutari locum nobis placuit, fas est placere & uobis. Quis audeat iure dicere penès paucos illos conciliū residere, qui seiuncti à capite ueluti mortua membra in loco à nobis darelicto permittere. Quos nisi priuatæ rationes & studia partium transuersos agerent non dubitamus. (quæ illorum est ingenii & doctrinæ uis) in uiam ueritatis, à qua uolentes aberrauerunt facile redituros annorū memoria Eugenio, quarto Pontifice Maximo patribus Basileæ congregatis, quanq; statutū esset ne cuiuspiā etiā Rom. Pont. auctoritate locus mutari posset placuit tamē Ferrariā ac deīde Florētiā trāsserri se dē, sēp enī statuētis auctoritas excepta humanis legibus esse Censetur, quum hoc præcipuum sit beneficium temporis, ut qđ hodie conducit, cras minime expedire uideatur. Atque hoc ipso differūt humanæ leges a Diuinis, & ab eo iure quod natura omnibus indidit animantibus. Hæc enim sunt æterna atq; incommutabilia, illæ uero multiplices capiunt uicissitudines pro rerum temporum, atque hominum conditione. Fuere etiam in ea synodo magni quidam uiri qui translationem illam unius Romani Pontificis arbitrio rectē fieri posse censuerint; quod existimarint synodum ipsam ea in re legē Pontifici maximo præscribere minime potuisse, quando negotium eiusmodi non esset ex eorum numero in quibus æquum sit Romanum Pontificem fasces submittere, & obtinere concilio. Quamobrē abeuntibus Basilea Legatis Pont. Max. omnis eius concilii auctoritas concidit. Nam etsi Basilienses patres aliquandiu tumultuati sint, atque Eugenium Pontificem Max. redegerint in ordinem, tamen communis gentium consensus, & tam Orientis quam Occidentis ecclesiæ, id amplexæ & ueneratæ sunt, quod concilium auctoritate Romani Pont. comprobatum de creuisset, at causa nostra est longē melior ac extra oēm posita controuersiam, si quidem loci mutatio non unius aut paucorū uoluntate sed totius concilii auctoritate est facta, sic decretū, sic sancitum publico omniū consensu atque iudicio. Non enim dissensio paucorum efficere unquam potest, quin omnes idem sensisse uideamur. Trita est lex ac promulgata, quod pleriq; faciunt, id cunctos facere existimari. Possimus addere seniorum quoq; partem in sententia nostra fuisse, si liceret singulos con-

ferre



ferre singulis. At posteaq̃ iam receptum est usu & interpretatione maiorum ut maior pars collegii sanior quoq; esse uideatur, non est quòd cæteris detrahamus, nobis uè quicq̃ propriū arogemus. Immortali tamen Deo immortales agimus gratias quod in unione Christianæ fidei sub uno capite firmi constantisq; permanferimus. Eos tamen non possumus non demirari, qui dum de Concilii loco digladiantur, Concilium ipsum negligunt. Vocem Concilii usurpāt rem ipsam et sēdum Cōcilii differunt, atq; abhorrent, Dicant obsecramus, ostendant, quantū ipsi Tridentino Concilio detulerint, num decuris in eo Synodo editis, obtemperarint? num explosas opiniones reiecerint? Quis non intelligit frustra ab iis mentionem Concilii fieri qui suo ipsi more uiuere aliosq; in ætatis suis ferendos esse persuasos habeant? Si Germania uicta ac sub acta a Christiano Principe Christianos leges non recipit num recipiet uictrix, ac triumphās, si rebus integris annis territamur, contumeliis afficimur, fortunis spoliatur, quid fiet rebus profligatis te perdiris? nobisq; in gurgustio aliquo in potestate hostium potentissimorum conclusis? Quamobrem te in prinis Carole Cæsar Imperator maxime atq; inuidissime cōpellamus, qui de manu Romani Pontificis Imperatorium diadema suscepisti, ut Romanam Ecclesiam in qua nulla unq̃ peruersa irrepsit Religio. Ecclesiarum omnium Reginam & moderatricē agnosceres, quæ simulachrum orbis terrarū sanctissima insignitum Cruce traditum tibi à Romano Pontifice summa cuni pietate accepisti, ut intelligeres fas esse te auctore te duce omnia mundi regna Christum Deū sincere colare ac uenerari, qui Bononiæ in celeberrimo Patrum consensu, præsidente Romano Pontifice, districtum uibrasti gladium, dū euangelica lectio publicè recitaretur, ut omnibus piis, atq; impiis palam esset, uindicem te atq; ultorem futurum in eos omnes, qui de Euangelica doctrina aliter sentirent quàm antiqua sãctorum Patrum posceret interpretatio, qui tot ac tantis a Deo auctus es beneficiis, tot uictoriis Augusti-ro-factus ut Magno illi Carolo haud inferior uideare te hortamur te suppli-ces obsecramus, ut quam tutelam Romanæ atq; adeo Christianæ Ecclesiæ maiores tui fortissime gloriosissimeq; gestarūt,

N

eam ipse non deferat, nec patiare unitatem Christiani populi, pro qua Christus innocentissimum fudit sanguinem, improborum consiliis, dissolui ac lacerari. Vos ceteros Reges ac Principes Christianos insignitos caractere qui nulla Re, magisq; Christiana pietate Illustres & excelsi estis, quorum progenitores tot expeditiones, tot bella etiam transmarina pietatis augendæ causa confecerunt, oramus, obtestamurq; in hanc præcipue curam incumbatis, ut uestris amplissimis titulis accedat hæc gloria seruata Religionis, ac redditæ tranquillitatis, quam non alia ratione, quàm pacæ publica & obedientia mandatorum, Dei atq; Ecclesiæ restitui posse existimamus.

### Hier. Niger Apologia

**G**RAUE mihi onus hodierno die sed plenum officii & pietatis uideor suscepisse, uiri ornatissimi, qui Calistum Amadeum Argorum Pontificem nuper extinctum sim laudaturus. Multa enim me commouent, uehementerq; perturbat, primum omnium quod in nobilissimo orbis terræ Gymnasio non modo imperitus sed etiam imparatus ad dicendum accesserim, à quo si summum oratorem Demosthenem ita ferunt abhorruisse, ut nunquam nisi præmeditatus ad orandum uenerit, quanto id ego magis reformidare, ac perhorrescere debeo, qui diuinam illius eloquentiæ uim ne agnoscere quidem nedum imitari possum? deinde quòd tam breui temporis circulo tot & tantarum laudum mihi uersanda sit moles, ut uerear ne id mihi usu ueniat, quod currentibus in stadio cucurrere solet, qui perspecta spaciū longitudine, consternati animo, medio in cursu prolabuntur. Accedit ingens animi dolor, quo ex amici incomparabilis morte conficior, ipsaq; cogitatio humanæ miseriæ, in quam incidere necesse est, quem enim miserabilis mortalium conditio non commoueat, ubi perspexerit quàm paruo momento, ingentia hominum studia, immensiq; labores intendant? Dicendum tamen omnino est, & apud more tot clarissimarum uirtutum flores à nobis delibandi sunt, ne ingrati, aut inuidi uideamur, si extremum hoc laudationis munus uiro optimo atq; amicissimo denegetur. Quod dum bre-

uisime facio, quæso animum aduertite, ac date ueniam, si quid impar tãti uiri uirtutibus, aut si quid forte indignum uestris æruditis auribus attulero. Sunt qui laudationum primordia a generis nobilitate sũmant, quod & si non iniuria faciunt, quod fortes plerunq; uiri nascantur ex fortibus, tamen cum degenerare interdum multos etiam maioribus suis uirtute præluere uideamus, ea uerior, & magis cuiq; propria censenda est laus, quam sibi quiq; suo, ut aiunt, Marte pepererit. Atq; illi primo loco statuendi sunt ( ut opinor ) qui suæ nobilitatis iecerunt fundamenta, primi q; ipsi generis sui tenebras uirtutum suarũ luce fugauerunt. In hoc albo, & conspicuo quidem loco Callistum Amadeum ponendum censeo, qui ut primum per ætatẽ animaduertit se maiorum suorum gloria niti non posse, uiam uirtutis ardenti animo est ingressus, ac post prima literarum rudimenta, atq; ea studia quæ hominem ad humanitatem informant civilis ac Pontificii iuris scientiam est complexus. Est hoc disciplinæ genus cum per se honestissimum, tum ad civilis uitæ splendorem & gloria ualde pertinens, modo ad eum finẽ dirigatur, ad quem initio est institutum, quid enim præclarius quam consilio iuuare quam plurimos, controuersias dirimere, ius petentibus dicere ex lege institutoq; maiorum? Nam lites ex litibus serere, causam inferiorem, superiorem facere, tam est præter intentionem eorum qui leges tulerunt, quam Mors & interitus à medendi arte. Idcirco enim conditæ sunt leges ut sciant homines quid suum, quid alienum sit, ut earum metu mali coerceatur, boni uero earum præsidio conquiescant. Et quoniam ex breuiter scriptæ sunt, nonnunquam etiam sub obscuræ ac propter hominum peruersa ingenia uarias recipiunt interpretationes, capropter apud omnes gentes, atq; omnibus sæculis summo in honore fuerunt legum interpretes, quos tanquam oracula in publicis & priuatis rebus consulere necesse est, itaq; legum dignoscendarum studio incensus Callistus è Mathelica Piceni oppido natali suo loco, Perusiam primum deinde Bononiam ad publicum se Gymnasium contulit. Vbi usq; adeo profecit, ut non pecuniæ gratia, quod plerunq; fit, sed uirtutis ergo donatus laurea, ius civile ac Pontificium magna auditorum frequentia professus fuerit. Inde sacris initia-

tus Romam adiit Iulio secundo Pontifice Max. in qua urbe  
 nidi ego, uiderunt multi qui adsunt, Callistum summa cum in-  
 tegritate ac prudentia ius reddentem, nihil non sincerum, ni-  
 hil non maturo iudicio discussum ab eo proficiscébatur, omni-  
 bus comis, ac iucundus, faciles unicuiq; ad se aditus præbebat,  
 non æternæ apud eum controuersiz, non auaritia, non crudeli-  
 tas in eo ulla uisèbatur, Enimuero magnum ac prodifficile est  
 cum popularium gratia exercere iudiciũ mitto infinitas penè  
 molestias, quibus circumfundi necesse est eos, qui publicè iu-  
 dicant, Patroni causarum non tot aduersariis, & clientibus  
 quot iudicibus insidias exstruunt, quod cauillis proficere ne-  
 queũt, id precibus & precio assequi student, si seuerus est iudex,  
 durus illico, & in humanus appellatur, si paulo remissior fuerit,  
 nimis lenis & perfractus censetur, at Callistus noster hosce  
 scopulos, has sirtes deuitans æquum se omnibus, & amabilem  
 semper præbuit. In illa corrupta, & corruptrice urbe, ius dicen-  
 do æqualiter, suum munus diligenter moderateq; proagendo,  
 summam laudem est consecutus. Verum dicam ne an fileam?  
 neque uiri Clarissimi sine dolore, ac sine nota nostrorum tem-  
 porum ingratorum hominum perfidiam recensere. Dum is  
 fructum aliquem laborum suorum sperat, desertus ac proditus  
 à quibus minime debuissent specie honoris in periculosam  
 prouinciam relegatur. Velut alter Hercules ab Euristeo ad per-  
 domanda monstra, per omnem Romani Pontificis ditionem  
 ad querelas populorum aduersus prætores cognoscendas mit-  
 titur non erat huic dubium quin id muneris non in pœnam  
 sceleris aut flagitii, sed in odium Iustitiæ rectæq; sententiæ si-  
 bi deferretur, tamen accerba illa & ingrata laborum suorum  
 præmia cum uitæ discrimine coniuncta non tenuit. Exiuit ala-  
 cri Aninio in difficillimam prouinciam, ut maiora in dies in-  
 nocentiz suæ testimonio perhiberet, neq; Italiæ tantum urbes,  
 quæ in potestate Pontificis Max. sunt sed & Narbonensis Galliæ  
 loca omnia Ecclesiastici imperii peragrauit, De prouocationi-  
 bus & querelis cognouit tanta æquitate, tantaq; modestia, ut  
 & saluti populorum & dignitati principis optime consulue-  
 rit, Reuersus in urbem cum nihilo placatiores eorum Animos  
 reperisset, qui indigne in se concitati fuerant, statuit locum ali-

quem sibi deligere extra omnem ambitionis aleam positum, non ad ignauiam & desidiā, sed ad diuinum obsequium accommodatum. Etenim non sibi sapiunt ii ( mea quidem sententia ) qui cum ex lectione grauisimorum auctorum, usuq; ipso quotidiano dedicerint, quot & quantis perturbationibus obnoxii sint, qui popularem gloriam affectant, extremam saltem xui sui partem Deo dicarem, & quasi extremum actum fabulæ recte agere non student, quare delatam sibi Veronensis Ecclesię administrationem suscepit, atq; in ea eiusmodi monumenta reliquit inocentię, integritatis, & pudoris, quæ nulla unquam uetustas, obruet, nulla delebit obliuio. Postremo oblata Patauinæ Ecclesię regendæ prouinciam unā cum argorum pontificatu non repudiāuit; eo scilicet Animo, ut quod præstare Argolicis ciuibus ob longinquitatem loci non poterat, Patauino populo commodus præstaret. Quo in loco siquis uos ad unum interroget, quam personam sustinuit, una omnes uoce conclamabitis hunc pastorem, non mercenarium, Parentem non alumnū, alterum urbis conditorem, non peregrinum hominem extitisse. Erat in nonnullis hominibus nostri ordinis ( ut uera non dissiulem ) tanta arrogantia, tanta licentia, ut ea non nisi summa legum seueritate, maximaq; pœnarum acerbitate frenari posse uideretur. Eapropter non de fuere, qui malorum impunitatem cupientes Callistum crudelitatis & seuitię accusarent, quibus illud exploratum uelim esse, ut uirga inflexa & incurua non potest alia ratione recta fieri nisi in contrariam partem conuertatur, ita deuios homines a recta uirtutis semita & in prærupta uitiorum præcípites, non aliter quam legum habenis & seuera animaduersione posse retineri. Sed quænam fuit in hoc hominem tanta seueritas? cuiam perenti ueniam non facile concessit, quem non ardentem ira, & ulciscendi libidine percitum leni sermone, atq; omnibus condimentis humanitatis mitigauit? quod si quem ex legibus, atque edicto multauit, num sibi multam Arrogauit? Num cum iniuria detrimentoue alterius auxit rem suam familiarē? uos appello Principes ciuitatis, uerum aduoco testimonium ciues oprimi, sub quorum præsidio, ac tutela, Xenodochia urbis posita sunt, neq; enim uos præterit pauperum &

erumnosorum beneficio semper adscriptum fuisse, quicquid ex multatitia pecunia congeri potuisset.

Quod si cetera deessent testimonia, testis esto summa huius paupertas, in qua & uixit, & mortuus est sed quid ego te Calliste paupertas uixisse & obiisse dicam? uixisti tu quidem doctrina, uirtutibus gratia locupletissimum, diem obiisti, celebritate nominis certissima spe immortalitatis ditissimus, Thesauros in coelo tibi comparasti, quos qui possident, soli sunt diuites, ò te felicem, ac perbeatum, qui uite Curriculum honestissime confecto & in urbe Italiae longe Clarissima in muneribus uero antistite dignissimis ad eam uictor peruenisti metam, quam constituit deus diligentibus se, nos uere miseros dixerim & calamitosos, qui tua destituti ope, iactamur his fluctibus, qui amisso gubernatore contrariis hinc & inde uentis agitamur, ueruntamen, quæ tua semper fuit in nos beneuolentia & caritas, ne extremo quidem hoc tempore nos deferres, confido enim fore, ut quemadmodum uiuens consilio nobis atq; opera præsto fuisti, ita & mortuus apud immortalem Deum, perpetuus noster adiutor & fautor sis futurus.

- I Ex omni disciplinarum genere, quæ ad excolendam hominum uitam pertinent, nulla profecto præstantior est atq; sublimior Theologia, quæ cum rei quam pertractat nobilitate, tum uero usu, deq; utilitate, quæ ex ea prouenit longè omnibus disciplinis, atq; artibus est conferenda, uersatur enim in Dei Optimi Maximi cognitione, quo nihil est admirabilius, nihil sublimius, quantum autem utilitatis afferat hæc Sapientia, nemo sanus ignorat. Namq; si medico proposita est salus corporis, Animi Theologo proposita est, & uita Beata, si philosopho attributa est Naturæ cognitio, Theologo debetur eius, qui supra naturam est contemplatio, si Astronomo Astrorum cursus, & celestium corporum aspectus est considerandus, ad Theologum inuisibilis solis, & uniuersi orbis, conditoris meditatio spectat, si iurisperito legum peritia conuenit, ad Theologum spectat, supremi legum latoris, qui supra omnem legem positus est perscrutatio non immerito igitur Caesar Fancus

minoritanæ ac Seraphicæ Religionis professus, quem præsentem intuemur, nullis laboribus, nulli pepercit industria, ut ad intimam diuinæ huius sapientiæ cognitionem penetraret, cuius quidem rei, nobis hodierna die, locupletissimum protulit testimonium. Nam & doctè prælegendo, & acute disserendo facile ostendit quantum in hac sublimi sapientia profecerit, quamobrem ne eximia huiusce uiri uirtus, & perpetui labores, quos pertulit, suo præmio fraudentur, nos Apostolica auctoritate qua fugimur, & uirtute priuilegiolorum, nobis & collegio nostro Militum S. Petri, ab Apostolica sede concessorum, te liberalium artium, & sacre Theologiæ Magistrum facimus, creauimus, & pronunciamus, Ius tibi plenissimum tribuentes Magistralem Cathedram, regendi interpretandi, cæteraq; omnia faciendi, quæ reliqui artium, & Theologiæ Magistri facere consueuerunt ac possunt, uolumusq; ut omnibus prærogatiuis, & fauoribus potiaris & gaudeas, quibus reliqui artium, & Theologiæ magistri ubiq; gentium potiuntur & gaudent. itaq; te coram nobis constitutum, & humiliter petentem, Magistrali corona decoramus ac perpetue pacis osculo cōplectimur monemusq; ut armatus lorica fidei, & Galea salutis, aduersus omnes Christianæ ueritatem impugnantes audacter insurgas Apostolicæ sedi unde hæc honoris manant insignia, fidelis semper sis atq; obediens actionesq; tuas, oratione dirigas ad illius honorem, & gloriam, qui trinus & unus regnat in secula.

- 2 Qui de moribus ac ciuili uita copiose luculenterq; scripserunt, ornatisime confessus, non in postrema laudis parte, posuere, Illustri loco, clarisq; parentibus ortum, ac liberaliter educatum haud mirum est quoniam si arbores fructificæ, si Animalia ueterina canes, uolucresq; ad uenandum apti, a soli bonitate in quo hæc nata sunt, commendari solent, quanto id magis hominum generi consentaneum uidetur, in quibus uirtutis agnitio Maiorumq; æmulatio, & gloriæ appetitus iucundissimus reperitur hinc enim legimus, Themistoclem illum ducem Atheniensem summum, intempesta nocte experrectum, fora omnia urbis obambulare solitum fuisse, atq; interrogantibus quid ita faceret, respondisse

## O R A T I O

Milciadis Tropheis se e somno excitari, cum ipse iisdem gloriæ stimulis ageretur, quamobrem Io. Antonii Clanoni laus non ultima est, quòd in urbe Vicentina, nobilissimo genere sit natus, quæque urbs, ciuium Magnificèntia diuitiis agri ubertate, amanitateq; nulli, alteri totius Italix cedit, cum enim Italiam dico, totius terrarum orbis florem dico, quod optime norunt ii, qui aliquando transalpes, comearunt, quod mihi nonnunquam accidit, uerissimumq; èt Vergilianú illud oraculú deprehēdi, qui sic aliqñ cecinit.

Sed neq; Medorum siluæ dictissima terra,

Nec pulcher Ganges, atq; auro turbidus Hermus

Laudibus Italix certent, non Bactra, neq; Indi,

Totaq; turiferis Panchaia Pinguis Arenis

Iactet; Lusitania auriferum Tagum, iactet India Ebur,

Et indici Maris Margaritas,

Modo Italia fortes, & sapientes iactet uiros, qui de uniuerso terrarum ambitu triumpharunt & nunc quoq; triumpharent, nisi pro dolor in contraria diuisi studia mutuis se discordiis affligerent ac debilitarent, sed ad te iam redeo Io. Anto. qui clavis natalibus, totq; & tantis ornamentis, non contentus, hanc quoq; doctrinæ & iuris prudentiæ laudem tibi comparasti, cuius hodierno die in celeberrimo hoc loco, Manifestissimum iudicium protulisti, quo factum est ut Amplissimus hec ordo, quo nullum habet terrarum orbis honestiorem & sapientiore, nemine horum patrum penitus dissentiente, dignissimum te iudicarunt, cui laurea decernatur corona, nos uero decretum hoc honorificentissimum collaudantes & pontificia qua fungimur auctoritate te nunc, Doctorem utriusq; iuris facimus dicimus & pronunciamus dantes tibi licentiam glosandi interpretandi, Cathedram Magistralem ascendendi, cæteraq; faciendi, quæ Doctores utriusq; iuris facere consueuerunt & petendi in super insignia, ab excellentiss. promotoribus tuis quibus habitis, & susceptis eisdem utaris & gaudeas ad laudem Dei omnipotentis & patriæ tuæ ornamentum.

- 3 Philippus Macedonum Rex Magni Alexandri pater Ampliss. confessus, cum uno eodemq; tempore seu die, ter nos  
fe-



felices accepisset nuncios, primū Illirios, ab eius Duce Par-  
 menione ingenti prælio superatos, secundū natum sibi filiū  
 Alexandrum, tertium uero suum in Olympico Victorem  
 equum extitisse magna perfusus letitia, Rogasse Deos fertur  
 ut tristem aliquem sibi nuncium mitteret, qui tam felici re-  
 rum successu, totq; Victoriis exultantem animum compri-  
 meret, quod si tano Regi non parua uisa fuit accidisse feli-  
 citas suum in Olympico certamine Victorem equum fuisse  
 nunciari, quanto maior atq; Illustrior Odorico foro Iuli-  
 ensi, felicitas hodierno die contigit, qui in literaria Palestra,  
 atq; hoc in campo omnium nobilissimo, Victor euaserit, si  
 quidem is ut cæteras eius laudes, non omnino silentio inuo-  
 luamus, Vtini natus, quod oppidum est Venetiæ Regionis  
 Italiæ, admodum celebris Verustissimum à Iulio Cæsare pri-  
 mum conditum, deinde ab Hunnis, qui Attila Rege Orā  
 hanc Italiæ deuastarunt restitutum, quo ipse ex Ruinis  
 uicinarum Urbium, & ex nobilissimorum ciuium fuga Ve-  
 netiæ urbs condita in hunc quem cernimus culmen. Magni  
 ficientiamq; peruenit, in ea igitur urbe florentissima, hone-  
 stis parentibus ortus Odoricus hic noster, cum primum per-  
 ætatem licuit ad Celeberrimum hoc Gymnasium se contu-  
 lit, in quo sub Clarissimis præceptoribus, ciuili ac Pontifi-  
 cio iuri, tantum studii opereq; impendit, ut breui temporis  
 curriculo in præstantissimum euaserit iurisconsultum, testan-  
 turq; hoc, cum alia multa de eo facta pericula, tum uero cer-  
 taminis hodierni exitus felicissimus, uestrumq; Patres Op-  
 timi, honorificentissimum de eo iudicium, Nemine peni-  
 tus dissentiente, cuiq; optimæ merito etiam, in uictorie si-  
 gnum Lauream decreuistis, quod decretum Nos, ut ad te  
 iam ueltra conuertatur oratio, collaudantes, te inquam au-  
 thoritate qua fungimur, in utroq; doctorem, cum omni iu-  
 ris plenitudine, pronunciamus ac declaramus, quamobré  
 possis iam arbitrato tuo, à præstantiss. promotoribus tuis,  
 quos ad te honestandum accensos uideo tanti honoris insi-  
 gnia petere ac suscipere, & cum Philippo Rege, de quo an-  
 tea meminimus, non tam felici hoc successu, gaudere, quam  
 Deo Optimo Maximo, quicquid id est, acceptum referre, à

quo omne datum optimum & omnem donum perfectum descendit à patre luminum, cui omnis honor & gloria debetur in secula.

- 4 Magna quidem ac penè infinita sunt à Deo Optimo Maximo in humanum genus collata beneficia Ornatisime cōfessus, sed nullum est præclarior, atq; Illustrius, quàm quòd homini quem cæteris animantibus Imperatorum ex animo, corporeq; conflauerat, Animaduertens eum protoplastorū culpa, in plurimas grauissimasq; xū animi tum corporis ægri- tudes prolapsurum, duo salutaria pararit remedia, rationem scilicet, quæ perturbatas animi affectiones, tam ex irascibili, quam ex concupiscibili fomite, erumpentes reprimet, & Medendi facultatem qua præditus ægris corporibus salutem afferret, sanis autem habitum bonum conseruaret, primum sanè, ex nulla disciplina magis quam ex Philosophia, sibi comparari potest, quæ si ad eum usum, ad quem diuinitus data est conuertatur, quid pulchrum, quid turpe, quid honestum, quid utile sit facile ostendit, illa regit dictis animos, & temperat Iras. Alterum uero quod ad corporis tutelam pertinet, ex ipsa medendi scientia Diuino beneficio comparatur, quis enim hoc inuentum alteri quam Immortali Deo tribuat, cuius proprium est salutem hominibus dare, partamq; conseruare? aut quis Hortulis insitam uim plantarum, mineraliumq; diuinare potuisset, nisi Deus ipse Optimus Maximus earum rerum conditor, naturæ arcana hominibus patefecisset, Hoc sacræ attestantur literæ, quibus proditum est, summo honore afficiendum etiam Medicum, quod cum altissimus procrearit, Recte itaq; fecisse uisus est Laureandus noster Colantonius, qui cum præclaras artes ac disciplinas libero homine dignas, philosophiamq; ipsam animi moderatricem sibi comparasset, ad medendi scientiam cupescendam se contulit, in qua sic excelluit, ut hodie in hæc publica Harena, & campo omnium nobilissimo insignens sit, uictoriz laudem consecutus, nemine uerum penitus dissentiente, cōcorditerq; omnium suffragiis dignus habitus est, qui in diuina Medicinæ facultate, non uiolacea, sed Laurea & semper uirenti corona dona-

retr. quod nos iustissimum decretum Pontificia auctoritate qua fungimur comprobantes te.

- 5 Memoria proditum est, Ornatisime confessus Biantem prientum unum ex septem Græciæ sapientibus, proficiscenti in Ægyptum filio, ac siscitanti quid potissimum faceret, quod sibi utilissimum foret, paucis ita respondisse, Fili mi uaticum tibi ad Senectutem para, quod nunquam deficiat, uirtutem scilicet & sapientiam cætera nanq; externa & corporis bona tot fortunæ casibus obnoxia sunt, ut interdum paruo momento, & solo istu oculi protinus euanescent, sola uirtus fida ac perpetua est, huiusmodi Comes & uiuenti & mortuo, ex omni autem uirtutum genere legum prudentia nobilissimum sibi locum uendicat. De cuius laudibus minime opere precium duco hodierna die uerba facere, cum etiam sæpe numero hoc loco decantatæ sint, ac ueluti Cambræ repetitæ fuerint, tum uero quod illius dignitas & amplitudo, nulla magis ratione, quàm ex uestra omnium dignitate atq; amplitudine dignosci queat, superest igitur ut ad hunc Laureandum nostra iam conuertatur oratio, qui ex Biantis pcepto, hanc ipsam Iuris scientiam ueluti uaticum ad senectutem tibi comparasti in qua quantum profeceris, hodierni certaminis exitus declarauit, cum hi Clarissimi P. nomine eorum penitus dissentiente te dignissimum iudicarent, qui in utraq; Censura, Lauream semper uirentem in patriam reportares. Quos nos Decretum collaudantes Pontificia qua fungimur Auctoritate te in utroq; Iure Doctorem, cum omni Iuris plenitudine, creamus ac pronunciamus, Quamobrem ab his Clarissimis legum interpretibus promotoribus tuis posito ea atq; accipias consueta huiusce honoris insignia ad illius gloriam qui trinus, & unus regnat in sæcula.

- 6 Philippus Macedonum Rex Ornatisimæ confessus, Alexandro Filio suscepto, confectum ad Aristotelem scripsit, non tam letari noua prole, quàm quod eam Aristotelis ætate suscepisset, à quo Filium pclaris artibus & disciplinis optimæ instituendum speraret, Nec sua eum sefellit opinio, ex quo maiorem gloriam consecutus est Alexander, quod

Aristotelis discipulus fuerit,quàm quòd Phillippo patri in Macedonia Regnum succefferit , si quidem unum, uirtutis aliud uero fortunæ beneficium fuit,non exigua quidem est adiscantis felicitas,optimos inuenisse præceptores,quemadmodum & sub Ducibus Clarissimis Militasse non ultima Militum est laus, quod feliciter euenisse cernimus Hier. nostro, qui in celeberrimo hoc Orbis Terræ Gymnasio, sub eminentissimis præceptoribus tum Philosophis,tum Medicis, Optimis artibus libero homine dignis,tantum opere studiisq; impendit ut breui tēporis curriculo ,in præstantissimum Philosophum Medicumq; euasisse uideatur, cuius qui dem rei,cum alibi sæpe,tum uero hodie , Manifestissimum periculum fecit , nanq; & Aristotelem & Galenum prælegendo & argumenta in contrarium adducta soluendo , & propositum casum explicando eum se uerum præbuit,quem Iure Optimo Vos uniuersi patres,celeberrimi, uestrum penitus dissentiente, Laurea Corona in liberalibus artibus,ac Diuina Medicina dignissimum iudicatis, Nos itaq; Decretum huiusmodi comprobantes te &c.

- 7 Solon Philosophus , qui Atheniensibus optimas leges dedit P.Clarissimi supremo uitæ die, Assidentibus Amicis , atq; inter se uoce summissa,de contemnenda morte differētib;ut sunt admodum auriti ægrotantes, præsum iam imminente fato,caput erexit, interrogatusq; quid nam sibi uellet, respondit, hoc enim uolo ne me morientem lateat id de quo disputatis, quid nos facere decet, florenti æuo , ualitudine Integra,exiguæ Doctrinæ homines, si capularis senex Sapientissimus, Moriens,tanta discendi cupiditate flagrabat?Silentio prætereo breuitati studens, Pitagoram Samium,Anaxagoram,Platonem,Democritum,& innumerabiles formæ alios,qui in perpetua peregrinatione uitam duxerunt,ut ex uniuerso terrarum Orbe sapientiam colligerēt quam ipsi postea in omnem posteritatem dispergerent ac propagarent , quæ res nostrorum temporum calamitatem coarguit, quoniam pleriq; patriis rapti delitiis , desidia ocioq; marcescunt. Quorum corruptos , Mores auersatus Laureandus noster.H.P. ad ueterum effigiem animum com.

ponens, ex ultimis terræ finibus Nobilissima patria egressus, uelut alter Vlisses uarios hominum mores, urbemq; perlustrauit, in quibus optimas artes libero huiusmodi dignas, Mox Theologiam deinde Ius ciuile ac Pontificium non ipsum in cortice, sed medullitus, ediscendum curauit, postremo uero non exiguam sibi gloriam ratus, ex eo comparari, si hæc Antenoreas Athenas, quibus nihil spectabilius habet terrarum orbis, inuiferet, huc se se contulit atq; hoc in loco extremam manum suis laboribus, ac cæpto operi, quod Græci Colophonem dicunt, imponendum duxit. Nam ut Alexander Macedonum Rex, non parum sibi ad laudem cōducere existimasse ab uno Apelle pingi, & ab uno Lysippo fingi ita & hic letissimus adolescens, lure Optimo arbitratus est, tum demum fore honestum, si ad huius Amplitudinis ordinis manu acceptā Lauream in patriam reportaret quqd huic felicissimæ euenisse gratulamur, factō itaq; de eo deq; doctrina eius ingenio, & memoria diligenti periculo, Hi. P. Clarissimi concordibus suffragiis, ac eorum nemine penitus dissentiente, ipsum dignissimum censuerunt qui in Doctorum utriusq; Iuris gradu, atq; Ordinario referatur. Quorum nos Iudicium ut parem, insequentes auctoritate Pōtificia qua fungimur, te utriusq; Iuris, Doctorem creamus pronunciamus & declaramus, plerunq; ius tibi concedimus omnia gerendi & exercendi quæ utriusq; Iuris Doctores facere consueuerunt, ac possunt, uolumusq; ut omnibus muneribus honoribus, & prærogatiuis potiaris & gaudeas quibus cæteri eiusdem Ordinis Doctores potiuntur & gaudent, Age igitur Doctissimæ Iuuenis & ab his Clarissimis legum luminibus promerita prius tibi debita, huiusce honoris & ornamenti insignia, pete & suscipe.

- 8 Posteaquam nulla opera nostra nullisq; meritis, sed Diuino factum est numine Ornatisimæ concessus, ut molem hanc nostris haud æquam uiribus sustineamus, utemur Platonicæ atq; adeo Christiana Oratione, dicentes. Summe pater Cælitum, mundi fabricator & opifex, da ut non quod uobis optimum uidetur sed quod tu optimum fore sentis perficiamus, uos autem Patres celeberrimi qui in sacratissimo hoc

loco, aliene uirtutis Iudices confidētis, oratos atq; obsecra-  
 tos uolumus, ut si quid à nobis perperam fuerit enunciātū,  
 id omne non deprauato animo, sed ingenii nostri tenuitati  
 tribuendum putetis, si quid uero recte, atq; ex animis sen-  
 tentia uestri, dictum a nobis fuerit id ad omnipotentis Dei  
 gloriam referatis, Hæc pauca præfati, ad ea quæ nostri mu-  
 neris sunt transeamus. Constat enim ex omni rerum genere,  
 quæ mortalium uitam exornant, nihil esse præstantius, nihil  
 admirabilius, sapientia, nam cum ex animo corporeq; con-  
 stemus, alterum cum brutis animantibus cōmune nobis est,  
 alterum cum cœlestibus ac beatis spiritibus, promiscuum  
 habemus, proinde qui corporeis indulgent sensibus aut ni-  
 hil, aut parum admodum distare uidentur a brutis, qui uē-  
 ro animum præclaris imbutū disciplinis hi proxime ad im-  
 mortalem Deum accedunt, & quodammodo cœlestē in terris  
 uitam ducunt, itaq; hi summa laude digni censendi sunt,  
 Qui cum primum e pueris exceßerunt, patria parentibusq;  
 relictis ad celeberrima litterarum Gymnasia se conferunt,  
 nullis parcentes laboribus & impensis, ut scientiis locuple-  
 tati, ad lares patrios reuertantur, sibiq; ac suis, usui atq; orna-  
 mento esse possint, nam si qui Mercaturam exercent laudē  
 promerentur, quod per uarios casus per tot discrimina re-  
 rum, peruagati, demum mercibus onusti in patriam reuer-  
 tuntur, quanto maiore digni sunt laude, qui longo studio  
 comparata scientia patriam repetunt, quam Consilio uirtu-  
 te atq; industria pacis belliq; temporibus iuuare possint.  
 Quo in ordine reponendum censeo, Prometheum Hernidiū  
 Clesicum, Spoletō Oriundum, seu Romana Ciuitate dona-  
 tum, uirum ecclesiasticis titulis, atq; honoribus iusignem,  
 qui relictā urbe Roma, in qua non exiguam melioris fortu-  
 næ spem conceperat, audito nomine Parauini Gymnasi,  
 toto terrarum orbe celeberrimi, Huc conuolauit, ut ex hoc  
 fonte, ac potius magno omnium scientiarum Oceano, co-  
 gnationem Ciuilis ac Pontificii Iuris hauriret in quo eo usq;  
 progressus est, ut uere uideatur, Prometheus illum à scripto-  
 ribus celebratum fuisse imitatum, quem tradunt Poete,  
 ignem e cœlo, hoc est sapientiam surripuisse, per ignem enī

prisci uirtutem & sapientiam figurarunt, quæ perpetuo lu-  
cet & mortalium animos ad fortia gerenda & sustinenda  
inflammatur, is enim tam apposite tam concinne ingenii &  
doctrinæ suæ periculum fecit, ut à uobis Iure Optimo di-  
gnus habitus sit, qui uerum nemine penitus dissentiente in  
utroq; iure Laurea condonetur, quam ob rem Nos  
Annunte hoc Ornatisimo Collegio Auctoritate Reueren-  
disimi Cardinalis Pisani Patauina Ecclesiæ administrato-  
ris perpetui, cuius locum licet indigni tenemus, Te docto-  
rem in utroq; iure pronunciamus & declaramus, tibiq; facul-  
tatem concedimus, in utroq; rursus legendi interpretandi,  
consulendi cæteraq; faciendi, quæ Doctores utriusq; Iur.  
facere consueuerunt & debuerunt, Surge igitur, & à promo-  
toribus tuis consueta honoris insignia, pete & accipe cum il-  
lius benedictione qui pater est luminum, & auctor omnium  
benedictionum Iesus Christus.

- 9 Plato summus Philosophus, Ornatisimæ confessus, à quodā  
interrogatus, quid nam inter peritum & imperitum hominē  
intereffet, quod inter medicum, ægrotumq; respondit, nul-  
lus enim animi, morbus grauior & periculosior est ignoran-  
tia, nulla accommodatior & salubrior Medicina, quam sa-  
pientia, solebat etiam idem Philosophus, ex Socratis præce-  
ptoris sui, scientia differere, grauius puniendum fore, qui  
ignorantia peccat quam qui malitia, propterea quod qui  
hoc modo peccat, cum ingenio non careat, interdum etiā  
bene agere potest, qui uero supina & crassa labitur ignoran-  
tia semper peccat, uitanda igitur est, tanquam pestilentissi-  
mus morbus, omniq; ui à nobis omittenda, ut animum e cæ-  
lo ortum, & in cecam hanc corporis caliginem iussu crea-  
toris detrusum, cælestibus imbuamus disciplinis ut pristinæ  
uæ memor dignitatis, nihil aliud quam immortalitatem, &  
ueram gloriam meditetur, Hæc assidue cogitans Franciscus  
Alpinus Vicentinus ut primum sibi per ætatem licuit ad  
celeberrimum hoc orbis Terræ Gymnasium tanquam ad  
omnium scientiarum emporium, se contulit in quo nulli  
magis rei, quam excolendo disciplinis animo, egre-  
giam nauauit operam, nam post humaniora studia, in

## O R A T I O

quibus non mediocriter excellit , differendi artem  
 moralem,deinde ac naturalem Philosophiam,mox diuinā,  
 postremo medendi scientiam,sic est complexus, ut uestrum  
 omnium calculis,ac nemine penitus dissentiente Laurea Co  
 rona in liberalium artium ac Medicinæ scientia dignis  
 simus fuerit,iudicatus , quamobrem nos huius Amplis  
 simi Collegii unanimi consensu auctoritate Reuerendis  
 ac Illustrisissimi Francisci Cardinalis Pisani, Patauinæ urbis  
 Pont. ac celeberrimi Patauini Gymnasii Cancellarii in præ  
 sentia locum uicesq; gerimus te Franciscum Alpinum in ar  
 tibus & Medicina Doctorem creamus, pronunciamus, & de  
 claramus,tibiq; facultatem tribuimus, legendi interpretan  
 di, Magistrale Cathedram ascendendi , ceteraq; exercen  
 di & gerendi quæ reliqui in artibus & Medicina Doctores,  
 tam de Iure quam de consuetudine facere possunt ac debent  
 uolumusq; ut omnibus & singulis Iuribus præminentis, Im  
 munitatibus & prærogatiuis, potiaris & gaudeas , quibus  
 ceteri in artibus & Medicina Doctores potiuntur & gau  
 dent. Surge igitur mi Alpine eruditissime , & ab eximiis  
 promotoribus tuis, hoc celeberrimo applaudente Collegio  
 honoris tuis promerita insignia pete & accipe , cum illius  
 benedictione est origo.

- o Demetrius Syriæ Rex Antigoni filius , qui à Græcis ptoli  
 portos, hoc est Urbium expugnator, dictus est, captis Mega  
 ris, audita fama Stilphonis Megaren. philosophi ea ætate ce  
 leberrimi, eum ad se uocatum interrogauit, an ne quid sibi  
 suarum rerum Miles eripuisset , Cui nihil a nullo sibi erre  
 ptum fuisse , respondit, subiiciens nunquam audisse , cui  
 quam sapientiam eripi posse, ob idq; Iure Optimo existi  
 mauit, fortunæ bona nostra non esse, Sapientiam uero solā,  
 in bonis propriis fore connumerandam. Hinc præclara illa  
 Arpinatis exclamatio , Quanti æstimanda est uirtus , quæ  
 nec eripi, nec surripi potest, quæq; nec Incendio, nec Nau  
 fragio amittitur, nec ulla temporum permutatione , com  
 maculatur, qua præditi qui sunt, soli sunt diuites, soli possi  
 dent res fructuosas ac sempiternas . Hæc assidue conside  
 rans Stephanus Cathelanus Sacerdos Leniacen. quem pote  
 statem



statem intuemur nulli rei magis, quam excolendo uirtutibus Animo, dandam sibi operam iudicauit, hanc unam firmam stabilemque possessionem fore, ratus, quæ non uim, non grandinem, non ipsum etiam (ut poete aiunt) Fulminantem Iouem pertimescat, idque sibi maxime consentaneum duxit, cum ex sacris literis didicerit, labia Sacerdotis scientiam custodire, & legem ex ipsius ore requirere cum Angelus Domini exercituum sit. Quamobrem is humano ac diuino Iuri perdiscendo, plurimum laboris & operæ impendit, quod hodie in sacratissimo hoc loco, atque hoc Patrum ornatissimo collegio, luce meridiana clarius ostendit. Quo factum est ut Patres hi celeberrimi, per eorum in omnes optime meritos liberalitatem, uniuscuiusque ipsorum consensu, ac nemine penitus dissentiente, dignum te Stephanum Castellanum Laureæ censuerunt. Nos uero Reuerendissimi, & Illustrissimi Cardinalis Pisani, Patavinæ Ecclesiæ pontificis, auctoritate qua fungimur, te inquam utriusque Iur. Doctorem facimus dicimus & pronunciamus, dantes tibi &c.

- 11 Ex omni rerum genere quæ mortalium uitam, exornant: Nobilissime Antistes uiri Ornatisissimi, nihil omnino esse sapientia præclarior, atque Illustrius Sapientes Viri iudicant, nam quum ex Animo corporeque constemus, corpus quidem cum brutis animantibus commune nobis est, Animum uero cum cælestibus promiscuum habemus, pro inde qui corporeis indulget sensibus si nihil ferè distare uidetur à Brutis, qui autem Animum uariis excolunt disciplinis, si proximum est ad Deum Immortalem accedere, & cælestem in Terris uitam agere existimantur. Nec iniuria sanè Sapientissimi illius Philosophi sententiam præci Laudauere dicentis oculum sine literis Mortem esse, & uiui hominis sepulturam, nam ut cibi potuque alitur corpus, ita sapientia nutritur & uiuit Animus, qui cum originem è Cælo duxerit, suapte natura ad cælestia semper aspirat, summa itaque laude digni censendi sunt, qui ut primum ex ephæbis excesserunt patria parentibusque relictis, ad celeberrima studiorum Gymnasia se conferunt atque ab excellentibus ingenio & Doctrina uiris, bonas artes adiscunt, nullis laboribus aut impensis parcent

tes ut doctiores in patriam reuersi, sibi ac suis usui ornamentoq; esse possint, & enim si Mercaturam exercentes, non carent sua laude, quod post terræ Marisque pericula, onusti Mercibus ciuitates ad quas perueniunt, multis afficiunt commodis, quanto magis laudandi sunt ii, qui locupletati scientia in patriam redeunt. Consilio auctoritate opera iuuare potest Remp. ex quorum numero atq; ordine censendus est VVolfangus Furtmaerus, ex Nobilissima superiore Germania ortus, oriundusq;, cuius quidem Gentis & Nationis, Laudes si pari splendore orationis prosequi uelim, sanè ue reor ne me dicentem uox & dies ipsa deficiat nulla est enim intoto terrarum orbe prouincia, seu bellacissimorum hominum copiam, seu fidem & constantiam, siue doctrinam, uariarumq; usum artium spectemus. Germania ipsa præstantior, aut Eminentior, nostri Iulium Cæsarem iactant, rei militaris peritissimum ducem, uerum is in debellanda uel minima Germaniæ parte, plus laboris & opere, quam in uen dicando sibi imperio Romano, impendit. Aut ita multo post imperante Augusto Cæsare cunctis formidolosa fuisse Romana arma, memoriæ proditum est, at Robustissimas Romanorum legiones cum Lelio & Quintilio Ducibus à Germanis, concisas, & deletas legimus, tantumq; uirtutis & fidei, in Germano Milite extitisse tradunt Historiæ ut Cæsares ipsi, non alium militem quam Germanum suorum corporum, custodem præesse uoluerint. Iam uero quis nesciat tormenta bellica quibus nostri utuntur exercitus, & impresorum librorum artem, duo stupenda rerum miracula, quæ ueteres nostri nunquam somniarunt, Germanicum inuentum fuisse. Huiusce Gentis rursus, uirtutem fidem religionem admirati superioris ætatis Pontifices Maximi non alia ratione culmen imperii Græcorum Socordia penè euersum, & Apostolicæ sedis Apicem, ui impiorum hominum prope deiectum & iacensem, restitui posse existimarunt, quam si imperii iura in Germanos ipsos transferrent, ac sub eorum præsidio, & pietate tuti conquiescerent, pro quo accepto beneficio, & si nonnulli ætate nostra, parum se se gratos exhibuisse uisi sunt sperandum tamen est ope Diuina, ac Pauli

Tertii Pontificis Max. Et Caroli Quinti Cæsaris inuictissimi Prudentia felicitate uirtute breui fore , ut cecutientium tandem aperiantur oculi, & pristinam Germania recuperet dignitatem, hac igitur in Regione totius orbis celeberrima & in Bauaria provincia quam Danubius mediam ferme perlabitur honestissimo loco natus Laureandus noster, nihil duxit antiquius quam ut Italiam proficiscens ad Bononiense primum, deinde ad Patauinum hoc florentissimum Gymnasium se conferret, in quo cum aliis quidem scientiis & disciplinis, tum uero Pontificio iuri eam nauauit operam, ut Sapientissimorum uirorum iudicio, habitus sit, qui uelut Victor in Olympico certamine, non arescentibus aliquando foliis, sed perpetuo honore coronetur, de cuius scientie profecto dignitate ac laudibus non est cur in presentia uerba faciam, cum nemini, plane ignotum sit, hanc esse precipuam Theologis partem, quæ scripturis ueteris nouiq; instrumenti Sanctorum patrum decretis ac Sacrosanctis Conciliorum statutis contineatur, tantumq; reuerentie huic Sacratissimo Pontificum Iuri à Summis Cæsaribus exhibitum fuisse legamus, ut leges ipse ciuiles, non dedignentur Sacros Canones Imitari, imperatorq; ipse legum lator profiteatur se quattuor uetusta Concilia non aliter quam quattuor Euangelia uenerari, super quibus fundata ecclesia ad tantam, & tale dignitatis fastigium consurgit, Sed cum tempus & ratio ipsa postulet ut qui laborauerunt, aliquando reficiantur, & laborum suorum fructum aliquem metant, ad te iam me conuerto VVolfange eruditissime, potestate mihi facta ab Amplissimo Antistite Philippo Donato, Cydoniorum Pontifice, uulgo Agrensie nuncupato, accedente tot doctissimorum uirorum consensu, qui te in prelegendo accuratissimum in disputando acutissimum atq; omni ex parte, Maxime idoneum reppererunt Accipe iam Doctoratus promerita insignia primum quidem subarro te ac desponso annulo aureo, ut intelligas, quemadmodum Aurum cæteris metallis præciosius est, ac fulgentius, ita scientiam, cæteris humanis rebus præciosiorem ac splendidiorem esse, tibiq; eam ueluti sempiterno coniugii fœdere fore coniunctam scias,

librum deinde clausum , mox apertum tibi trado , ut agnoscas hanc ipsam Iuris scientiam tibi in memoriam reconditam & clausam esse debere & si forte quicquam mente exciderit (ut est hominum labilis memoria) ad apertos recurras libros in quibus omnia, discussa & digesta reperies, non tam ad tuam quam ad aliorum & præsertim indigentium & oppressorum utilitatem pertinentia, lauream deinde capiti tuo impono in Triumphi Speciem ut calcatis mundi Illecebris, & uoluptatibus, soli Deo uiuenti, & Reip. seruias, postremo complectente osculo pacis ut recorderis, debere super te requiescere, Spiritum Pacis, atq; utaris hac Iuris pontificii scientia, non ad difficilia, & controuersias excitandas sed potius tollendas & dirimendas , ad illius honorem & gloriam qui est benedictus in sæcula.

- 21 Dux sunt potissimum res, Amplissime Antistes, Viri Ornatiissimi, quæ plerumq; homines in altissimo dignitatis gradu sistere consueuerunt, peritia rei militaris & Sapientia utra harum alteri prestat, per uetus fuit controuersia, de qua differere non est huius loci neq; temporis, ad eumq; uirum id maxime pertineret, qui in utraq; excelleret, compertum tamen habeo apud plerosq; principem sibi locum uendicare Sapientiam, quæ Diuinarum humanarumq; rerum cognitione, continetur. propterea quod militaris rei gloria plerumq; ex fortuna pendeat sapientiæ uero laus ex propria cuiusq; uirtute ingenioq; proueniat, sed qui Respublicas ciuitates familiasq; recte instituerunt sic utranq; disciplinam complexi sunt, ut suam unicuiq; partem tribuerent, nam ex liberis & adolescentibus , alios rem militarem capeffere alios Doctrinæ & sapientiæ operam dare uoluerunt, ut utrûq; tempus pacis & belli, respicerent, & quæ illi bello & Armis compararent, in iustitia & Sapientia Regerent ac conferuerent, qua in re, Ioannis Baptistæ Pauiperi foro Iulienfis huiusce Laureandi Patris præcipuum fuit studium , is enim longa maiorum serie à Nobilissimis Pampergi, & Ripistagni Dominis, quæ sunt in Carnis oppida, non obscura Originem ducens cum octo liberos suscepisset, quattuor Belli & Disciplinæ reliquos uero literarum studiis consecrandos

iudicavit, sanè forum Iulii, à Iulio Cæsare dictatore conditum inter cæteras Italix urbes, cum priscis tum nostris temporibus fuit, extatq; florentissimum, illa enim regio Germanis finitima, cum per eam ueluti portam Barbaræ Olim Nationes irrumpere in Italiam consueissent sæpenumero Barbarico represit impetus Italieq; asseruit libertatem, huius rei gratia Romani ueteres Aquileium Coloniam condidere & insequenti æuo, Castella plurima in collibus condita, fortissimis quibusq; tradita sunt ducibus, ut essent quæ Barbarorum uim sustinerent & Italicos fines armis tuerentur. Itaq; Præpergum & Ripistagnum oppida in faucibus Italix sita & Germanie proxima henrico Viro fortissimo huius Laureandi progenitori, condonata fuere, eiusq; fidei Aemona Illustre oppidum commissum Bello Germanie egregie defensum constat. Prætereo Ioannem Præpergum Strenuum & præstantem uirum, quem Senatus Venetus ob præclare gesta Tricestino oppido donandum censuit, Quiq; dum Ciuitati Austrix à Germanis obsessæ opem ferret desertus à suis, pugnans in Acie fortiter occubuit. Taceo Hermanum Vicardum, Iacobum iustum aliosq; Gradus huius Viros complures Clarissimos ne Historiam uideat Contexere, silentio inuoluo adhuc uiuentes Barnabam, & Leonardum, Laureandi nostri fratres, quorum alter Iurisconsultus eximius, Alter Philosophus Medicusq; præstantissimus, maxima sunt Familix decora atq; ornamenta uenio iam ad Aloysium, quem hodie uirtutis ergo, honestandum suscepimus, is enim ab incunte æta maiorum suorum præclara secutus uestigia, in hoc celeberrimo orbis terræ Gymnasio ciuili ac Pontificio Iuri, egregiam nauauit operam tantumq; in hac disciplina proferit, ut Iure Optimo dignus sit habitus, qui in Doctorem numerum atq; ordinem coaptetur, atq; ad cæteras huius laudes, & felicitatis Cumulum. Accessit hoc ueluti fastigium & Apex, ut ab hoc Principe Nobilissimo & Clarissimo hunc honoris gradum consequeretur, de quo quidem uiro uetat me pudor meus atq; ipsius præsentia plura uerba facere, satis enim superq; laudatum censeo, si Nepotem Pauli tertii Pontificis uere Maximi ca-

## O R A T I O

ius uita functi Memoriam, posteritate omnis pie collet, tali ac tanto genere non indignum dixero, quamobrem exurge mi Aloyſi, & huius principis iuſſu accedenteq; horum Doctiſſimorum uiroꝝ, conſenſu accipe iam diu promerita hæc honoris inſignia primum quidem.

*Mant. grauiter lecto decumbentem, amicè olim uiſitaras Hieronymus Niger, Venetus, ſimulatq; moriturum ratus, mæiore affectus incredibili, abſceſſit, domum rediit, orationem funebre conſcripſit, con ualuit Mantua, Niger moritur, quid mirum igitur, ſi nonnunquam ſunus etiam uiuentis faciat, Mortuus?*

O R A T I O H I E R O. N I G R I, C A N O N I C I  
Patauini, Veneti & I. Con. O. eloquentiſſimi,  
in funere uiuentis Mantuz.

**G**raue mihi onus hodierna die uideor ſuſcipiſſe, qui Marcum Mantuam Benauidium Iuriſconſultum Clariſſimũ, præceptorem olim meum uita functum debita laudatione proſequendum ſumpſerim. Huius enim uiri præſtantes eximiazq; uirtutes, quibus ipſe non modo Patriam hanc nobiliſſimam, Gymnaſiuq; hoc celeberrimum, uerum & cunctam Italiam, atq; adeo noſtra hæc ſecula ſummopere illuſtrauit, non humile atq; abreptum ex triuio dicendi genus, ſed illuſtrem ac ſublimem poſtulant orationem, qualem ego id ætatis, intermiſſo iam pridem orandi munere, in tanta lectiſſimorum Virorum frequentiam polliceri non audeo. Peruetus uero neceſſitudo inter nos, multorumq; offitiorum, quibus coniuncti ſuimus, Memoria ita me aſſigunt, atq; opprimunt, ut neq; Mens, neq; lingua, neq; latera ſuo iam offitio ſnæctura uideantur. Adnitèdũ eſt tamẽ tanti uiri laudes paucis perſtingendæ ſunt, quas fortaffe alias ſedatiorè animo latius explicabimus, interea uos oratos uelim, ut quæ dicam attentis excipiatis auribus, quæ uero breuitatis ſtudio

prætermittam, nobiscum taciti cogitetis.

Nô defuere, qui naturâ rerû omniû procreatricē uehementē accusarint. eaq; nô parētē sed nouercā appellauerint, quòd coruis, cornicibus, & id genus animantibus, quæ nullo ferè usui sunt humano generi, longævam dederit uitam, Homini autem a quo tot commoda, tot ornamenta proueniunt, tam exiguum uitæ curriculum concefferit, ut quasi stros matutinus occidente sole languescat & decidat. Qua opinione adducti nonnulli nescio quo pacto in philosophorum numero habiti Animû despondentes in uoluptate summum bonum statuerunt, ad eamq; cuncta referentes ab oī administratione Reip. & ab omni studio uirtutis & laudis abstinuere. Hos ego omnium mortalium ingratisimos ē ciuitatibus eliciendos censeo, ne, imprudentiores apibus esse uideamur, quæ ignauos fucos arcent ab aluearibus, nam si existimant ii se sibi solis natos esse, cur Agricola serat nudus? duroq; aratro terram proscindat? Scilicet ut hi otiosi sedeant, & alienis laboribus saginentur. Cur impiger Mercator per tot terræ marisq; pericula merces conuehat? ut hi gemma bibant & ferrano ostro dormiant. Cur Imperator & miles ad Buccinæ sonitum intempesta nocte consurgant, cur pro salute ciuium uulnera & mortem oppetant, sane ut hi supini stertant, & turpi otio contabescant. Contra uerò si liceret brutis animantibus de natura conqueri, haberent quædam ex eis quòd quærerentur, diu quidem se uiuere, sed ignara suæ uitæ, sed ad seruitutem hominum, quorum in fidias, dum semper timent, miserrime uiuunt, nobis autem diuinitus datam esse ingenii uim, quæ tot artibus, tot discipulis exculti, immortalitatem consequi possumus, nam & pie uiuendo & bene merendo de humanogenere, non modo sempiternam nobis gloriam comparamus, uerum & aditum patefaciamus in cælum, ac creatori Deo similes reddimur. longè igitur errant hi qui inter misérias nostras connumerant uitæ breuitatem quam præclare gestis diuturnam atq; æternam facere & possumus & debemus. Horum errores ab ineunte ætate auersatus. M. Mantua Patre natus Petro Mepico peritisimo ac summæ probitatis uiro, ex humanio-

## O R A T I O

ribus studiis, in quibus non mediocriter excelluit, ad iuris ciuilis & Pontificii disciplinam se contulit, Præceptore usus Hieronymo Butigella Papiensi Iurisconsulto Clarissimo qui postea Romæ est mortuus. Huius Memoriam Marcus tam pie tam diligenter coluit ut cum frequenti sermone tum scriptis testatum reliquerit, quàm honorifice de præceptore sentiret. In quo satis impudenter ne dicam impie labuntur permulti, qui ut acutiores præceptoribus uideantur, eos in terdum carpunt, eorum placita refellunt, sibi ipsis negotiū facessentes, quum permagni referre uideatur, sub quo quis Duce militauerit. fecit hoc aduersus Platonem Aristoteles, plerumque non sine calumnia, fortasse arbitratus interitura Platonis opera, quemadmodum & antiquorum philosopharum scripta interierant. quæ si extarent, forte illos non tam inepte lapsos iudicaremus. Fuit per omnem ætatem Marcus in iudicando de aliis benignissimus, ac ab omni penitus inuidia maxime alienus, nam quos in sequenti æuo æmulos habuit in prælegendo, excepit semper comiter atq; Urbane offitiis iuuit, fauoribus est prosequutus. Nimirum magni & erecti est Animi ac sua ipsius uirtute nitentis, alienæ laudi non detrahere, uelle unumquemq; honesto esse loco, ad honores & opes bonis omnibus patere aditum, Nam qui per alterius ruinas uiam sibi sternit ad gratiam is certe suæ indignitatis est conscius, & eo gradu honoris, quem petit indignus. Hac grauitate & Modestia Benauidius facile Animos tam ciuium quàm aduenarum omnium sibi concilauit, & ante ætatem condiscipulos omnes præteruictus dignus est habitus Veneti Senatus iudicio, qui primum Pontificium deinde ciuile ius publice interpretaretur, posceret is locus ut de dignitate huius scientiæ uerbam facerem, in qua Marcus principem sibi locum uendicauit, sed ea res toties inculcata est auribus uestris, toties ex hoc loco prædicata ut laborem hanc frustra mihi uidear suscepturus, Verearq; ne in tam uastum prouectus pelagus, à portu longius quàm par esset, aberrem, ne ue iuris prudentiæ laudem, totum orationis meæ cursum auctant, sed quoniam nonnulli sunt ex nostra Academia, qui philosophiæ studium iuris prudentiæ præponendum



ponendum censent, quasi uero iuris scientia non sit philosophiæ pars, & quidem nobilissima, legesq; ipsa è sacrario philosophiæ depròptè nò fuerint, ac si quid forte uitii notant, in leguleis, uel in corrupta legum disciplina, id totum huic scientiæ adscribunt, date obsecro ueniam, si in confutanda horù petulantia parù p euagabor. Viguit olim apud ueteres philosophos inter scientias omneis tædus indissolubile, atque hæc erat cathena illa aurea, quam ex ore Iouis prodire poetæ finxerunt. Ea propter iidem fuere & legulatores & Philosophi, quod de Solone Licurgo, cæterisq; permultis memoriæ proditum est. Quò enim pacto illi Sanctissimas leges condere potuissent nisi prius didicissent, quid iustum, quid æquum, quid utile foret Reip. & Socrates ipse diuinus profecto uir primus fertur philosophiam e cælo deuocasse, & in urbes introduxisse, propterea quod sapientiæ studium ad ciuilem uitam primus accommodarit. Quanquam enim ante Socratem sapientes multi leges condiderunt, fuere tamen illæ aliquanto seueriores, quam ætas insequens pati posse uideretur. Socrates ad humanæ uitæ societatem continendam, direxit omnia, quæ Plato eius discipulus à præceptore tradita literis commendauit. Qui si nunc audirent hosce Ardeliones legum scientiam irridentes, & philosophiæ studium a iuris peritia separantes, dicerent sanè, unde uos hoc diffidium somniatis? An si quid forte inepte & Barbare à recentioribus Iuriconsultis est traditum propterea iuris prudentiam abiiciendam putatis? Quid ineptius & magis barbarum est uestris nūc usurpatis uocibus? Quid uestris disceptationibus obscurius & implicatius? Et tamen nos maiestatem Philosophiæ suscipimus, & ueneramur. At qua breuitate, quo candore, qua dignitate à Veteribus Iuriconsultis scriptæ sint leges, Quis non admiretur? Si recentiores interpretes ueterè illà latinæ linguæ puritatē retinere nò potuerunt, fuit hoc uitium illius temporis quo se in Italiam infuderat peregrinitas, & oēs disciplinas atque artes fœda illa barbaries infecerat. Ingenia uero recetiorū Iuriscōsultorū peracuta, in credibilē cūctarū legū memoriā sūmā in scribēdo diligētiā quis nò probet? Quū nihil fere in cōtrouersiā cadere possit, q nò illi præuiderint ac deffiniuerint. Neque uitio uerten

dū est legibus, q̄ tot litibus atque his perpetuis, tot clamoribus, fora cūcta personēt quemadmodū nec medendi sciētia culpāda est, q̄ tot ægri homines decūbāt, & pereant. Damnādi sunt, qui ex suo (ut aiunt) capite legibus abutūtur, qui calūniis locū dāt, qui p̄ sordes iudicia exercent. Quibus leges ipsæ grauiter & seuerē admodū inclamāt, & grauissimas statuūt poenas. Defināt igitur hi hāc palmā, quā omnis ætas omnis ordo, cūctarū gētiū, nationūq; cōsensus iuris sciētiæ tribuit, ei uelle extorquere de manu, ne interdicto retinēdæ possessionis ac suo ipsa, iure uti cogatur. Sed ad M. Benauidiū redeo qui ex hac ciuili, ac pōtīficia sapiētia tantū est laudis cōsecutus, ut eū iure optimo antiquioribus iuriscōsultis parem extitisse fateamur. Nā & publice prælegēdo, & quoti die aliquid noui mādādo literis, & reos in capitalibus iudiciis defēdēdo, Nullā particulā tēporis offitio uacuā abire permisit, & qđ C. Plinius secūsus Iunior de Auūculo scribit, perire omne tēpus arbitrabatur, quod literis nō impartiretur. Huius domus Oraculū fuit Ciuitatis, quā semper & auctoritate & consilio, & opibus iuuat, Princeps legationis pro patria Donato Veneti Senatus principi luculēta oratione est gratulatus. Claruit ex temporanea latine dicēdi facultate, ut sæpenumero bis in die incoronandis doctoribus perelegantem habuerit orationem. Et nemo iam sibi hisce honoribus ac titulis rite uideretur insignitus, qui nō eos de Marci Mantuæ manibus accepisset. Vos adhibeo arbitros Patres Amplissimū quorū aures animosq; tot annos Mantua suauissima oratione demulsit, qui diu (ni fallor) Eloquentissimi collegæ uocem, atque industriā desiderabitis. Vos testes aduoco legū studiosi Iuuenes qui adestis, ecquādo Mātūā de iure interrogastis, qui nō cōtinuo copiose benigneq; responderit, quando opem ab eo, auxiliūq;, ex petiuiistis, quod non is prōpte liberaliterq; præbuerit? Fuit profecto in omni uita, magno atq; excelso animo. Quali nō priuatū modo ciuē sed principē quoq; Virum esse decuisset, nā & ædes Magnificētissimas, & hortos amoenissimos uelut alter Lucullus extruxit, disposuit, præclarisq; signis & operibus ab ipsa ætīquitate repetitis mirifice ornauit, Afferit hoc studiū uetustatis ut nō mediocrē sumptū, ita plurimum de-

lectationis & laudis, eo priscis tēporibus nobilissimi, & sapientissimi quique homines sunt delectati, nam & quæ Romani illi Veteres uniuerso penē terrarū orbe subactō subacta græcia, in urbē trāstulerāt, à præclaris artificibus egregie cōficta post euersum Imperiū ut est omniū rerū uicissitudo trāslata sunt, alio & p̄ uniuersum penē orbē terrarum fuere dispersa, Quorū intuitu renouatur memoria clarorū uirorū, quos ea uel signa; uel nomismata rēp̄sentāt, neque parū uidētur face re ad accēdēdos ad uirtutē animos eorū imagines qui rebus p̄clare gestis & gloria claruere. In huiusmodi honesta suppellectili coemenda atque ornāda multū pecuniæ Marcus profudit, multo quidē æquius & honestius quā lucullus de quo paulo ante mētionē fecimus, ille enī ex hostiū manubiis tot & tāta cōgesserat, Hic ex publico stipēdio, atque ex uigiliis, quas p̄ salute amicorū cōseruāda, & p̄ cōmuni huiusce Gymnāsii utilitate ac dignitate, tuenda sustinuit, ille post tot uictorias otio incumbens ab omni publico munere se se abdicauit, luxui ac noluptati totū se tradidit. Hic ad extremū usque spiritū Rēp̄. nō deseruit, & si quādo ab hominū frequētia secescit, scripsit semp̄ aliquid, q̄ posteritati sit profuturum.

Scriptit autē septē & triginta uolumina, multa rerū uarietate & copia refertissima, tā in Cæsareo iure q̄ Pōtificio. Cōmētaria scilicet, quæ uulgō repetitiones appellāt, Collectanea, Consilia, Scholias Apophtegmata, problemata Dialogos, Enchiridia, Epitomata, Cēturias, & id genus quamplurima, quæ, singula enumerare longū esset. Vt si hæc scripta mēte & cogitatione renoluimus, Vix credibile est, hunc ad cætera negotia inducere animū potuisse, si reliqua ipsius studia, & actiones inspicimus, difficile erit cognoscere, quonā pacto is tot & tāta literis mādare potuerit. Hæ lucubrationes, hæ uigiliæ Marce tuæ perpetuo tecū uiuēt, multoq; erūt plausibiliores te Mortuo q̄ uiuo. Nā & Poetarū Pater Homerus, & Diuinus Maro, & Clarissimi quiq; scriptores dū uiuērēt, nō carere obrectatoribus, quos postea omnis insequens ætas est uenerata. His titulis tu familiā & patriā ornasti tuam, Hæc monumēta posteris tuis imitāda reliquisti & quēadmodū in sumorū Imperatorū triūphis mos fuit circūducere captas urbes, Trophea, Spolia, Captiuos Reges, ita nos in supremo hoc

triúpho, quē de ipsa morte, uirtus tua retulit, circūducemus  
 praelara tua opera, libros abs te diuinitus conscriptos, Mul-  
 teros mortales tua ope subleuatos, & ex ignorantia tenebris  
 ereptos. Quamobrem nō est cur tuum ipsi desileamus interi-  
 tū, Cuius animū credimus bene actū uitā conscientia gau-  
 dentē, ea iam pramia fuisse consecutū quā Munificentissim-  
 us cōditor orbis Deus proposuit iis qui de humano gene-  
 re bene meruissēt, Quin potius praelarā hāc Ciuitas, hoc ip-  
 sum Gymnasiū, apud Deum ipsum patrociniū tuū exposcit,  
 Rogatq; te, ut tua ista uox, quā, saepenumero huic Vrbi, & pa-  
 trix salutaris fuit, calamitoso hoc tempore ne desit atq; in of-  
 fitio permaneat; Vos autē uniuerfos, qui ad hoc honestandū  
 funus frequentes conuenistis oro, atq; obtestor, ut tanti Vi-  
 ri memoriam pie sancteq; colatis, & per eadem uestigia gra-  
 dientes omni studio connitamini eandē metā cōtingere,  
 quam Marcus felicissime contigit, & quā cōstituta est omni-  
 bus iis, qui uirtutem pietatemq; coluerint.

Obiit Hieronymus Niger, aēo atatis suae LXII. MDLVII.

Viuit Mant. nunc atatis annorum LXXXVII.

*Quae in cudendo opere acciderint liturae.*

Fol. 2. a linea. 11. Amicicie. Amicitia f. 2. l. 14. Mærore. Munere b. l.  
 14. deuonemus. uonemus. f. 3. l. 6. Quāqui. Quāq; l. 21. inuistā. depistā. l.  
 24. pato. peto. b. l. 2. facio. facio. l. 11. cooptatū. coaptatū. eodē gratu-  
 latioris, gratulationis. l. 27. Gesse cōditione, ca esse cōditione. eodē flu-  
 etuebat, fluētuebat. f. 5. b. l. 18. homine tibi familiare. hominē tibi fami-  
 liarē, f. 6. l. 4. cooptatus. coaptatus. l. 8. mens. meus f. 8. l. i. ualeremus  
 ualerianus f. ult. ueltra, nostra b. f. 20. mea. meā f. 9. l. 5. omnes. omncis.  
 f. 10. li. 6. cōfēcta. cōfēcti. l. 12. habes habēs. l. 27. prudētissimū pruden-  
 tissimo. b. l. 28. me hāc. modo hāc. l. 30. mirū se. inter se. f. 12. l. 11. suis.  
 sinas. f. 14. l. 20. integritate. integritatē. f. 15. l. 26. tenore. tēpora. b. l.  
 30. tua te. f. 20. li. 34. pōtificiū pōtificū. l. 35. decrete. decreta. l. 24.  
 Acephalis. Acephali. l. 25. ibi. si. b. l. ult. Hominū. Hominē. f. 22. l. 11  
 cogitabā Romā. cogitabam Romam uenire. b. l. 6. presciturus. prose-  
 cuturus f. 29. l. 19. Neli. Nolim.

*Cetera tanquā parui momenti aut leuiora errata in iudicium  
 Candidi lectoris reponuntur.*





128

